







Խ. ՄԱԼՈՒՄԵԱՆ

891.99.092 [Handwritten signature]

~~1-16~~

W 29

ՄԱՌԿԱՆՈՒՄ 1961 թ.


# ՄՏՔԻ ՄՂԵԿԸ

ԳՐԻԳՈՐ ԱՐԾՐՈՒՆՈՒ

գրական գործունեության 25-ամսակի առիթով:

A  $\frac{II}{3/639}$

40621



ԹԻՖԼԻՉ

ՏՊԱՐԱՆ «ԱՐՐ» Տ. ՆԱԶԱՐԵԱՆԻ

Երևան, Կ. Կ. Մարտի 1961 թ.


1890

99156 48-20

*Дозволено цензурою, Тифлисъ, 1890 г. 12-го апрѣля*

*Тип. „Афоръ“ Т. Я. Пазаръскъ: гол. Головин. пр. и Барят. ул.*





ԳՐԻԳՈՐ ԱՐԺՐՈՒՆԻ

## I.

Հայ ժողովրդի պատմութիւնը իսուռական թւականներից սկսած մի նոր շրջանի մէջ է մտնում:

Մեր գրողները այդ շրջանը անուանում են վերածնութեան շրջան: Եւրոպայում և նոյն իսկ Ռուսաստանում իսուռական և վաթսուռական թւականներին տեղի ունեցած քաղաքական և հասարակական շարժումներն ազդեցին Հայ ժողովրդի անշարժութեան մատնված կեանքի վրա: Այդ անշարժ, կղզիացած կեանքը սկսեց շարժվել, և ահա միմեանց լեռնից սկսեցին երևան գալ՝ մէկը միւսից աւելի կարևոր, մէկը միւսից աւելի կենսական խնդիրներ:

Այդ խնդիրների ծնողը, իհարկէ, ինքը ժողովրդի կեանքն էր:

Գրա հետ միասին վերջին 30—40 տարիների ընթացքում առաջ եկան մի խումբ գործողներ՝ գրական, հասարակական և այլ ասպարէզների վրա, որոնք մի կողմից կախ մղելով ժողովրդի սիրաը կրծող հին մտքերի և տարրերի դէմ, միւս կողմից աւելի որոշ ձևակերպեցին բուն ժողովրդի ցաւերը և պահանջները: Այդ գործողները, որոնք մտաւոր լեզափոխութեան կարապետներ հանդիսացան մեր մէջ, մեր ժամանակակից կիանքի առաջադիմութեան հսկաներն են:

Խրիմեան Հայրիկ, Միքայէլ Նալբանդեան, Ներսէս Վարժապետեան, Ստեփաննոս Նազարեան, Բաֆֆի, Ռաֆայէլ Պատկանեան, Գրիգոր Արծրունի, — ահա այն հսկաները, որոնց գործունէութիւնը մի ամբողջ դարազրուխ է կազմում մեր ժո-



զովրդեան պատմութեան մէջ, և որոնք տիրապետեցին այդ նոյն ժողովրդի սիրտն ու միտքը:

Ազգը զժբաղգութիւն է ունեցել արդէն գոցանից մի քանիսներին թաղելու: Միւսները, այն է՝ Խրիմեանը, Պատկանեան — Քամառ-Քաթիլյան և Գրիգոր Արծրունին զեռ կենդանի են և գործում են: Ներկայ 1890 թւականին Հայ Հասարակութիւնը բազմ ունեցաւ շնորհաւորելու Խրիմեան Հայրիկի ծննդեան 70-ամեայ տարեդարձը. նոյն Հասարակութիւնը, որ 1886 թւին տօնեց Պատկանեանի գործունէութեան 35-ամեակը, այս տարի տօնում է Գրիգոր Արծրունու զրական գործունէութեան 25-ամեակը:

Քսան և Հինգ տարի է արդէն, որ Գրիգոր Արծրունին գործում է: Քառորդ դար առաջ նա իր այդ գործունէութիւնը սկսեց երիտասարդական արտասովոր ոգևորութեամբ և բոլորեց իր քսանհինգամեակը՝ կրկնապատիկ ոգևորութիւն ներշնչելով Հասարակութեանը: Եւ ահա այդ Հասարակութիւնը շտապում է օգուտ քաղել 25-ամեակի զէպքից՝ իր ոգևորութիւնը արտայայտելու Համար:

Այդպիսի բույէներում ժողովրդի մէջ բնականաբար ջերմ ցանկութիւն է առաջ գալիս աւելի մօտ ծանօթանալու օրուայ Հերոսի՝ անձնաւորութեանը և գործունէութեանը, իմանալու թէ ո՞վ է նա, ի՞նչ է արել և ի՞նչ է ուզում անել...

Մենք կը փորձենք, որքան Հանգամանքները և միջոցները ներում են, պատասխանել այդ հարցերին, ոչ թէ լոկ ժողովրդի հետաքրքրութիւնը լիացնելու նպատակով, այլ այն պատճառով որ Գրիգոր Արծրունու կեանքի մէջ ոգևորիչ, ուսանելի և խրատական զծեր շատ կան: Թող միայն ներվի մեզ, որ Արծրունու անձնաւորութեան և գործունէութեան հետ սերտ կապ ունեցող մի քանի խնդիրների մասին միայն հարևանցի կերպով կը լիշենք, իսկ մի քանիսների մասին բոլորովին չենք խօսի...



## II.

### ԿԵՆՍԱԳՐԱԿԱՆ ՏԵՂԵԿՈՒԹԻՒՆՆԵՐ

Արժրուհիների տոհմը բնիկ Վանեցի է: Ներկայ գարուս սկզբներին Վանում յայտնի էհրանենց տան նախանդամ Գէորգը թողնելով Վանը՝ Պարսկաստանի վրայով անցաւ Թիֆլիզ: Էհրանենց ընտանիքը Վանում ունէր ահազին կալուածներ և մեծ հարստութիւն: Այդ կալուածների պատճառով Գէորգը գանազան հալածանքների ենթարկվեց թիւրք կառավարութեան կողմից, և վերջումը մահից ազատվեց միայն նորանով, որ իր ընտանիքի հետ միասին ապաստան գտաւ հայոց եկեղեցում: Ահա այդ վտանգից ազատվելու համար Գէորգը ծրարեալ կերպով փախչում է Վանից և գալիս է Կովկաս, երեսի վրա թողնելով իր բոլոր կալուածները<sup>1</sup>:

Գէորգը Գրիգոր Արժրուհու պապն էր, երբեմն Թիֆլիզում նշանաւոր Գէորգ ազան: ռուսաստան գալով Գէորգը խնդիր է ներկայացնում Ռուսաց կառավարութեանը և ազնւականութեան տիտղոս է պահանջում, հիմնվելով այն բանի վրա, որ իր տոհմը ծագում է Արժրուհի իշխանական տոհմից, որ, ինչպէս յայտնի է հայոց պատմութիւնից, մի

---

1. Շատ տարիներ յետոյ, գեներալ Նրեմեայ Արժրուհին Պօլս է գնում գատ բանալու թիւրքաց կառավարութեան դէմ՝ պահանջելով իր հօր կալուածները, սակայն Օսմանեան մարտադարում նրան հասկացնում են, որ շատ լաւ կանի անմիջապէս հեռանայ, եթէ չէ ուզում թունաւորվել:

ժամանակ թագաւորում էր Վասպուրահանում: Իր պահանջը արդարացնելու համար, Գէորգը առաջ է բերում թէ Հայոց հոգևոր բարձր իշխանութեան վկայութիւնը և թէ ուրիշ վրկայութիւններ: 1814 թւին Գէորգի կողմից Ռուսաց կառավարութեան ներկայացրած տոհմագրութիւնից երևում է հետևեալը:— Երբ 16-րդ դարում, այն է 1534 թւին Թիւրքաց սուլթանը տիրեց Վանին, որտեղ բնակվում էին Արծրունիների տոհմը, այդ տոհմը ստացաւ Սուլթանից զանազան արտօնութիւններ, իբրև իշխանական տուն: Այդ տան այն ժամանակվայ ներկայացուցիչը՝ Էհրան Արծրունին ստացաւ հետարեօլդ աշի տիտղոս: Այդ տիտղոսը արվում էր նոցա, որոնք իրաւունք ունէին օգտվելու քաղաքի եկամուտների մի մասից: Արծրունիների ընտանիքը այդ իրաւունքից օգտվում էր մինչև 1814 թւականը:

Ռուսաց կառավարութեան ներկայացրած տոհմագրութիւնըն սկսվում է Էհրան Արծրունուց, 1530 թւականից: Ապա, որդաց ուղի առաջ բերելով հասնում է մինչև 1771 թւականը: Այդ թւին Արծրունիների տան նախնազամ Երեմեայից ծնվում է Գէորգը—մեզ յայտնի Գէորգ աղան: 1793 թւին Գէորգը ունենում է մի աղջիկ Մարիամ անուանով, իսկ 1804 թւին մի որդի՝ Երեմեայ անունով:

Թիֆլիզ գալով և բաւական հարստութիւն ունենալով, Գէորգ Արծրունին սկսում է պարապել առևտրական գործերով, և նա պարտում է ոչ թէ միայն Ռուսաստանի, այլ նոյն իսկ Եւրոպայի շատ քաղաքները, Պարիզ, Ամստերդամ և այլն: Գէորգ աղան սկզբում մտադրվում է բնակութիւն հաստատել Գալիցիայում, բայց վերջը վճռում է բնակվել Թիֆլիզում, ուր արդէն գտնվում էր իր ընտանիքը, այն է՝ կինը, Երեմեայ անունով որդին և Մարիամ անունով աղջիկը<sup>2</sup>:

1. Акты Кавк. Археолог. Комисіи, томъ V.

2. Մարիամը գեռ Վանում նշանվել էր Սանասարեանց անու-

Թիֆլիզում Գէորգ ազան ձեռք բերեց ահագին ազդեցութիւն ոչ թէ միայն իր հարստութեան, այլ և իր անձնական ընդունակութիւնների և արժանաւորութիւնների շնորհով: Նա արևելեան երկրների մէջ պատահող այն բացառիկ տիպերիցն էր, որոնք թէև անուսում, թէև առանց գիտութեան, բայց միշտ հանդիսանում են իբրև ուսման և լուսաւորութեան հովանաւորող և իբրև մի որևէ նորութեան ներկայացուցիչ:

Գէորգ Արծրունին իր ժամանակին ներսէս Ե. կաթողիկոսի մօտիկ բարեկամներից և նրա գործունէութեան աջակիցներից էր, լինելով միևնոյն ժամանակ զանազան տեսակ համակրելի գործերի նախաձեռնող և աջակից: Իբրև մի փաստ նրա առաջագիմական ձգտումների, կարող է ծառայել և այն, որ նա բերելով Եւրոպայից, Ամստերդամ քաղաքից, հայոց տառերի մայրեր, հիմնեց առաջին Հայոց տպարանը 1824 թւին, Թիֆլիզում, որը լետոյ ներսիսեան դպրոցին նուիրեց և մինչև իսկ ինքը տպագրեց մի գիրք «Գարատան խրատուց» անունով, 1829 թւին, այսինքն այն ժամանակ, երբ գիրք տպագրելը «ընտրեալների» գործն էր և երբ հայերէն գրողների թիւը ամբողջ Ռուսաստանում երկու ջուխտ մի կենդ էր: Գէորգ Արծրունին, ինչպէս պատմում են, ունէր ուրիշ շատ զբրուածներ. նա զրել էր Եւրոպայում արած իր բոլոր ճանապարհորդութիւնը: Բայց նրա բոլոր զբաւոր վաստակներն այրվեցան 1855 թւին, երբ նրա քարվանսարան կրակ ընկաւ: Զարմանալի չէ ուրեմն, որ Գէորգ ազան մեռնելով, բացի իր մեծ հարստութիւնից, թողեց և շատ լաւ անուն, մի նախան-

---

նով ընտանիքի զաւակ Սարգսի հետ Գոցա երկուսից 1818 թւակա-  
նին Ռուսաստանում ծնվեց Մկրտիչ անունով որդին, որը հայ հասա-  
կութեանը յայտնի Մկրտիչ Սանասարեանն է, էրզրումի Սանասարեան  
գալոցի հիմնադիրը: Վանում այժմ գոյութիւն ունեցող օրիորդական  
նախկին Սանդիստեան գալոցը այժմ կոչվում է Մարիամեան, ՚ի պա-  
տիւ այդ Մարիամի:

ձեւի լիշատակ, որը երկար ժամանակ կենդանի էր Թիֆլիզի ամբողջ ազգաբնակչութեան մէջ:

Գէորգ ազալի որդուն, Երեմեային, որ մեռաւ 1877 թւին, Թիֆլիզում դեռ շատերն են լիշում, և ամբողջ Թիֆլիզը նրան լաւ ճանաչում էր՝ իբրև գեններալ Երեմեայ Արծրունի: Շատերն են լիշում այն անմատչելի, ինքնասած և խոժոռագէմ գեններալին, որը բազմած սեփական շքեղ գայլերէյի գեղեցիկ պարտիզում, փոխարքայի պալատի կողքին, կարծէք իր մօտ եկող ամեն մէկին ուզում էր ասել. «եղեցին կամք իմ յամենայնի և յամենայն ժամ»: Երեմեայ Արծրունին Թիֆլիզում մեծ դեր է կատարել. նա եղել է քաղաքազուլս վաթսուհական թւականներին, երբ քաղաքային ինքնավարութիւնը նոր էր մտցրվել Թիֆլիզում: Նա ուսում առած մարդ էր: Իր ուսումը առել էր նախ ազնւականների դպրոցում և ապա զինուորական դպրոցում: Տարօրինակութեան հասցրած ինքնուրույնութիւնը նրա բնաւորութեան յատկանիշն էր . . .

Իր ժամանակին նա պաշտպանել է մի քանի պրօեկտներ. ի միջի այլոց նա ջերմ պաշտպան էր այն մաքին, թէ Կովկասի՝ Սև ծովի ափերից երկաթուղու գիծ պէտք է անցկացնել գէպի Հնդկաստան, իբրև մի լաւ միջոց ուսաց առևտրական և քաղաքական ազդեցութիւնն այդ երկրի վրա տարածելու համար: Այդ հարցի մասին գեններալ Երեմեան թէ կայսերական Աշխարհագրական ընկերութեան մէջ է գեկուցումներ արել և թէ գրել է առանձին գիրք, որը տպագրված է հայերէն լեզուով: Այդ գրքովը իր տարօրինակ հալկաբանութեան կողմից մի լաւ նիւթ է հայոց աշխարհաբար լեզուի պատմութեան համար:

Գեններալ Երեմեայի վրա Թիֆլիզի հասարակ ժողովուրդը նայում էր իբրև անխարդախ, գուշակ մարդու վրա. նրան իբրև քաղաքազլիսի՝ հաւատում էին, բայց այդ բոլորի հետ միասին ժողովուրդը չէր սիրում նրան, թէև շատերը նրանից երկիւղ էին կրում, որովհետև այդ մարդը վերին աստիճանի

ինքնասած և բռնաւոր մարդ էր: Վարվել ասած բանը նա չը գիտէր: Նա անմատչելի էր: Նրա խօսքին խօսք ասել չէր կարելի: Նրա կապրիզներին վերջ չը կար: Եթէ Գէորգ Արծրունին լարութիւն առնէր, անկասկած կը դատապարտէր իր որդու այդ տեսակ բնաւորութիւնը, բայց նրա խելքը և ընդունակութիւնները տեսնելով՝ անկասկած կատէր՝ «սա իմ որդին է»: Եւ ճշմարիտ: Երեմեայ Արծրունին խելօք մարդ էր: Երբ նա մեռաւ, ուստի լրագիրներից մինը շատ ճիշտ կերպով հետեւեալ կարծիքը յայտնեց.— Երեմեայ Արծրունին իր ընդունակութիւններով և խելքով կարող էր շատ բարձր գիրք ստանալ ուսուսաց կառավարչական պաշտօնավարութեան մէջ, բայց նա այդ գիրքին չը հասաւ միայն իր տարօրինակ բնաւորութեան պատճառով, ոչ ոքի հետ վարվել չիմանալու պատճառով: Իսկ վարվել իմանալը շատ կարեւոր է բարձր պաշտօնների հասնելու համար...

Պատմում են, որ Երեմեայ Արծրունին շատ քչերին էր սիրում և շատ քչերի խօսքին ականջ կը դնէր: Այդ քչերի թւումն էր և մի նիհար, բարձրահասակ մարդ, որը լաճախ տեսակցութիւն էր ունենում գեներալի հետ և որին սիրում էր ինքնասած գեներալը: Դա Միքայէլ Նալբանդեանն էր: Գուցէ ինքնակամ գեներալը սիրում էր Նալբանդեանին միայն այն պատճառով, որ տեսնում էր նրա մէջ մի անյողողղ բնաւորութիւն, մի ամուր կամք... Ինքնասած մարդիկ շատ անգամ անկեղծօրէն են սիրում հաստատակամ մարդոց:

Երեմեայ Արծրունին ամուսնացել էր իշխանուհի Ագրիպինա Գաւթեան Նազարովայի հետ, որից ունեցաւ շատ զաւակներ: Դոցանից այժմ կենդանի են միայն Գրիգոր Արծրունին, Անդրէաս Արծրունին և Եղիսարէթ Արծրունին, որը Քաթալիսի այժմեան փոխ-նահանգապետ Բարոն Փօն-Բրիւզէնի կինն է: Անդրէաս Արծրունին աւարտելով Թիֆլիզի գիմնազիան, մտաւ Պետերբուրգի համալսարանը, ապա գնաց Գեր-



մանիա կատարելագործվելու համար, և այժմ հանքարանութեան պրոֆեսոր է գերմանական համալսարաններից մէկում:

Գրիգոր Արծրունին ծնվել է Մօսկվայում, 1845 թւին, փետրվարի 27-ին:

Իր մանկութեան տարիները նա անցկացրեց այնպէս ինչպէս վայել էր այն ժամանակ մի հարուստ և գիրք ունեցող ընտանիքի զաւակներին—այսինքն շրջապատված զաստիարակչուհիներով և տնային վարժապետներով:

Երբ 1855 թւին նրա ընտանիքը ուղևորվեց Գերմանիա, որտեղ մնաց Կրէյցնախ քաղաքում (Հոեննոսի ափերում), Արծրունին 10 տարեկան հասակում սկսեց լատիներէնի և գերմաներէնի դասեր առնել: Փրանսերէն լեզուն ևս նա սկսեց սովորել զեռ. ուսումնարան չը մտած, մանկութեան օրերում: Պատմում են, որ զեռ երեխայ ժամանակ Մօսկվայում փոքրիկ Գրիգորը սկսեց ֆրանսերէն լեզուով մի լրագիր հրատարակել, որի ընթերցողները և բաժանորդները իր փոքրահասակ քույրերը և եղբայրներն էին: Սպտիմիտները այդ գէպքը անկասկած ապագայ սլոբլիցիստի տաղանգի նշան կը համարեն... Վերադառնալով ընտանիքով Թիֆլիզ, նա միայն 12 տարեկան հասակում սկսեց հայերէն սովորել: Գրանից առաջ նա մի բառ անգամ չը գիտէր հայերէն: Նրա հայերէնի առաջին վարժապետն էր Գրիգոր քահ. Տէր-Բարսեղեանց, ապա Պետրոս Սիմէօնեան, լետոյ լատինի գրաբարագէտ Առաքել վարժապետ Արարատեան:

Ընտանեկան լաւ կրթութիւն ստացած, Արծրունին մտաւ Թիֆլիզի կլասիքական գիմնազիան և զեռ. գիմնազիական հասակում լատինի էր ընկերների մէջ իր տաք բնաւորութեամբ և իբրև իր համոզմունքների համար լամառ կուռոյ:

Գիմնազիան նա աւարտեց 1863 թւին, այսինքն 18 տարեկան հասակում: Յաջորդ տարին, այն է 1864 թւին

Արծրունին մտաւ Մօսկվայի Համալսարանի բնագիտական Փակուլտետը և 1865-ին տեղափոխվեց Պետերբուրգի Համալսարանի նոյն Փակուլտետի երկրորդ կուրսը: 1865 թւի ապրիլ ամսին նա առաջին անգամ սկսեց գրել «Մեղու Հայաստանի» լրագրում: Նոյն տարուայ վերջը, հիւանդութեան պատճառով, բժիշկների խորհրդով, թողեց հիւսիսը և գնաց հարաւային Փրանսիա, Նիցցա քաղաքը: Մի ձմեռ Նիցցայում անցկացնելուց լետով, հետևեալ տարին Արծրունին գնաց Շվեյցարիա, որտեղ ինչպէս ազատ ունկնդիր լսում էր նախ Յիւրիխի, ապա ժընէվի Համալսարանի դասախօսութիւնները, զլիաւորապէս քաղաքական և քաղաքատնտեսական գիտութիւններով հետաքրքրվելով: Այդտեղից նա շարունակեց գրել «Մեղուին» և «Հայկական աշխարհին»: 1867 թւին ուսանող մտաւ Հէյդլբերգի Համալսարանի փիլիսոփայութեան Փակուլտետը, իր համար մասնագիտութիւն ընտրելով քաղաքատնտեսութեան պատմութիւնը, ստատիստիկան, ֆինանսները և առհասարակ քաղաքատնտեսական գիտութիւնները: Այդտեղ նա զլիաւորապէս լսում էր Բաու, Կնիտ, Բլունչի և Տրէլչկէ պրօֆեսօրներին, միևնոյն ժամանակ գրված լինելով և բնագիտական բաժնի մի քանի դասախօսութիւններին, լսում էր Հելմհօլցի «Բնական գիտութիւնների ընդհանուր հետեւանքները» և Վունդի «Համեմատական անտրոպօլօգիան»: Հէյդլբերգում եղած ժամանակն էլ աշխատակցում էր «Հայկական աշխարհին»:

Քաղաքատնտեսական և քաղաքական գիտութիւնների շրջանից հարցաքննութիւն տալով, Գրիգոր Արծրունին 1869 թւի վերջերին ստացաւ Հէյդլբերգի Համալսարանի փիլիսոփայական Փակուլտետի դոկտօրի աստիճան:

Նոյն տարին Պարիզ գնալով, այնտեղի Համալսարանումն էլ մի քանի ամիս լսեց քաղաքատնտեսական դասախօսութիւններ: Պարիզից Արծրունին եկաւ Վիէննա, ուր մի ամբողջ ձրմեռ անցկացրեց, մի կողմից Միխիթարեանների մօտ հայերէնից պարասլելով, միւս կողմից հետևելով Վիէննայի Համալսարանում



Լօրենց, Շտէյն և Շէֆլէ պրօֆէսօրների քաղաքատնտեսական դասախօսութիւններին:

Այդ ժամանակ արգէն, ինչպէս երևում է, Գրիգոր Արծրունին բաւական որոշ կերպով էր կազմել իր սպագայ գործունէութեան ծրագիրը հայ ժողովրդի մէջ և այդ պատճառով առանձին եռանդով է սկսում սովորել հայոց լեզուն: Այդ նպատակով նա Վիէննայից գնում է Վենեցիա, որտեղ վեց ամիս պարապում է հայերէնից Միխիթարեան վանքի միաբան (այժմ արքահայր) հայր Իգնատիոս Կիւրեղեանի մօտ: Վենեցիայից վերադառնալով շէյդլբերգ, կրկին մի վեցամսեակ համալսարանում լսում է քաղաքական և քաղաքատնտեսական դասախօսութիւնները:

1871 թւին Գրիգոր Արծրունին վերադարձաւ Թիֆլիզ:

Թիֆլիզում Արծրունին մի առ ժամանակ, առանց վարձատրութեան, դասատուութիւն արաւ Հայոց օրիորդական դըպրոցներում և նոյն իսկ մի ժամանակ վարեց Գալիանեան և Մարիամեան դըպրոցների տեսչի պաշտօնը: Գրա հետ միասին նա շարունակում էր գրել «Մեղուի» մէջ «Նեօրէ» ստորագրութեամբ, «Հայկական աշխարհում» իր ստորագրութեամբ, Կ.-Պօլսի «Մասիս» լրագրում, Պետերբուրգում Կորշի խմբագրութեամբ հրատարակվող «С.-Петербург. Вѣдомости» լրագրում թէ առանց ստորագրութեան և թէ է. Շատ-Իրաւացի» (Э. Шатъ-Ираваци) ստորագրութեամբ:

1872 թւին Արծրունին հիմնեց Թիֆլիզում «Մշակ» լրագիրը, որ սկզբում շաբաթաթերթ էր. 1876 թւից սկսեց շաբաթը երկու անգամ հրատարակվել, իսկ 1878 թւից դարձաւ ամենօրեայ, հրատարակվելով շաբաթը հինգ անգամ:

Խմբագրելով և հրատարակելով «Մշակը» Արծրունին միևնոյն ժամանակ գանազան հարցերի մասին գրում էր ռուսաց «Виржевыя Вѣдомости», «Русскій Мір», «Русскій Курьеръ» և Վիէննայի «Journal d' Orient» լրագրներում, նոյնպէս և Թիֆլիզում հրատարակվող «Тифлисскай Вѣстникъ»:

լրագրում, որտեղ ի միջի ալլոց զետեղել է մի շարք առաջնորդող յօդուածներ Թիւրքաց Հայերի մասին:

1876 թւին Արծրունին առաջին անգամ կարգաց Թիֆլիզում հայերէն լեզուով մի դասախօսութիւն «Միօրական ժողովրդագրութեան» մասին, և ապա ուրիշ դասախօսութիւններ, ի միջի ալլոց 1879 թւին մի դասախօսութիւն «Թիւրքաց Հայերի անտեսական դրութեան մասին»:

Հրատարակելով «Մշակը» նրա գոյութեան օրից սկսած, 1884 թւին նա ընդմիջեց «Մշակի» հրատարակութիւնը անձնական հանգամանքների պատճառով: Ահա թէ ինչ գրեց Գ. Արծրունին այդ մասին, 1884 թւի Մշակի, № 65—վերջին համարում:

— «Պարտաւորութիւն եմ համարում մի կարճ հաշիւ տալ հայ հասարակութեանը իմ գրութեանս մասին:

Արծրունի եղբայրներս ունէինք Թիֆլիսում կալուածներ, որոնք պատկանում էին մեր սոչմին մօտ մի հարիւր տարի, որոնց նման ոչ միայն Կովկասում, այլ և Ռուսաստանում չը կար և որոնց արժողութիւնը միլիօնի էր հասնում.— ահագին քարվանսարայ 200 խանութով և թատրօնով, 1,300 քառակուսի սաժէն տարածութեամբ և ահագին այգի 1,500 քառակուսի տարածութեամբ, սեփական սնով, ջրով և գաղի գործարանով:

Երբ ներկայ տագնապի ժամանակ այդ կայքերը պէտք է ծախվէին պարտքերի համար, որոնք հասնում էին կայքերի իսկական արժողութեան կէսին միայն, Թիֆլիսի հասարակութեան կողմից խոստումներ եղան մի կողմից ակցիօներական ընկերութիւն կազմել այդ կայքերը գնելու համար, միւս կողմից գնել այդ կայքը Էջմիածնի համար, երրորդ կողմից քաղաքի համար և այլն: Բայց ոչինչ չաջողվեց: Կայքերը աճուրդի նշանակվեցան ու բանկի վրա մնացին և այժմ ես զրկված եմ ամեն միջոցներից. նոյն իսկ այն պապական տունը այգիով, որտեղ ինքս ապրում էի, ձեռքիցս գնաց:

Այժմ խառն գրութեան մէջ, երբ ինքս զեռ չը գիտեմ ինչ միջոցներով ինքս պէտք է ապրեմ, որտեղ կը լինի «Մշակի» խմբագրատունը, որտեղ կը լինի բնակարանս, ստիպված եմ

առժամանակ, գոնէ երկու ամսով, դադարեցնել «Մշակի» հրատարակութիւնը:

Տասն և երեք տարւոյ զրական գործունէութիւնից լետոյ հայոց հասարակութեան համար, այժմ կորցնելով իմ ամբողջ կարողութիւնս, այս բազէիս ինքն իրան հարց է առաջարկում թէ «Մշակի» գոյութեան և թէ իմ անձնական ապրուստի մասին»:

Նոյն 1884 թւականին Արծրունին իր քայքայված առողջութիւնը վերականգնելու համար, գնաց Եվէլցարիա, որտեղ մի տարի անցկացրեց: Այգտեղից նա գրում էր Կ.-Պօլսի «Արևելք» լրագրի մէջ:

Այգ ժամանակն էր, որ Գրիգոր Արծրունին հեռու Եվէլցարիայից ողբալով ներսէս Վարժապետեանի մահը, առաջարկեց ընտրել Խրիմեանին իբրև, ներսէսից լետոյ, ամենայարմարը հայոց կաթողիկոսական գահի համար...

1885 թւականի վերջերին Թիֆլիզ դառնալով, լաջորդ 1886 թւից Արծրունին նորից սկսեց հրատարակել «Մշակը» շաբաթը 3 անգամ: Խմբագրելով լրագիրը, 1889 թւին Արծրունին Թիֆլիզի հասարակութեան կողմից Պարիզ գնաց, ներկայ լինելու «Գրողների կոնգրեսին», և շարունակում է մինչև այժմ էլ, այն է 1890 թւականը, խմբագրել «Մշակը», բոլորելով իր զրական գործունէութեան քսանևհինգամեակը:

III.

ԳՐԻԳՈՐ ԱՐԾՐՈՒՆՈՒ ԳՐԱԿԱՆ ԳՈՐԾՈՒՆԷՆՈՒԹԵԱՆ  
ՍԿԶԵՆԱՆՈՐՈՒԹԻՒՆԸ


A 31639

1864

Գրիգոր Արծրունին իր առաջին, անդրանիկ յօդուածը գրեց 1865 թւին, երբ դեռ քսան տարեկան ուսանող էր Պետերբուրգում: Այդ յօդուածը տպագրվեց այն ժամանակ Թիֆլիզում հրատարակվող «Մեղու Հայաստանի» շաբաթաթերթում, այն է 1865 թւի № 13 և 14-ի մէջ և կրում է հետևեալ վերնագիրը. «Բնական գիտութիւնների նշանակութիւնը դաստիարակութեան մէջ»:

Աւշադրութեան արժանի են յօդուածի վերջում առաջ բերած Հերշելի խօսքերը թէ՛ «առաջադիմութեան համար մարդուն հարկաւոր է ոչ թէ միայն շատ բան սովորել, այլ և շատ բան մոռանալ»: Գրիգոր Արծրունին հաւատարիմ մնաց իր գրական գործունէութեան ընթացքում այդ խորիմաստ խօսքերին.—նա աշխատեց ոչ թէ միայն շատ բան սովորեցնել, այլ և շատ բան մոռացնել տալ... Նոյն թւի № 23-ի մէջ տպած է երկրորդ յօդուածը՝ «Երկու խօսք ազդեցեալաց դաստիարակութեան վրա» վերնագրով:

Պետերբուրգից տեղափոխվելով Եւրոպա, 1866 թւից սկըսած, թէ Ծրանսիայում, թէ Նվէյցարիայում և թէ Հէլզըլբերգ եղած ժամանակ Արծրունին սկսեց աւելի լաճախ գրել Թիֆլիզի այն ժամանակվայ երկու հրատարակութիւնների՝



«Մեղու Հայաստանի», շարաթաթերթի և «Հայկական աշխարհի» մէջ: Նրա այդ գրուածները վերաբերում են մեծ մասամբ քաղաքատնտեսական, դաստիարակչական և բնագիտական գնահան հարցերի և հայոց գրականութեան: Օրինակ, «Հայկական աշխարհի» 1867 թւի մէջ տպագրված են հետևեալ յօդուածները, որոնց վերնագիրները արդէն մասամբ զաղափար կարող են տալ բովանդակութեան մասին.

1) «Աշխատենք», որը պարունակում է մի քանի մտքեր՝ քաղած Էդմոնդ Աբու-ի «Le Progrès» (Առաջադիմութիւն) անունով գրքից: Այդ յօդուածում կան ի միջի ալոց հետևեալ խօսքերը. «Մեր պարտքը մարդկութեան վճարելու համար մեզ հարկաւոր է աշխատել, մեզ հարկաւոր է մեզանից լետոյ ինչ և իցէ լաւութիւն թողնել: Մեզանից չեն պահանջում հրաշքներ գործել, բայց ինչ և իցէ լաւութիւն թողնել... Եւ այն մարդիկներին, որոնք իրանցից լետոյ ինչ և իցէ աշխատանք կամ լաւութիւն են թողել, ես անուանում եմ «առաջադիմութեան մշակներ»... Թող կորչէ անունը,—բարի գործը չի կորչի: Աշխատենք»:

2) «Քանի մի մտքեր». այս յօդուածում լայնված են մի քանի վերին աստիճանի համակրելի մտքեր երեխաների կրթութեան և նոցա բնական բնդունակութիւնների զարգացման մասին: Նոյն յօդուածի մէջ Գրիգոր Արծրունին մի միտք է պաշտպանում, որ անկասկած սարսափ կը պատճառէր այն ժամանակվայ հայոց «ազգային գործիչներին»: Նա պաշտպանում է տղաների և աղջիկների համար խառն դպրոցներ հիմնելու միտքը, այսինքն այնպիսի դպրոցներ, որտեղ երկու սեռին պատկանողներն էլ միասին ուսանէին: Արծրունին ասում է .

«Մարդ և կնիկ երկու ընկերներ են, որոնց բնութիւնը նշանակել է միասին մի գործ կատարելու կեանքում. այդ գործը ապագայ սերունդների դաստիարակութիւնն է: Գուք պահպուծէք, որ երեխաներ ունենաք. բայց այդ բաւական չէ, պէտք



է դաստիարակութիւն տաք նոցա: Չեր կինը ձեր ընկերն է երեխաների դաստիարակութեան մէջ: Աւերմն ինչպէս էք կամենում, որ ձեր երեխաների տուած դաստիարակութիւնը լաւ լինի, երբ որ դուք ձեր կնոջ չէք ճանաչում. նա ձեզ չէ հասկանում, դուք նորան չէք հասկանում: Արիւ ընկերներ սխտը են գործ և միմեանց չեն ճանաչում, յայտնի բան է որ գործը վատ կերթայ... Այն է բաժանված ուսման մեծ պակասութիւնը, որ նա ստիպում է տղաներին և աղջիկներին միմեանց օտար մընալ.—ուրեմն նոցա միակողմանի զարգացումն է տալիս—Այնչափապէս անբարոյական չէ, ինչպէս այն կատարածը, որը երեխաների մէջ ծնվում է բաժանված ուսումից: Աղջիկներին կրկնում են թէ՛ ամօթ է և լաւ չէ տղաների հետ ընկերութիւն անել. տղաներին ասում են՝ որ հեռանան աղջիկներից: Այդ տեսակ անուժանելի խորհուրդը կատարած է գցում երեխաների մէջ: Այդ կատարածից աւելի վտանգ կարելի է սպասել, քան թէ աղջիկներին և տղաների շարունակ բնական յարաբերութիւններից: Սովորութիւնը մեծ բան է: Ամերիկայի ուսումնարանների մէջ տղան այնպէս սովորում է իր կողքին աղջիկներ տեսնել, որ վերջապէս նոցա յարաբերութիւնները ընկերական և եզրայրական են դառնում... Այդ տեսակ ուսումնարանների մէջ աղջիկն և տղան ամեն որ միմեանց տեսնելով, միմեանց հետ բարեկամանում են և այդ բարեկամութիւնից շատ անգամ դուրս է գալիս ս է թ: Ասում են որ այդ բարեկամութիւնից դուրս եկած սէրը ամենարագաւոր ամուսնութիւններ է ծնում»:

Այդ յօդուածը գրված է 1866 թւին, Նիցցայից:

Նոյն «Հայկական աշխարհի» 1868 թւի Համարներում տպագրված են Գրիգոր Արծրունու՝

1) «Ինչ է կնամարդը, յօդուածը, որի մէջ անց է կացնում այն կարծիքը, որ կինը չի կարող դաստիարակիչ—մայր լինել և երեխաներ դաստիարակել, եթէ նա ինքը տ գ է տ է, ս տ թ ու կ, և չունի սեփական անկախութիւն: Այդ յօդուածը գրված է 1866-ին, Յիւրիխում:

2) «Գրականութիւն չը կայ, յօդուածը, որի մէջ ասում է, թէ Հայոց Հին գրականութիւնը չի կարող լիութիւն տալ այժմեան կեանքի պահանջներին, յայտարարելով որ չը կայ

այդ կեանքի պահանջներին լիութիւն տւող նոր գրականութիւն: Թէ այդ և թէ Վրէլալիստներ, վերնագրով յօդուածը գրված են Նվէյցարիայից:

3) Ինչի չենք հիմնում, վերնագրով յօդուածում, ի միջի ալլոց հետևեալ տողերն են գրված. «մենք հայերս ոչ մի բանից օգուտ չենք քաղում: Մեր մասին ասում են, որ մենք վաճառական ազգ ենք.—բայց դա ուղիղ չէ: Այո, մենք վաճառականութեամբ ենք պարապում, մենք առնում ենք և ծախում ենք, վաճառականութիւնից շահվում ենք,—բայց միթէ այդպիսի ազգին, որը միայն առնում և ծախում է, իսկ ինքն ոչինչ չէ արդիւնաբերում, կարելի է վաճառականական ազգ անուանել»: Ապա մի շարք փաստեր բերելով Կովկասի այս և այն արդիւնաբերութեան մասին աւելացնում է. «Ուրեմն մենք տեսնում ենք, որ ոչինչ բանից օգուտ չենք իմանում քաղել, ամեն գործի մէջ վնասվում ենք մեր տգիտութեան պատճառով: Գլխաւոր պահանջմունք է մեզ համար ուրեմն տարածել գիտութիւն մեր մէջ, մեր գործնական աշխատանքը օրինաւոր կերպով կատարելու համար: Եթէ ոչ երբ շինվեն մեր երկրում երկաթուղիներ, երբ մեր երկիրը աւելի յայտնի կը լինի եւրոպացիներին,—նոքա կը գան մեր երկիրը, կը հիմնեն գործարաններ, և գիտնական մարդիկ լինելով, իրանց գումարները մեզանից լաւ կառավարել իմանալով, մեր բնական արդիւնքներից կը պատրաստեն առաւել մեծ քանակութեամբ, առաւել մաքուր, վաճառահանութեան առաւել յարմար արդիւնքներ: Այնպէս որ հայերին խնդրակցութիւն կանեն, հայերի ձեռքից գումարները կը խլեն»: Յօդուածը վերջացնում է, առաջարկելով, որ բացի հարուստների որդկերանցից, որոնք գնում են ուսում առնելու, և որոնք թւով քիչ են, պէտք է ուղարկել և ուրիշ բազմաթիւ երիտասարդներ, այս և այն մասնագիտութիւնն ուսանելու, գործնական աշխատանքի ընդունակ դառնալու, որոնք վերագառնային և մշակէին երկրի այս ու այն բնական հարստութիւնները: Այդ տեսակ երիտասարդների ուսման ծախ-



քը հոգալու համար Գրիգոր Արծրունին առաջարկում է հիմնել նոյն իսկ ընկերութիւններ: Այդ յօդուածը գրված է Հէյդըբերգից 1868 թւին, երբ նա ի միջի այլոց սկսեց գրել և այնպիսի դպրոցների մասին, որտեղ առաջարկում էր ընդունել երեխաներ առանց դաւանութեան խտրութեան:

1871 թւին արգէն Թիֆլիզ գալով Գ. Արծրունին գրեց «Հայկական աշխարհում» մի շարք քաղաքատնտեսական յօդուածներ՝ «Աշխատանքի բաժանութիւն» վերնագրով: Առաջ ենք բերում այդ յօդուածներից մի կտոր.

«Միջին դարերի գիտութեան մէջ տիրում էր Լատինական լեզուն: Նա մեծ օգուտ է բերել ժամանակին, նորոգելով հին դասական (կլասիկական) աղբիւրների միջոցով Եւրոպայի նորահաս միաքը և գիտութիւնը. բայց երբ Եւրոպական գիտութիւնը առաջադիմութիւն անել և հների գիտութիւնից գերազանցել փորձեց, Լատինական լեզուն, մեռած լեզու լինելով, անզօր դարձաւ գիտութեան բոլոր ճիւղերն ընդարձակելու և նոր ձևեր ընդունելու: Մեռած լեզուն մեռած ձև լինելով, չէ կարող առաջադիմութիւններ անել: Ամեն մի ազգութեան անտաշ լեզուն, իր նոր, կենդանի և փոփոխական ձևերով առաւել ընդունակ չափանիցաւ մարդկութեան գիտութիւնը առաջադիմութեան ճանապարհին մղելու»:

Գրելով «Հայկական աշխարհի» մէջ, ինչպէս վերևն էլ ասացինք, Արծրունին գրում էր և «Մեղուի» մէջ, իր սեփական անունով, իսկ 1871 թւին նեօրէ կեղծ ստորագրութեամբ (այդ ստորագրութեամբ Արծրունին շարունակեց մի առ ժամանակ գրել և «Մշակի» մէջ): Նրա յօդուածները մեծ տպաւորութիւն էին թողնում: Այդ երևում է և նրանից, որ «Հայկական աշխարհը» թէև թշնամի «Մեղուին», խորհուրդ էր տալիս իր ընթերցողներին կարգալ Գրիգոր Արծրունու «Մեղուի» էջերում տպագրվող «Ազգային գրատուններ», (1867 թւին տպած), «Շարունակենք թէ ոչ», (1868 թւին տպած) և ուրիշ «իմաստուն» յօդուածներ:

Առաջ բերելով Գ. Արծրունու, «Մեղուի» և «Հայկական

աշխարհի, մէջ տպագրած յօդուածներէց երկար ցիտատներ, մենք երկու նպատակ ունէինք.— նախ՝ ցոյց տալ թէ ինչպիսի հայերէնով սկսեց գրել Արծրունին 1865 թւին և թէ Բնչ փոփոխութիւնների և առաջադիմութեան ենթարկուց նրա լեզուն և ոճը մինչև 1871 թւականը: Եւ երկրորդ՝ ուշագրութիւն գարձնել այն հանգամանքների վրա, որ իր գրական գործունէութեան հէնց առաջին քալափոխից՝ այդ մարդը երևան է գալիս իբրև ազատ մտքերի դաւանող, իբրև համարձակ մտածող՝ և ընդունված հասկացողութիւնների չենթարկվող: Ուշագրութեամբ հետևելով Գրիգոր Արծրունու բոլոր գրքածնորին, մինչև 1871 թւականը, թէ «Մեղուի», թէ «Հայկական աշխարհի», և թէ վերջապէս արտասահմանեան և ուսույրազիրների մէջ, մարդ այն եզրակացութեան է գալիս, որ դեռ շատ երիտասարդական հասակում նրա մէջ կային այն մտքերի և ուղղութեան սաղմերը, որոնք շատ պարզ երևան եկան տարիներ յետոյ՝ «Մշակի», էջերում: Ըշմարիտ է, Արծրունու ուսանողական հասակում գրած յօդուածներից շատերը պարզ ցոյց են տալիս, որ հեղինակի մտքերը դեռ կատարելապէս չեն հասունացել, դեռ վերջնականապէս չեն կազմակերպվել, բայց և այնպէս շատ զաղափարներ դեռ այն ժամանակ արգէն այնքան խոր արմատ էին գցել նրա մէջ, որ նա նրանց փափախել և պաշտպանել է մինչև այժմ էլ՝ իր գրական ամբողջ գործունէութեան ընթացքում:

Եղել են դէպքեր, որ Գ. Արծրունին, ժամանակակից պահանջների վրա հիմնվելով, սկսել է նոր կարծիք յայտնել, փոխանակ այն կարծիքի, որ նա պաշտպանում էր երիտասարդ հասակում, ուսանող եղած ժամանակ: «Հայկական աշխարհի» 1867 թւի համարներից մէկում տպած է Գ. Արծրունու «Գերգատանի ազգեցութիւնը և համալսարան» վերնագրով յօդուածը: Այդ յօդուածում հեղինակը այն միտքն է անցկացնում, թէ որովհետև մեր ընտանիքի մէջ, որտեղ տիրում են զանազան նախապաշարմունքներ, անգամների մէջ՝ փոխանակ հաւասարու-

Թեան իրաւունքի՝ տիրում է բռնութիւն, և որովհետեւ միշտ ալդալիսի ընտանեկան շրջանի ազդեցութեան ներքոյ կրթվելով և միշտ ալդալիսի շրջանում լինելով՝ մեր սերունդը չէ կարող թօթափել իրանից իր նախորդների վատ լատկութիւնները, ուստի անհրաժեշտ է, որ նոր սերունդին պատկանողները՝ գէթ բարձրագոյն ուսում ստանալու համար առ ժամանակ հեռանալին իրանց ընտանեկան շրջանից, գնալին աւելի քաղաքակիրթ երկիրներ և մշակէին այնտեղ իրանց համար աւելի անկախ, աւելի ազատ բնաւորութիւն: Հիմնվելով ալդ տեսակետի վրա, Արծրունին այն կարծիքն է յայտնում, որ մեր երիտասարդութեան արտասահմանի համալսարաններ գնալը շատ և շատ նպատակալարմար է, ուստի և չէ համակրում Կովկասում համալսարան հիմնելու մտքին՝ վաղաժամ համարելով նրան:

Անցան տարիներ, և «Մշակի» էջէրում արդէն, 1873 թւին, Արծրունին հրապարակապէս լիշեցնելով «Հայկական աշխարհի» էջերում իր քարոզած միտքը, յայտնում է, որ իր կարծիքը այդ հարցի մասին փոխել է, և որ այժմ ժամանակ է հիմնելու Կովկասեան համալսարան: Յայտնի է, որ դրանից լետոյ ոչ ոք, ոչ հայոց, ոչ ռուսաց և ոչ վրաց մամուլի մէջ Կովկասում, այնքան ջերմ կերպով չէ պաշտպանել և արծարծել Կովկասեան համալսարան հիմնելու խնդիրը, որքան Գրիգոր Արծրունին:

Ի նկատի ունենալով Թիֆլիզի հայոց մամուլի միակողմանիութիւնը և վերին աստիճանի պահպանողականութիւնը այն ժամանակ, երբ Արծրունին գրում էր «Հայկական աշխարհի» և «Մեղուի» մէջ, նրա յօդուածները և յայտնած մտքերը վերին աստիճանի համարձակ, վերին աստիճանի բազիկալ էին թւում խմբագիրներին: Նոյն իսկ «Հայկական աշխարհը», որ իրան միշտ թշնամի էր ցոյց տալիս պահպանողականութեան, դժուարանում էր տպագրել Արծրունու յօդուածները, թէև միւս կողմից տպագրելու էլ մեծ փափակ ունէր, որպէս

զի, ինչպէս խմբագրութիւնը ինքն է յայտարարում, Վրթեր-  
ցողներին մասնակից կացուցանի յօդուածների խելացի և մի-  
անգամայն օգտաւէտ մտքերին: Յօդուածները, ինչպէս երե-  
ւում է նոցա գրած լինելու և տպագրութեան թւականներից,  
շատ անգամ երկու տարուց յետոյ էին միայն լոյս տեսնում:  
Վալկական Աշխարհի, 1868 թւի մի համարում տպագրված  
է Գրիգոր Արծրունու մի յօդուածը՝ Վրականութիւն չը կայ,  
վերնագրով: Գրա մէջ հեղինակը քննելով հայոց հին գրակա-  
նութիւնը, ասում է. հին գրականութիւնը մեզ ցոյց է տա-  
լիս թէ մենք ինչ ենք եղել և ինչ ենք արել, — բայց  
նամեզ չէ ցոյց տալիս թէ մենք ինչ պէտք է անենք. և  
տպա այն կարծիքն է յայտնում, որ կեանքի նոր պահանջ-  
ներին միայն նոր գրականութիւնը կարող է լիութիւն տալ:  
Այդ կարծիքները, որ այժմ տարրական ճշմարտութիւններ են  
թունդ կօնսերվատորների համար իսկ, այնքան խիստ  
և սարսափելի են թւացել Վալկական աշխարհի խմբագրին,  
որ նա զժուարանում էր հրատարակել, և տպագրում է մի-  
միայն ինն ամսից յետոյ, այն էլ պատասխանատուութիւնը  
նոյն ինքն հեղինակին թողնելով, ինչպէս ասված է խմբա-  
գրական ծանօթութեան մէջ:

Դա էլ մի փաստ է, որ զաղափար է տալիս վաթսուհակն  
թւերի վերջերքի Թիֆլիզի հայոց մամուլի ուղղութեան մասին,  
տպացուցանելով միևնոյն ժամանակ, որ Գրիգոր Արծրունին  
այդ ուղղութեան հետևող չէր:

Արծրունու աշխատակցութիւնը Վալկական աշխարհին,  
զարմանալու բան չէ, քանի որ այդ ամսագիրը յետագէմ ամ-  
սագիր չէր համարվում. բայց Մեղուի մէջ Արծրունու գրե-  
լը, ալ և այն փաստը, որ նրա առաջին յօդուածը տպագրվեց  
այդ յայտնի պահպանողական լրագրում, կարող է շատերին  
զարմանք պատճառել, և շատերը, մանաւանդ նոքա, որոնք  
գիտեն թէ ինչ կարծիք ունի Արծրունին Մեղուի մասին,  
կարող են հարցնել. այդ ինչպէս է եղել, որ Արծրունին ըս-



կսել է գրել «Մեղուի» մէջ: Նոյն խոյն «Մեղուի» խմբագրութիւնը, տարիներ անցնելուց յետոյ, երբ Արծրունին խիստ կերպով յարձակվում էր «Մեղուի» ուղղութեան վրա, պատասխանում է. «Եթէ «Մեղուն» վատ է, վնասակար է, ապա ինչո՞ւ ուրեմն ինքներդ գրում էք նրա էջերում. ուրե՛մն գուք փոփոխամիտ մարդ էք»:

Նշմարիտ հետաքրքրական է պարզել, թէ արդեօք որն է աւելի զարմանալին, այն, որ Արծրունին գրում էր «Մեղուի» էջերում, թէ այն որ «Մեղուն» տպում էր Արծրունու յոգուածները: Եթէ Գրիգոր Արծրունին «Մեղուի» էջերում պաշտպանէր այնպիսի մտքեր, որոնք «Մեղուն» էին յատուկ, եթէ այդ լրագրի էջերում յայտնէր իր սեփական ուղղութեան հակառակ մտքեր,—այն ժամանակ ի հարկէ կարելի էր ասել, որ նա փոփոխամիտ մարդ է, որ նա փոխել է իր համոզմունքները, հայեացքները, նայելով թէ որտեղ և ինչ օրգանում է գրում: Բայց Գրիգոր Արծրունին այդպիսի բան չէ արել: Ընդհակառակը քաջութիւն պէտք է համարել նրա կողմից այն, որ նա կարողացել է յետագէմ «Մեղուի» էջերում անցկացնել այնպիսի մտքեր, որոնց միշտ դէմ պէտք է լինէր «Մեղուն», և որոնց միշտ իրան թշնամի է ցոյց տուել այդ լրագիրը: Քսան տարեկան մի երիտասարդ ձգտում է գրելու, նա ուզում է լոյս հանել իր այս կամ այն միտքը, գրիչ է վերցնում, արտայայտում է իր մտքերը, և ուղարկում է հայոց մի լրագրի այն ժամանակ, երբ ուրիշ աւելի լաւ հրատարակութիւններ չը կային: Մեզ յայտնի չեն թէ արդեօք «Մեղուն» Արծրունու բոլոր յոգուածներն էր տպագրում թէ ոչ, բայց տպագրածների մէջ էլ կան շատ այնպիսի մտքեր, որոնք լոյս չը պէտք է տեսնէին այդ լրագրում, եթէ նա խմբագրվում լինէր մի հաստատ ձեռքով, և եթէ լոյս են տեսել, այդ էլ անկասկած հանգուցեալ լրագրի խմբագրութեան առասպելական անհոգութեան շնորհով, այլ և գուցէ այն պատճառով, որ գրողը գեներալ Արծրունու որդին էր...

1871 թ. Թիֆլիզ գալով Գրիգոր Արծրունին շատ կարճ ժամանակ օգտվեց «Մեղուի» և «Հայկական աշխարհի» էջերից։ Նա շտապեց իրագործել իր՝ գեռ. առաջ լղացած միտքը, այն է հիմնելու մի անկախ օրգան, և 1871 թ.ի աշնանը արդեն լույս տեսաւ «Մշակի» լսլտարարութիւնը, որով լսլտնում էր թէ 1872 թ.ից պէտք է սկսվի «Մշակ» րրագրի հրատարակութիւնը։

#### IV.

### ՀԱՅՈՑ ՄԱՄՈՒԼԻ ԱՆՅԵԱԼԻ ՄԱՍԻՆ

Գրիգոր Արծրունին 1871 թւին Թիֆլիզ վերադարձաւ փիլիսոփայութեան դոկտօրի տիտղոսով և 27 տարեկան հասակում՝ 1872-ին հիմնեց «Մշակ» լրագիրը: Մշակի լոյս գալովը մի նոր էպօխս է սկսում հայոց գրականութեան և մամուլի մէջ: Թէ այդ էպօխի առանձնախառնութիւնները լաւ հասկանալու, թէ Գ. Արծրունու նոր ուղղութիւնը և թէ «Մշակի» գործունէութիւնը լաւ պարզելու համար մեզ հարկաւոր է երկու հարց պարզել:

Առաջին՝ քննէր հայոց մամուլը ուսաստիւյների մէջ մինչև «Մշակը» և քննէր հոգ էր պատրաստել նա «Մշակի» համար, և

Երկրորդ՝ քննէր հասարակական հանգամանքների մէջ Գ. Արծրունին հիմնեց «Մշակը»:

Առաջին հարցին պատասխանելու համար ես ստիպված եմ մի քիչ հեռու գնալ և սկսել ուսաստիւյների մէջ հայոց մամուլի սկզբնաւորութիւնից:

Մամուլը ուսաստիւյների մէջ սկիզբն է առել աւելի ուշ քան թիւրքահայերի և առհասարակ արտասահմանեան հայերի մէջ: Արտասահմանեան հայոց մամուլի մասին մենք չենք խօսիլ և կը բաւականանանք միմիայն ուսաստիւյների մամուլի տեսութեամբ:

Առաջին հայ թերթը որ երևեցաւ ուսաստիւյների մէջ, դա «Կովկաս» շաբաթաթերթն էր, որ 1847 թւին հրատարակվեց Թիֆլիզում, խմբագրութեամբ Կարինեանի (որ մի ժա-



մանակ Ներսիսեան դպրոցի տեսչի պաշտօն էլ էր վարում) և զլիաւոր աշխատակցութեամբ Մ. Պատկանեանի: Բաւական է ասել, որ «Վովկասը» հրատարակվում էր գրաբար լեզուով և այդ արդէն գաղափար կը տալ, որ շաբաթաթերթը միմիայն «ընտրեալների» համար էր հրատարակվում: Իսկ այդ «ընտրեալները» Վենետիկի միաբանութեան գրքերի՝ փիլիսոփայական և հնախօսական գրքերի սիրահար «հայկարան» և շատ անգամ «վարժապետ» տիազօսը կրող մի խումբ մարդիկ էին, որոնք և սիրտ էին անում հայերէն գրաբար գրքերի վրա փող ծախսել, առնել և կարդալ: Այդ ժամանակ համալսարաններից դուրս եկած հայերի թիւը ամբողջ Ռուսաստանում 20-ի հազիւ էր հասնում: Աւրեմն հեշտ է երեւակայել, թէ ինչքան կը լինէր «Վովկասի» ազդեցութեւնը, եթէ աւելացնենք, որ գրաբար լեզուով հրատարակվող լրագրի էջերի մէջ տպագրվում էին զլիսաւորապէս ոտանաւորներ, առականք և մի քանի էլ պաշտօնական բնութիւն ունեցող լուրեր:

Այդպիսի լրագիրը ի հարկէ երկար գոյութիւն ունենալ չէր կարող և չը կարողացաւ էլ, նա միայն երկու տարի ապրեց և 1848-ին դադարեց: 1850 թւին Թիֆլիզում լոյս տեսաւ մի նոր շաբաթաթերթ «Արարատ» անունով՝ խմբագրութեամբ Գարրիէլ քահանայ Պատկանեանի: «Արարատը» հրատարակվում էր կոտորած աշխարհիկ լեզուով: Այդ թերթը գոյութիւն ունեցաւ միայն մի տարի:

Քառասունական թւականների վերջերին՝ հայոց մամուլի սկզբնաւորութեան առաջին անյաջող փորձերից լետոյ վրա հասան իստանական թւականները, մտաւոր և քաղաքական մեծ շարժումներով: Եւրոպայում քաղաքական և մտաւոր շարժումները ետում էին: Ռուսաստանում մտքի մեծ շարժումներ էին սկսված և գատաստանական և ուրիշ ըէֆօրմների նախընթաց օրն էր: Այդ բոլորը մի կողմից, իսկ միւս կողմից 60-ական թւականների սկզբներին Վ.-Պօլսում թիւրքահայերի ինտելիգենտ երիտասարդութեան կենտրոնում տեղի ունեցող հա-

սարակական շարժումները, սահմանադրութեան խնդիրը և վերջապէս Թիֆլիզում Ներսիսեան գալրոցը և այդ գալրոցի շուրջը կատարվող եղելութիւնները չէին կարող, անկասկած, ցընցում չը սլատճառել հայոց հասարակութեան ինտելիգենտ գասակարգին:

Այդ ցնցումը տրվեցաւ և ահա սկսվեց լիսունական թւականներին վերջերին մտաւոր մի շարժում: Երևան էր եկել Աբովեան. Ռաֆայել Պատկանեան գրական ասպարէզ իջաւ. հորիզոնի վրա երևեց Միքայել Նայրանդեանցը, ապա շուտով երևեցան Սմբատ Շահազիզեան, Գոգոխեան, Քէրովրէ Պատկանեան և ուրիշները իրանց բանաստեղծական գրուածքներով: 1858 թւին պրոֆեսոր Նազարեան Մօսկվայում հիմնեց «Հիւսիսափայլ» ամսագիրը: Նոյն 1858 թւին Թիֆլիզում սկսվեց հրատարակվել «Մեղու Հայաստանի» լրագիրը՝ խմբագրութեամբ Ստեփան քահանայ Մանդինեանի և հրատարակութեամբ Հ. Էնֆիաճեանի: 1857 թւին «Արծիւ Վասպուրականի» մէջ տպվեց Յակոբ Մելիք-Յակովբեանի (Բաֆֆի) առաջին բանաստեղծութիւնը «Հայրենասիրի ողբ» վերնագրով, որ շարունակելով գրել նոյն ամսագրի մէջ 1858 թւից, «Հիւսստափայլի» մէջ տպագրեց «Աղթամարայ վանքը» վերնագրով գրուածքը թիւրքահայերի կեանքից:

1859-ին հայր Մսեր Մսերեանը սկսեց հրատարակել «Նորուաքաղ» ամսագիրը գրաբար լեզուով, իսկ 1880 թւին Մարկոս Աղաբէգեանի խմբագրութեամբ սկսեց լսյս տեսնել «Կուռնկ» ամսագիրը: Նոյն 1860 թւականին գիտնական Գարրիէլ Այվազովսկու խմբագրութեամբ սկսվում է հրատարակվել Թէոգոսիայում «Մասեաց աղաւնի» ամսագիրը, որը տեղափոխվել էր այդտեղ Պարիզից:

Սակայն այդ հրատարակութիւնների մեծ մասը երկար կեանք չունեցաւ: «Նորուաքաղը» համարեա երեք տարի գոյութիւն ունեցաւ, «Մասեաց Աղաւնին» վեց տարուց աւելի սպ-

րել չը կարողացաւ, «Կառւնկը» դադարեց 1864 թւին, «Մեղու Հայաստանի» մահամերձ գրութեան հասած լինելով չը կարողացաւ մնալ նախկին խմբագրի ձեռքում և 1863-ին անցաւ Մանդինեան քահանայի ձեռքից Պետրոս Սիմէօնեանցի ձեռքը:

60-ական թւականների վերջերին այդ լրագրիւններից շարունակվում էին հրատարակվել «Մեղու Հայաստանին», Պետրոս Սիմէօնեանցի խմբագրութեամբ. 1865-ին «Կառւնկը» նորից սկսեց հրատարակվել՝ բայց ոչ թէ Մարկոս Աղաբէգեանի, այլ համալսարանական Ստեփաննոս Ստեփանէի ձեռքով: Բացի դոցանից երևացին նոր հրատարակութիւններ, ինչպէս են, «Համբաւարերը» (Մօսկվայում), «Հիւսիսը» (Պետերբուրգում) և վերջապէս Թիֆլիզում «Վաճառական» շաբաթաթերթը՝ խմբագրութեամբ Գէորգ Տէր-Աղէքսանդրեանի և գլխաւոր աշխատակցութեամբ Աղէքսանդր Երիցեանի. «Գարուն» ամսագիրը, որ հրատարակեց «Մեղուի» նախկին խմբագիր Տէր-Ստեփան Մանդինեանը և Եջմիածնում Գէորգ IV-ի օրով «Արարտ» պաշտօնական ամսագիրը:

Տարբարողաբար այդ հրատարակութիւնները, մեծ մասամբ, ինչպէս երևում է նոյն խոյ վերև բերած տարեթւերից, երկար գոյութիւն չունեցան և որ ամենազլխաւորն է ոչ մի հետք չը թողեցին հայոց մտաւոր շարժման պատմութեան մէջ: Գոցանից շատերը միմիայն լրագրութեան պատմութեան համար լոկ անուններ թողեցին: Թերթերով այդ ժամանակուայ հրատարակութիւնները և ուշագրութեամբ ուսումնասիրելով նրանց բովանդակութիւնը, ուսումնասիրողը ամենից առաջ այն եզրակացութեան է գալիս, որ դոցա ղեկավարները ոչ մի որոշ ծրագիր և ոչ էլ մի որոշ նպատակ չեն ունեցել իրանց հրատարակութիւններին ձեռնարկելիս:

Չը կային խմբագրութիւններ, այս բառի լայն նշանակութեամբ. կային խմբագիր և նրա մի քանի անձնական բարեկամ-

ները, որոնք և միմեանց շողոքորթում էին թերթի մէջ, հայհոյելով իրանց անձնական թշնամիներին<sup>1</sup>։

Այդ անգոյն և անշնորհք գրողները կարծէք չէին լիշում, որ «ժողովրդի» համար պէտք է գրեն, նրա համար աշխատեն։ Ամեն մարդ գրում էր այն, ինչ որ իր սիրտը տալիս էր. ծակ փիլիսոփայութիւններ, դատարկ բանաստեղծութիւններ, անհասկանալի աստուածաբանական խորհրդածութիւններ և շատ շատ մի քանի անեկզօտներ։ Չր կար քննադատութիւն, չր կար կեանքի երևոյթների ուսումնասիրութիւն։

Այն ժամանակվայ այդ հրատարակութիւնների լատկանիշներից մինն էլ էր, շողոքորթել հասարակութիւնը և նրա ազդեցիկ անդամներին։ Գոցա էջերում միշտ կարելի էր կարգալ՝ «իմաստուն ընթերցողը, ազնիւ կարգացողը, ազգասէր հասարակութիւնը»։ Իսկ թէ ո՞ր աստիճանի էր հասնում շողոքորթութիւնը այդ հրատարակութիւնների մէջ դէպի հարուստ դասակարգը, նոյն խոյն այն դէպքում, երբ այդ հարուստը իր

---

1. Օրինակ. «Մեղուի» և «Հայկական աշխարհի» մէջ անձնական բանակիւրը չափողանցութեան էր հասցրած. «Մեղու» սանձարձակ կերպով՝ անլայել և շատ անվայել ակնարկութիւններ էր անում իր հակառակորդ լրագրի խմբագրի—Ստեփանէի անձի դէմ. «Հարցեր չը կային մէջտեղ, այլ լոկ հայհոյանք»։ «Հայկական աշխարհըն» էլ 1867 թւի համարներից մէկում հետևեալ կերպով է սատասխանում «Մեղուի» հայհոյանքներին. «Սիմէօնեան + սրա հին և նոր կարծիքներ + ք. Մ... + թթ. Մ... + թթ. Տէր-Գ... + ստախօս և խաւարապաշտ Մեղ. Հ-ի + բոլոր ընկերութիւն + սոցա բոլոր անարգութիւն — Օ»։ Նոյն «Հայկական աշխարհը» հաղորդելով «Վաճառական» լրագրի մահը 1867 թւին, հետևեալ կերպի սրամտութիւն է անում. «Մեղու Հայաստանի լրագրի վերջին մաղթանքը «Վաճառական» լրագրի վրայ սա էր. «Ի ստորին սանդարամետս ի բնակարանս խարդախ մարդոց, ուր Գարուն և Երևակ կան բթացեալք ազգաւակերպ, ի դժոխս սաղայէլան լիմաշացեալք աշտանապէս, ողորմեսցի որ ողորմի լրագրացս հանգուցելոց. լրագրացս հանգուցելոց եղիցին հանգիստ և ողորմութիւն և խմբագրոցացս մեղաւորաց շնորհեսցի թողութիւն յանցանաց»։



Հագարներէից մի քանի կօպէկ կը շարտէր մի բանի Համար, այդ արդէն անհաւատալի ծայրահեղութեան էր Հասնում: Դիցուք մէկը մի 50 բուբլի էր նուիրում մի մեռածի Համար քէլէիս տալու և ահա գրում էին՝ «Պարծանք քեզ, Հայաստան, որ ունիս զաւակներ, որոնք իրանց ազգասիրութեամբ փառաւորում են քո մոռացված և փոշոտված անունը»: կամ «ազնիւ, մարդասէր և ազգասէր Հայկազնը նուիրեց եկեղեցուն 25 բուբլի արծաթ, կեցցէ նա, նրա անունը անջնջելի կը մնայ Հայ ազգի պատմութեան մէջ»...

Եւ այդպիսի գրութեան մէջ լինելով, այդ հրատարակութիւնները ոչ թէ միայն չէին առաջնորդում Հասարակաց կարծիքը, այլ նոյն իսկ չէին Համարձակվում մտածելու, թէ մամուլը կարող է այդ բարձրութեան Հասնել:

Այդ ընդհանուր և անսփոփիչ գրութեան մէջ, վերև բերած հրատարակութիւններէից շատ քչերն էին բացառութիւն կազմում: Նոյն իսկ ամենից երկար կեանք ունեցող «Մեղու Հայաստանի» լրագիրն էլ կարծէք չէր ցանկանում բացառութիւն կազմել: Սկսվելով 1858 թւականից և 1863-ին Մանգինեան քահանայի ձեռքից անցնելով Սիմէօնեանցի ձեռքը, «Մեղու Հայաստանին» մի կերպով գոյութիւն ունեցաւ մինչև 1871 թւականը և այդ թւականի վերջին՝ դադարեց: «Մշակի» երևալուց մի քանի ամիս յետոյ «Մեղուն» նորից երևաց, բայց ուրիշ կերպարանքով: Այդ մասին յետոյ:

Բայց «Մշակից» առաջ այդ լրագիրը հետևում էր իր եղբայրակիցների աննախանձելի գրութեան և եթէ մի փոքր աւելի ազդեցիկ էր, այդ էլ միմիայն խմբագրի անձնական կապերի շնորհով: Նա հրատարակվում էր այժմեան «Արձագանքի» գիրքով: արտաքին տեսքը վերին աստիճանի տգեղ: Առաջին բաժինը, որ «քաղաքական» վերնագիրն էր կրում, լիքն էր Եւրոպական լրագիրներից թարգմանած, երկար և ձիգ անհամ քաղաքական յօդուածներով, որ անկասկած ոչ ոք չէր կարդում: Ապա գալիս էր «բանասիրական» բաժինը, որ միշտ

միշտ խեղդված էր մնում օտար գրականութեան քունջ ու սուռճախներից հանած՝ անմիտ վէպերի թարգմանութիւնով, իսկ գրանից լետոյ դալիս էր նշանաւոր «ազգային» բաժինը, որտեղ մի «ազգասէր» երեցփոխ հայհոյում էր միւս «ազգացեց» երեցփոխին, կամ մի վարժապետ շողոքորթում էր միւս վարժապետի ազգասիրական եռանդը, և կամ տպագրվում էին զանազան դպրոցների կամ եկեղեցիների հաշիւներ և կամ զանազան «յարտնի ազգայինների» այս և այնտեղ խօսած ճառերը: Աւելացրէք դոցա վրա և այն մշտական քարոզը, որ իբրև ինքնուրոյն յօդուածներ տպվում էին, թէ «մեք խեղճ ազգը լուսաւորութիւն չունի, մեր ազգը պէտք է լուսաւորվի—այն ժամանակ ընդհանուր և բաւական ճիշտ գաղափար ստացած կը լինիք վաթսուներկան թւականների վերջերի «Մեղուի» և առհասարակ հայոց մամուլի օրգանների մեծամասնութեան վերաբերմամբ:

Մամուլի այդ աննախանձելի դրութիւնից բարձրանալ չը կարողացաւ նոյն իսկ Քարբիէլ Ալվազօվսիու նման հեղինակաւոր և գիտնական մարդու ձեռքով խմբագրվող «Մասեաց աղաւնին», իր ոչ-երկարատե գոյութեան ընթացքում:

Մարկոս Աղաբէգեանի հիմնած «Կռունկ» հայոց աշխարհի ամսագիրը, պէտք է ասել, համեմատաբար աւելի բարձր դիրք ունէր: Այդ ամսագիրը իր կարճատե գոյութեան ընթացքում փորձ փորձեց ուսումնասիրել, արծարծել ժամանակակից մի երկու հարցեր և յատկապէս դպրոցական կազմակերպութեան և եկեղեցական հարցերը, որոնք «Կռունկի» միակողմանի կարծիքով՝ հայ ազգի կեանքի ամենաէական հարցերն էին: «Կռունկը» համեմատելով իր ժամանակի վերին աստիճանի պահպանողական և նոյն իսկ յետագէմ օրգանների հետ, մինչև իսկ բաւական ազատամիտ էր համարվում, քանի որ այն ժամանակ վերին աստիճանի ազատամտութիւն էր, գիցուք, կռւել զանազան նախապաշարմունքների դէմ, կամ պահանջել որ և է փոքրիկ կերպարանափոխութիւն գալրոցական

կամ եկեղեցական հարցերի մէջ: Այդ ամսագրի մէջ տպագրվում էին շնորհքով գրուած քննք, որոնք Մարկոս Աղաբէզեանի, Մամուրեանի, Գ. Մուրադեանի և Աշտարակեցի Պերճ Պոսշ'անի գրչի ծնունդ էին: Բայց և այնպէս այդ ամսագիրը, որի մէջ լաւ գրուած քննքերի կողքին յաճախ կարելի էր պատահել և ողորմելի բառախաղութիւններ, չը կարողացաւ ներգործել բուն ժողովրդի վրա, մուտք չը գտաւ ժողովրդի մէջ, չը կարողացաւ պատրաստել այդ ժողովրդի մէջ ընթերցողների մեծ շրջան, այդ պատճառով էլ չը կարողացաւ երկար ապրել և մեռնելով չը կարողացաւ մի հետք թողնել բուն ժողովրդի մէջ:

«Առունկի» անուան հետ կապված էին միայն մի խումբ ինտելիգենտ մարդիկ, որոնք իսկապէս և կազմում էին «Արուունկը» և ամսագրի դադարումից յետոյ էլ այդ մարդիկ յայտնի էին իբրև «Առունկի» ներկայացուցիչներ: «Առունկը» ունէր մի խումբ ջերմ համակրողներ. քանի միասին էին այդ խմբին պատկանողները, կար «Առունկը». հէնց որ դոքա բաժանվեցին, մէջտեղից վերացաւ ինքը «Առունկը»: Այդ պատճառով ահա «Առունկը» թէև բարձր իր ժամանակի շատ հրատարակութիւններից, բայց մի շիտա չը կազմեց:

«Առունկի» վրա կոնգ առնելով, անկարելի է չը խօսել «Հայկական աշխարհի» մասին, որը իր յատուկ առանձնայատուկութիւնները ունէր: 1865-ին «Առունկը» մի առ ժամանակեայ դադարումից յետոյ վերականգնվեց, բայց ոչ թէ Մարկոս Աղաբէզեանի, այլ համալսարանական Ստեփաննոս Ստեփանէի (այժմ Խորէն ծ. վ. Ստեփանէ) ձեռքով: Ստեփանէն նորութիւններ սիրող մարդ էր: Նա «Առունկ հայոց աշխարհի» անուան չը հաւանեց, փոխեց և շինեց «Առունկ հայկական աշխարհի», տպագրեց «Առունկին», միանգամայն հրաժարական տալու համար, դէն զցեց «Առունկը» և պահեց միմիայն «Հայկական աշխարհ»: Այդպիսով «Առունկը» դարձաւ «Հայկական աշխարհ»:

«Հայկական աշխարհը» կատաղի թշնամի էր այն ժամանակուայ «խաւարապաշտ» լրագիրներին, մանաւանդ «Մեղուին»:



Սրինակ, նա այնքան վատ կարծիք ունէր Մեղուի մասին, որ եթէ Մեղուի մէջ մի մարդու գոլում էին, զա արդէն Հայկական աշխարհին՝ հիմք էր տալիս ստելու հրապարակով, որ ուրեմն այդ մարդը անպիտան մարդ է: Ստեփանէի օրգանը ընդհանրապէս կրակոտ բնաւորութիւն ունէր. նրա մէջ շատ անգամ յօգուածները վերջանում էին այս խօսքերով՝ «դէպի յառաջ, դէպի յառաջ»: Նրա էջերում երբեմն երբեմն կարելի էր հանդիպել վերին աստիճանի ազատ և համարձակ յօգուածների: Խմբագիրը մի առանձին ձգտում ունէր մի որևիցէ նորութիւն մտցնելու, նոյն իսկ մի տարօրինակ բան ստելու, միայն թէ նոր բան լինի: Ահա այդ տեսակէտից զրգոված, գուցէ, նա լեզուի ուղղագրութեան մէջ մտքեց նոր ձևեր: Նա գրում էր. ե կ ա վ (եկաւ) յետո (յետոյ) չը կա (չկայ) թիվ (թիւ) Աստված (Աստուած), օվ (ով), հավատ (հաւատ), լուսավոր (լուսաւոր) և այլն: Տարբարողաբար, այդ ամսագիրը զուրկ էր հարցերը սիստեմատիկաբար, լրջօրէն մշակելու յատկութիւններից: Նա ոչ մի խնդրի ծանր չէր կալում և ոչ մի ծանր խնդրի ձեռք զարնել չէր ուզում, ու խոյս էր տալիս հիմնական հարցերի արծարծելուց:

Հայկական աշխարհ, ամսագիրը հրատարակվում էր նոյն իսկ շատ անկանոն կերպով և ճանապարհորդում էր խմբագրի հետ մի քաղաքից միւս քաղաք, նայելով թէ խմբագիրը, մանաւանդ հոգևորական եղած ժամանակ, պաշտօնով ուր էր գրնում. այնպէս որ Հայկական աշխարհը՝ մի ժամանակ Նուշի էր պաշտպանում մեռելիների դիակները այրելու հարցը, միւս անգամ Գանձակից էր խօսում Եւրոպական հանճարների մասին, և առանց ծածկելու արդարացնում էր իրան, տպագրելով իր օրգանի ճակատին՝ „Quod possum facio, faciant meliora potentes“:

Այս բոլորի հետ միասին Հայկական աշխարհը՝ կարողացաւ իր գոլութեան ընթացքում մի փոքր արմուկ հանել և հասարակութեանը տալ մի շարք լաւ յօգուածներ:

Հայոց մամուլի անցեալի կարճ տեսութիւնը անելով, անկարելի է կանգ չառնել մի օրգանի վրա, որը առանձին ներգործութիւն ունեցաւ Հայոց մտաւոր շարժման մէջ: Պա Ստեփաննոս Նազարեանի «Հիւսիսափայլն» էր, որ սկսվելով հրատարակվել 1858 թւին, և զադարելով 1864 թւին, իր 6 տարուայ գոյութեամբ կարողացաւ մի անուն թողնել Հայոց մտաւոր զարգացման պատմութեան մէջ և ճանապարհ բանալ ապագայ այն տեսակ գործիչների համար, որոնք պէտք է հանդիսանային իբրև ր է Փ օ ր մ ա տ օ ր ն ե ր մ եր կեանքի մէջ:

«Հիւսիսափայլից» առաջ ռուսահայերի մէջ չը կար ոչ մի ամսագիր: Արտասահմանի մէջ մինչև 1858 թւականը հրատարակվել և հրատարակվում էին մի քանի ամսագրական հանդէսներ. օրինակ, Պարիզում «Մասեաց աղանի», Վիէննայում «Եւրոպա», Վենեցիայում «Բազմավէպը», Վ.Պօլսում «Բուրաստանը», «Բանասէրը», Զմիւռնայում «Շտեմարանը» և այլն. — բայց գոքա ըստին էլ իրանց ուղղութեամբ և բովանդակութիւնով սար ու ձոր հեռու էին «Հիւսիսափայլից» և վերջինս հանդէս գալով, ոչ թէ չէ օգտվում իր այդ նախորդների, իբր ամսագիրների, գործունէութիւնից, այլ ուղղակի անտես անելով զոցա բռնած ընթացքը, սկսում է ընթանալ նոր ճանապարհով:

Պատիւ է բերում Հայ հասարակութեան, որ նա արդէն Նազարեանին գտակ է իր ամենամեծ գործիչների շարքում և նայում է նրա վրա, իբրև առաջադէմ մտքերի եռանդուն քարոզողի վրա, որը իր ժամանակակից գործիչներից շատերից գլխով բարձր կանգնած՝ սկսում է այնպիսի մտքեր քարոզել, որոնք կենսական նշանակութիւն ունէին Հայ մտքի վերածնութեան համար և որոնց համար նա ժամանակակից իսլաւար շրջաններից միայն հալածանք ստացաւ: Իւր գործունէութիւնով և «Հիւսիսափայլով», Նայբանդեանցի հետ միասին՝ Նազարեանը ցնցեց այն ժամանակուայ հասարակութիւնը և ստիպեց ուշք դարձնել հայերէն լեզուով հրատարակվող ամսագրի

վրա, նոր հոսանք մտցրեց հայոց կեանքի մէջ, վերանորոգութեան հիմք դրեց և հեռանալով ասպարիզից, իր լեռեից թողեց մի կարմիր և փայլուն գիծ...

Մենք երկար կանգ չենք առնի 'Նազարեանի' (Հիւսիսափայլի) և գործունէութեան վրա: Այդ գործունէութիւնը բաւական պարզված է, չը նայած, որ 'Նազարեանի' մահից յետոյ միայն երկչոտ—քննադատները փորձ փորձեցին ստուեր գցել այդ գործունէութեան վրա: Այսքան միայն կասենք: Մի մեռած, արդէն պատմութեան գիրկը անցած գրչի գործունէութիւնը քննելու համար, չը պէտք է խզել նրա այս կամ այն նախադասութիւնները, նրա այս կամ այն բառը, նրա զրածի այս կամ այն կէտը: Գործել մի այնպիսի ժամանակ, ինչպէս էր վաթսուներկան թուականները հայերի մէջ, վերանորոգելու ձգտում ունեցող գրողը այնպիսի վատ հանգամանքներով էր շրջապատված, որ կարող էր սխալներ գործել, կարող էր բույէական ծանր աղաւորութիւնների տակ թող տալ իր գրչին շեղումներ, ինչպէս 'Նազարեանը' արել է երբեմն երբեմն: Պէտք է մտղել այդ գործունէութիւնը. մէկ կողմ թողնել թե և փր և տեսնել թէ տակը մնացող զուտ հատիկները որքան են:

Եթէ մտղենք (Հիւսիսափայլը), եթէ գտենք 'Նազարեանին', այն ժամանակ մեր առջև, պատմութեան առջև և հասարակութեան գիտակցութեան մէջ մնում են մի շարք նոր գաղափարներ, վերածնութեան ձգտում, մի կռիւ խաւարի դէմ. և այս բոլորը 'Նազարեանի' գործունէութեան անջնջելի արդիւնքն է, որ կենդանի է մեր այժմեան իրական կեանքի մէջ:

'Նազարեանը' գերեզման մտաւ, (Հիւսիսափայլ) ամսագրի համարները արիւ մտան, —բայց նրա ձյաշտպանած մտքերը, նրա բռնած ուղղութիւնը կենդանի մնացին և շարունակութիւն ունեցան, —սա մեծ մարդոց յատուկ գործունէութեան արդիւնքը:

Եթէ 'Նազարեանը' մի մեծ պակասութիւն ունէր, իբրև վերանորոգիչ-գործող, այն էր, որ նա վերին աստիճանի շուտ լուսաստիճան, շուտ բնկծվող և հիասթափվող մարդ էր: Եւ ճշ-

մարիտ. Ժամանակակիցների կողմից նրա գէժ լարած ինտրիգաները նրան լուսահատեցրին՝ «Հիւսիսափայլը» սպանեցին: Նուզարեանը մինչև անգամ մի առ ժամանակ հիտաթափման մէջ ընկաւ... Միայն, «Հիւսիսափայլի» զաղարուծից տարիներ լետոյ, նա նորից ուզեց գրական ասպարէզ իջնել, մտադրվեց հրատարակել «Լապտեր» անունով մի ամսագիր, բայց չը աջողվեց:

Նազարեանը, որ ծնվել էր 1812 թւին Թեֆլիզում և իր ուսումը առել էր Գորպատի համալսարանում, մեռաւ 1879 թւի ապրելի 26-ին:

Նրա մահվան առիթով Գրիգոր Արծրունին մի յօդուածում, ի միջի ալլոց, հետեւեալ հետաքրքրական կարծիքը յայտնեց.

«Իր բարձրագոյն կրթութիւնը Գորպատի համալսարանում ստանալով, ուրեմն բոլորովին գերմանական ոգով կրթվելով, նա մտքեց իր գիտնական և ազգային գործունէութեան մէջ գերմանացուն յատուկ ծանր, հիմնաւոր, կրիտիկական ոգին:

Թէ ուս, թէ եւրոպական գիտնականների շրջանին Նազարեանց յայտնի է որպէս լեզուագէտ Նա ունի մի քանի ուսումնական գրուածներ: Նա պրոֆէսոր էր Վագանի համալսարանում, յետոյ Մօսկվայի Լազարեան ճեմարանում:

Բայց հայերին նա յայտնի է, որպէս «Հիւսիսափայլ» ամսագրի խմբագիր և հրատարակիչ: Այդ ամսագիրը սկսեց հրատարակվել 1858 թւին Մօսկվայում: Մի տաղանդաւոր աշխատակիցի, Միքայէլ Նալբանդեանցի գործակցութեամբ, «Հիւսիսափայլը», թէև ընթերցողների փոքր շրջանից էր կարգաւղւում, կարելի է ասել, լեղափոխութիւն գործեց ուսաստայոց նոր գրականութեան մէջ, թէ նոր, կենդանի աշխարհարար լեզուն գրական գործածութեան մէջ մտցնելով և թէ կրիտիկական հայեացք գցելով մեր ազգային մի քանի հնոցած հիմնարկութիւնների և զաղախարհների վրա: Գործնով բացատրվում է այն կատաղի թշնամութիւնը, որ յարուցեց իր գէժ Նազարեանց իր գործունէութեամբ: Հօգև որականները և միշտ յետագէժ «Մեղու Հայաստանի» լրագիրը նրա ամենաանհաշտ և ամենակատաղի թշնամիներն էին:



Արդէն 1864 թւին զանազան հանգամանքները շնորհով  
(Հիւսիսափայլը) գաղարեց, և էլ երբէք չը վերականգնեցաւ:

Յօթանասուն թւականներում Նազարեանց հրաւիրվեցաւ  
Քիֆլիզ որպէս Ներսիսեան հոգևոր-ազգային դպրոցի տեսուչ,  
բայց երկար չը կարողացաւ զիմանալ Քիֆլիզի հայ ինտելիգէն-  
ցիայի խեղդող շրջանի մէջ...

Մօսկիւ վերադարձած, նա կրկին ընդունեց Նազարեան  
ճեմարանի տրեւելեան լեզուների պրոֆէսորի պաշտօնը, որի  
մէջ մնաց մինչև մահը:

Կարող ենք ասել որ Նազարեանց, ինչքան էլ մեծ գործ  
կատարեց հայ գրականութեան համար իր (Հիւսիսափայլ) ամ-  
սագիրը հրատարակելով, բայց նա աւելի գիտնական մարդ  
էր, քան թէ ժողովրդական գործող, քան թէ պուր-  
լիցիստ Գորան ամենալաւ ապացոյց այն կարող է լինել, որ  
զգուհելով հասարակական գործունէութեան մէջ պատահող դժուար-  
ութիւնները, Նազարեանց մինչև իր կեանքի վերջը չը կա-  
րողացաւ շարունակել պուրլիցիստական գործունէութիւնը: Ան-  
հերքելի է որ նա յուսահատվեց, ընկձվեց հալածանքների,  
ինտրիգաների և թշնամութեան հարուածի տակ:

Իսկ մամուլի մէջ գործողի լատիւթիւնն է, ինչքան էլ  
գժուարութիւններ, արգելքներ լինէին,—երբէք չը թուրանալ,  
մինչև որ Քիզիկական ոյժերը չը սպառվին, երբէք չընթարկ-  
վել, չը խոնարհվել անաջող հանգամանքների առջև...

Սե ահա այդ պատճառով յայտնվեցաւ մի զարմանալի  
անսովոր երեւոյթ, Գործողը, կենդանի մարդը, իր հասարակա-  
կան ասպարէզը թողած, մոռացվում է ամենքից... Նա կեն-  
դանի է մնում երկար տարիներ, բայց ամենքը նրան մոռացել  
են...

Սե միայն երբ Նազարեանցի մահվան լուրը կը տարածվի  
հայերի մէջ, թէ ուսաստանցի և թէ թիւրքիացի հայերը կը  
յիշեն նրան, կը հասկանան որ Նազարեանց մեծ կուռցներէից  
մէկն էր, որ նա հայոց ժամանակակից գրական ասպարէզում  
վերանորոգիչ էր և յեղափոխիչ:

Այն, մտքով, ուղղութեամբ, գիտնական զարգացմամբ,  
տոկունութեամբ նա վերանորոգիչ էր, բայց իր համեստ, մեղմ,  
փափուկ բնուորութիւնը հակառակում էր իր գործունէու-  
թեան...



Առևողի համար, վերանորոգել, յեղափոխել լինել ցանկացողի համար հարկաւոր է ունենալ աւելի գորեղ, աւելի համարձակ, աւելի յանդուգն բնուորութիւն, որպէս զի այդ տեսակ գործողը կարողանայ զիմանալ կեանքի ամեն տեսակ արգելքներին, մարդկանց ամեն տեսակ կեղտոտութիւններին և իր հասարակական գործունէութեան կէս ճանապարհի վրա չը կանգնի, չիջնի իր ասպարիզից՝ զեռ կենդանի ժամանակ, մահից շատ տարեներ առաջ, մեռած չը համարվի այն ազգի մէջ, որի մէջ գործել է, որի հնացած գաղափարներն զէմ երկար ժամանակ կուռել է:

Վեանքի ժամանակ իջնել ասպարիզից, — նշանակում է իր թուլութիւնը խոտովանել, նշանակում է իրան դատաւարտել հասարակական մահովան, նշանակում է իրան յաղթված խոտովանել...

Իսկապէս Ստեփաննոս Նազարեանց վախճանվել է հայերի համար ոչ թէ 1879 թւին, այլ արդէն 1864 թւին...

Թող հայոց հասարակութիւնը ինքն իրան մեղադրի, որ իր ձեռքերով սպանում է իր սեփական գործողներին, և իր անտարբերութեամբ և լռչնամութեամբ իր գործողների ամենաբաւերին, զեռ նրանց կենդանութեան ժամանակ դատաւարտում է հասարակական մահովան («Մշակ» 1879 № 62)

Մամուլի օրգանների մեր այս համառօտ տեսութիւնը վերջացրած կը լինինք, եթէ մի քանի խօսք էլ նուիրենք «Արարատ» ամսագրին, Էջմիածնի պաշտօնական հրատարակութեան, որ հիմնվեց 1868 թւին: Միանգամայն համակրելի է Գէորգ IV-ի ցանկութիւնը՝ ունենալ պաշտօնական օրգան հայեկեղեցական վարչական կենտրոնի՝ Էջմիածնի մէջ, որը միևնոյն ժամանակ բարոյական իր թաղանիստիկան նիւթ պիտի մատակարարէր իր պարտադիր ընթերցողներին՝ հոգևորականութեան. իսկ այժմ հայոց վարժապետներին և վարժուհիներին ևս: Դրժբազդաբար «Արարատ», շատ վատ իրագործեց և շատ վատ է իրագործում իր հիմնագրի նախագծած նպատակը: Հոգևորական խմբագրից երբեմն աշխարհական խմբագրի ձեռքը ան-

ցնելով, երբեմն էլ աշխարհական մարդու ձեռքից հոգևորականի ձեռք անցնելով այդ ամսագիրը իր համար մի ճանապարհ չընտրեց.— ամսագրի ինչպէս խմբագրվելը երևում է, ի միջի ալլոց, նրանից, որ նրա էջերում «Յայտմաւուրքի» բացատրութիւնների հետ սպազրվել են յօդուածներ նոյն իսկ Գարվինի թեօրիալի մասին. իսկ խմբագրութեան գիտութիւնը այնքան մեծ էր լինում, որ ամսագրի մէջ լոյս էին տեսնում այսպիսի կուրեօզներ. «o tempora, o mores» (օ տեմպօրա, օ մօրես,) լատինական ասացուածքը, կարծելով թէ ուսերէն է, սպազրում էին «o хетрօча, օ тօчес» (օ խետրօչա, օ տօչէս): Սա անեկզօտ չէ... Այդ ամսագրի ամենաէական լատիութիւնն էլ այն է, որ ոչ կտրտվում և ոչ էլ կարգացվում է:

Յիշատակելով մինչև «Մշակի» լոյս տեսնելը ռուսահայերի մէջ եղած պարբերական հրատարակութիւնները, և հարեւանցի կերպով կանգ առնելով նոցանից գլխաւորների վրա.— հարկաւոր ենք համարում էլի մի քանի գծեր գուրս բերել այդ մամուլի գրութիւնից:

Հայոց լրագրների բաժանորդների թիւը ընդհանրապէս այն ժամանակ 500-ի հազիւ էր հասնում, թէև հրատարակիչները դիմում էին զանազան արհեստական միջոցների, և գլխաւորապէս ամեն մի հայի «ազգասիրութեան». «ազգասիրաբար» ստանալով այս կամ այն լրագիրը կամ ամսագիրը, բաժանորդների կէսը շատ անգամ չէին կարգում այդ հրատարակութիւնները: Նոյն իսկ այժմ, թէ Թիֆլիզում և թէ գաւառներում կարելի է տեսնել շատ ընտանիքներում այդ հրատարակութիւնների ձեռք չը տուած, չը կտրտած համարները: Բացի դրանից այդ հրատարակութիւնները տարածվում էին հասարակութեան մի շատ նեղ շրջանի մէջ միայն,— գոցա ընթերցողներն էին գլխաւորապէս երէցփոխներ, վարժապետներ, մի քանի գրագէտ հարուստ վաճառականներ, «հայկական գործերով» իբր թէ հետաքրքրվող մի խումբ մարդիկ և վերջապէս նոքա, որոնք կամ իրանք գրում էին և կամ որոնց մասին զրվում էին այդ լրագրներում:

Մամուլի այդպիսի սահմանափակ դրուժեան և ներգործական գեր չը կատարելու գլխաւոր պատճառը, ի հարկէ, ինքը մամուլն էր, որ չէր կարողանում խփել ժամանակակից հասարակութեան զգալուն կողմերին, որ չէր կարողանում գէթ նորութիւններ հաղորդել իր ընթերցողներին: Եւ որտեղից հաղորդէին, քանի որ Թիֆլիզում հրատարակվող թերթերը ոչ գաւառների հետ կապ ունէին, ոչ հարեան թիւրքաց Հայաստանից և պարսկահայերից տեղեկութիւն ունէին, և ոչ էլ վերջապէս Եւրոպական կեանքից շնորհքով տեղեկութիւններ հաղորդելու բարձրութեան էին հասել:

Լրագիրների և ամսագիրների խմբագիրները իրանք անկախ մարգիկ չէին: Նոքա հասարակութեան մէջ մի առանձին գիրք չունէին: Գոցանից շատերը այս և այն հարուստի կամ այս և այն պաշտօնեայի հովանաւորութեան ներքոյ էին լինում, և վերջինները հէնց իրանք հեզնութեամբ էին նայում խմբագիրների կոչման վրա: Սովորաբար խմբագիրներ էին դառնում այն ժամանակ, երբ ուրիշ, աւելի անկախ ասպարէզներում աջոգութիւն չէին գտնում: Խմբագիրները չքաւոր մարգիկ էին: Ապրուստ ունենալու համար դոցանից շատերը պարապում էին դասատուութեամբ կամ մի ուրիշ բանով: Չէր կարելի, դիցուք իմանալ, թէ որն է «Մեղուի», «Հայկական աշխարհի», «Կռունկի», կամ «Աւճառականի» խմբագրատունը, որովհետեւ իմ բարատուն չը կար: Չը կար և խմբագրութիւն: Գիցուք «ազգասէր» բաժանորդներից մինը ուզում էր, այն էլ տարվալ վերջին, թերթի բաժանորդակներ վճարել: Նա պարտաւորութիւն չէր համարում գնալ խմբագրի բնակարանը և վճարել լրագրի գինը, ինչպէս կերթար խանութ և կը վճարէր իր գնած շորի գինը կամ կոշիկների գինը: Յանկարծ փողոցում պատահելով խմբագրին կը կանչէր. «Պետրոս, Մարկոս, մոռացել էի... վերցրու գազէթի փողը», և Պետրոսը կամ Մարկոսը կը վերցնէին փողը (որին խիստ կարօտ էին) շողոքորթութեամբ աւելացնելով՝ «էհ, ինչ էք շտա-

պում, միևնույն չէ... ։ Բայց այդ բոլորից տիրալին այն էր, որ իրանք խմբագիրները և գրողները, ընդհանրապէս, հաւատ չունէին դէպի իրանց գործը, չէին համոզված որ իրանք մի բարձր կոչում ունին, որ կարող են ազգել մաքի և առաջադիմութեան գործի վրա, և գրանից ահա առաջ էր դալիս այն, որ մամուլի մէջ նկատվում էր մի թերահաւատութիւն դէպի իր սեփական կոչումը և ոյժը: Շատ անգամ առիթ ենք ունեցել այն ժամանակվայ հայ գրողներից և խմբագիրներից հետեւեալ տիրալի կարծիքը լսելու.— «Եհ, ինչ մամուլ, ինչ լրագիր. այն ժամանակ խաղալիք էր մամուլը. ո՞վ էր կարգում, ո՞վ էր ականջ դնում»: Մի խմբագիր մինչև անգամ ծիծաղելով ասում էր՝ ցոյց տալով իր ծոցաջրի վրա.— Իմ ամբողջ խմբագրութիւնը այստեղ ունէի...»

Երբ գրողը ինքը ժպտում է իր գրչի արտագրութեան վրա, երբ մամուլի ղեկավարները իրանք չեն հաւատում իրանց գործին, և երբ վերջապէս ամբողջ գործի մէջ չկայ անխարդախ, ներքին հաւատ.— այն ժամանակ ի հարկէ այդպիսի մամուլը ընդունակ չի լինիլ հասարակութեան վրա ազգելու... Ոչ մի գրող չի կարող ընթերցողների մէջ հաւատ ծնեցընել, եթէ ինքը այդ հաւատը չունի. ոչ մի գրող չէ կարող ուրիշներին համոզել, եթէ ինքը համոզված չէ...

Նախ քան մամուլի մասին մեր եզրակացութիւնը դուրս բերելու, հարկաւոր ենք համարում, փակագծերի մէջ, մի քանի խօսք աւելացնելու: Հայոց մամուլի 25 տարվայ տեսութիւն անելիս՝ ուսումնասիրողը, կեանքի լիակատար պատկերը ներկայացնելու համար, պէտք է կանգ առնի և ուրիշ կէտերի վրա: Յիսունական և վաթսունական թւականներին հայոց կեանքի մտաւոր շարժումները պարզելու համար հարկաւոր է կանգ առնել և երկրի քաղաքական հանգամանքների, և վարչական նոր կազմակերպութեան վրա, հարկաւոր է ցոյց տալ թէ ինչ գաղափարական հոսանք կար այն ժամանակի գործող ինտելիգէնտ դասակարգի մէջ, հարկաւոր է վերջապէս կանգ



առնել զպրոցական խնդիրներէ վրա, որոնք մանաւանդ վաթսուական թւականներին առանձին նշանակութիւն ստացան, երբ զպրոցական ասպարիզումն էին Պետրոս Շանշեան, Ստեփաննոս Պալասանեան և ուրիշները:

Բայց այդ բոլորը նախ՝ դուրս է մեր գրուածքի ծրագրից, և երկրորդ՝ մեզ շատ հեռու կը տանէր: Մի հարևանցի հայեացք գրականութեան վրա միայն կը զցենք:

Եթէ ասենք, որ մամուլից դուրս իսկապէս այն ժամանակ չը կար էլ հայոց գրականութիւն, չենք կարծում, որ սխալմա՞ծ լինենք, քանի որ փոքր ի շատէ շնորհքով աշխատութիւնները, և օրինաւոր թարգմանութիւնները, ընդհանրապէս տպագրուած էին պարբերական հրատարակութիւնների մէջ: Բացառութիւններ շատ քիչ էին: Գիտնական գրքեր, թէ մասնագիտական և թէ ժողովրդացրած, չէին հրատարակուած: Տարիներ կանցնէին և մի հայերէն օրինաւոր գիրք չէր լոյս տեսնի, որ կարգացվէր, աղմուկ հանէր և մի փոքր յուզէր մտքերը: Գրականութեան մէջ վիպագրութիւնն էր համարվում ամենից ծաղկածը, բայց նա էլ շատ դանդաղ քայլեր էր անում: Արովեանը իր «Վէրք Հայաստանի» տաղանդաւոր գրուածքով հայոց ժողովրդական վիպագրութեան հիմքը դրեց, նա ցոյց տուեց կեանքի ուսումնասիրութեան մի նոր ճանապարհ, նա բաց արաւ մի նոր ասպարէզ, որը մինչև այն ժամանակ արհամարված էր,—վերջապէս նա հիմք դրեց մի նոր շիօլայի, նրանից յետոյ երևան եկան Պերճ Պօշեան, Վազարոս Աղայեան,—նրանից յետոյ շատ տարիներ անցան, բայց Արովեանի հիմնարկած շիօլայի հետևողները չը կարողացան դուրս գալ գիւղական շրջանից և թափանցել ժողովրդի կեանքի միւս ծալքերը: Ահա թէ ինչ է ասում Բաֆֆին այդ մասին.

«Արովեանի հետևողները՝ Արովեանի անշուք աշակերտներ եղան: Գրանց համար հայկական վէպ նշանակում էր այն՝ ինչ որ մի միայն հային էր վերաբերում, առանց մասձե-



լու, որ հայր իր կեանքում շխտում է և օտար ազգերի հետ, որոնք նրա գրացիներն են, և որոնք նրա հետ միասին բաժանում են կեանքի մի և նոյն հանգամանքները: Արովեանը իւր գրքերի մէջ տեղ տուեց օտարազգիներին, բայց նրա հետևողները ազգասիրար մերժեցին նրանց:

Հայկական վէպ դրանց համար նշանակում էր, որ անպատճառ պէտք է ներկայ լինէր գիւղի տէր-տէրը, գիւղի տանուտէրը, գիւղի խալիխան, և շատ-շատ՝ դրանց հետ աւելացնում էին մի հարստահարիչ չարչի կամ վաշխառու: Պատկերը ամբողջացած էր համարվում, և մի և նոյն տխարները, մինը միւսից առնելով, զանազան ձևով ծամծմում էին:

Գրանց համար հայի անցեալ, հայի պատմութիւն չը կար: Գրանց համար չը կար և հայի ապագայ: Գրանք ծանօթ էին այն գիւղի հետ միայն, որի մէջ ծնված էին, և որի սահմաններից դուրս մի այլ կեանք չէին ճանաչում: Գրանց աշխարհահայեցութեան թուիչքը իրանց գիւղի հօրիզոնից աւելի հեռու չէր անցնում: Եւ եթէ պատահում էր, որ ոտքը դուրս էին դրնում իրանց գիւղից, խիղճն մոլորվում էին, և խրվում էին ցեմարութիւնների մէջ: Երկար ժամանակ վիպագրութիւնը նոյն նեղ, միակողմանի շաւղով ընթանալով, նոյն շաւղի վրա մնաց և քարացաւ, առանց որ և է յառաջադիմութիւն գործելու:

Նրա ներկայացուցիչները մինչև այսօր ևս գոյութիւն ունեն, շարունակում են ապրել, ոչ նորոգվում են և ոչ վտխվում, այլ եգիպտական մումիաների նման՝ պահպանում են մի տեսակ մեռած կենդանութիւն:

Գրականութեան մի ճիւղը, որ համեմատաբար, աւելի ծաղկեց և զարգացաւ, դա բանաստեղծական ճիւղն էր, որ ունեցաւ այնպիսի ներկայացուցիչներ՝ ինչպէ՞ս՝ Նալբանդեան, Պատկանեան, Սմբատ Նահազիզեան, Գօգօխեան, Պէշիկթաշլեան, Բարխուդարեան և Գուրեան:

Ահա այդպիսի կերպարանք ունէր հայոց մամուլը և գրականութիւնը, երբ վրա հասան 70-ական թւականները:

Արդ, ինչ հող էր պատրաստել այդ մամուլը՝ Մշակի, նման մի լրագրի համար, որը հանդէս գալով՝ վճռել էր ներգործական գերկատարել: Մեր եզրակացութիւնը հետևեա-

լըն է: Վերանորոգիչ լինել ցանկացող «Մշակի» համար մի նեղ ճանտպարհ էր բացել «Հիւսիսափայլը» իր ուղղութեամբ: Մի երկու ուրիշ հրատարակութիւններ, որոնց մէջ գլխաւորապէս «Վուռնիկը», պատրաստել էին ընթերցողների, թէև շատ փոքր, կօնտինգենտ և հրատարակի վրա դրել մի քանի հասարակական հարցեր:

Դա հայոց մամուլի դրական կողմն էր:

Իսկ միւս հրատարակութիւնները, իրանց ընթացքով և իրանց զործունէութեամբ, անգիտակցաբար, վայր էին գցել հայոց լրագրի անունը, կտորել էին նրա վարկը հասարակութեան ազդեցիկ շրջանների մէջ, և այդ պատճառով հայոց լրագրի ձայնին սկանջ չէին դնում, նրան անտես էին առնում, և նոյն իսկ արհամարում էին:

Դա հայոց մամուլի բացասական կողմն էր:

Եւ բացասական կողմը աւելի մեծ էր քան դրական կողմը...

ՄՇԱԿԻ, ՍԿՂԲՆԱԽՈՐՈՒԹԵԱՆ ՀԱՆԳԱՄԱՆԿՆԵՐԸ

Հայոց մամուլի համառօտ տեսութեան սկզբում մենք ասացինք. «Մշակի» լոյս գալովը մի նոր էպօխ է սկսվում հայոց գրականութեան և մամուլի մէջ: Թէ այդ էպօխի առանձնալատկութիւնները լաւ հասկանալու, թէ Գ. Արծրունու նոր ուղղութիւնը և թէ «Մշակի» գործունէութիւնը լաւ պարզելու համար հարկաւոր է լուսարանել հետեւեալ երկու հարցը. առաջին՝ Բնչ էր հայոց մամուլը ռուսահայերի մէջ մինչև «Մշակը» և ինչ հոգ էր պատրաստել նա «Մշակի» համար, և երկրորդ՝ ինչ հասարակական հանգամանքների մէջ Արծրունին հիմնեց «Մշակը»:

Առաջին հարցին մենք, թէև համառօտ կերպով, պատասխանեցինք. մնում է մեզ պարզելու երկրորդ հարցը, որը անկասկած առաջինի հետ մեծ կապ ունի:

1872 թւին, երբ սկսեց հրատարակվել «Մշակը», Թիֆլիզում ոչ մի հայերէն լրագիր չը կար: Ռուսերէն լեզուով էլ հրատարակվում էր միայն պաշտօնական միակերպ «КАВКАЗЪ» լրագիրը: «Հայկական Աշխարհը» դադարել էր 1871 թւի մայիսին, իսկ «Մեղու Հայաստանին» նոյն տարուայ վերջին: Երբ Թիֆլիզում լայտնի եղաւ, որ Գրիգոր Արծրունին առանձին հայերէն լրագիր է ուզում հրատարակել, ամենքը զարմացան: Հայերէն լրագրի անունը այնքան կոտրված էր, հայ լրագրի խմբագիր լինելը այնքան աննախանձելի մի պաշտօն էր, որ բնականաբար ամենքը պիտի զարմանային լսելով, որ գեներալ

Արծրունու որդին, որի առաջ բարձր գիրք ունենալու և մեծ պաշտօններ ստանալու ճանապարհը բաց էր, հրաժարվում է այդ բոլորից և հայերէն գ ա գ է թ է ուզում հրատարակել:

Իստեիղեանտ, ուսում առած մարդիկ ասում էին Արծրունուն. «Ո՛ւմ համար էք հրատարակում հայերէն լրագիրը: Մենք, ուսում առածներս չենք կարգալ, եթէ ուզենանք, մենք ուս և օտար լրագիրներ կը կարդանք, և ի՞նչ կարելի է կարգալ հայերէն լրագրի մէջ: Իսկ ժողովրդի համար չարժէ հրատարակել, որովհետեւ ժողովուրդը, հայերէն չի իմանում, հայերէն չի կարգում: Եւ ճշմարիտ այդ ժողովուրդը այն ժամանակ ոչ թէ հայերէն չէր կարգում, այլ կարգալու տրամագրութիւն էլ չէր ցոյց տալիս...»

Գրիգոր Արծրունու լրագիր հրատարակելու միտքը, որ նա լղացել էր դեռ արտասահման եղած ժամանակ, գուցէ ոչ ոքին այնքան չը զայրացրեց, որքան նոյն իսկ իր հօրը՝ գեներալ Արծրունուն: Այդ ամենքը գիտէին: Իսկապէս գեներալ Երեմիան չէր էր կարող չը զայրանալ: Մի բարձրագիր չի ն ո վ ն ի կ մարդ, որը անկասկած ուզում էր իր որդուն էլ մեծ չինովնիկ դարձնել, որը գուցէ արդէն պաշտօններ էր պատրաստել տալիս իր ուսումը աւարտած որդու համար, տեսնում է, որ այդ որդին, ամեն բան արհամարհելով՝ իրան նուիրում է ինչ որ «գազէթ հրատարակելու և հասարակական ծառայութեան»: Գեներալը, ինչպէս պատմում են, պահանջեց որդուց՝ թողնել իր այդ մտադրութիւնը: Սա մերժեց կատարել հօր պահանջը: Հօր և որդու յարաբերութիւնները բոլորովին լարվեցին: Գրիգոր Արծրունին չը կամենալով ենթարկվել՝ կրտրում է իր բոլոր յարաբերութիւնները, զրկվում է նոյն իսկ հօր նիւթական օժանդակութիւնից և երկար ժամանակ հօրից միայն ամսական 100 բուրլի էր ստանում...

— Տեսեք, տեսեք, ասում էր վրդովված հայրը. գեներալ Արծրունու որդին, գազէթ է հրատարակում և այն էլ հայերէն գազէթ...

Իսկապէս զենեւալ Երեմեայի կարծիքը այն ժամանակվայ Թիֆլիսի Հասարակութեան բարձր շրջանի կարծիքն էր: Այդ շրջանի մէջ ամենքը զարմանում էին, թէ ինչպէս մի մարդ, որ իր առաջ փառաւոր ասպարէզ ունի, իրան նուիրում է մի այդպիսի գործի: Հետեւեալ դէպքն են պատմում: Բարձր շրջանի մի ուսուցիչ, լսելով, որ Գրիգոր Արծրունին լրագիր է ուզում հրատարակել, ասում է. «Բաս ասում էին, որ զենեւալ Արծրունու որդին խելօք երիտասարդ է, մինչդեռ նա լրագիր է ուզում հրատարակել...»

Ահա մի այդպիսի ժամանակ, երբ չը կար հասարակական կեանք, երբ ինտելիգենտ գասակարգը ոչ թէ միայն չէր համակրում, այլ մինչև իսկ ծիծաղում էր գրական ասպարէզ իջնողի վրա, երբ ընտանիքը հալածում էր «հասարակութեան ծառայել», ցանկացողներին, երբ վերջապէս, լրագիր հրատարակելը մի անպատիւ գործ էր համարվում մի փոքր ի շատէ դիրք ունեցող մարդու համար—մի այդպիսի ժամանակ, կըրկնում ենք, լրագիր հիմնելը, այն էլ մի այնպիսի լրագիր, որը փոխանակ «օր, օր, օր» կարդալու, պիտի կուխ մղէր, ուղղակի հէրոսուլթիւն է...»

Գրիգոր Արծրունին գործեց այդ հերոսութիւնը:

Այդ դեռ բաւական չէ. հասարակական գործունէութեան ասպարէզ իջնելով, նա մտադրվում է վերանորոգել մի կեանք, որը դարևոր նիրհի մէջ էր ընկղմած, նա փորձում է ձեռք տալ, մաքրել այնպիսի գաղափարներ, որոնք դարերից ի վեր անշարժութեան մէջ էին ընկել և բորբոսնել...»

Այդպիսի մի քալ անելը, այդպիսի մի ձգտում ունենալը վերին աստիճանի պատասխանատու, նոյն իսկ վտանգաւոր գործ էր, որին ձեռնամուխ լինելու համար հարկաւոր էր ունենալ տաղանդ և վերանորոգչի անվեհերութիւն...»

Գրիգոր Արծրունին այդ տաղանդը և այդ անվեհերութիւնն էլ ունեցաւ...»

Եթէ 70-ական թւականներին կար մի տարր, որ



կարող էր նպաստել այդ մտաւոր լեզափոխութեան գործին և որը առաջ չը կար—գա Հայոց կեանքի մէջ նոր կազմակերպվող ինտելիգենտ տարրն էր: Այդ ժամանակ սկսել էին բացվել ժողովրդական-ձխական զայրոցներ. օտար համալսարաններից հայրենիք էին վերագառնում բազմաթիւ աւարտած երիտասարդներ, զբաղիտութիւնը սկսում էր տարածվել և նկատվում էր, որ «հինի ու նորի» պատերազմ էր պատրաստվում...

Այդ պատերազմը սկսեց «Մշակը»:

Վճռելով հիմնել «Մշակը», Գրիգոր Արծրունին Թիֆլիզում դիմեց այն ժամանակվայ Հայոց համալսարանական երիտասարդութեան, ցանկանալով նրանց հետ միասին, միահամուռ ոյժերով առաջ տանել այն գժուար գործը, որին ձեռնարկում էր: Դեռ «Մշակի» թոյլտուութիւնը կառավարութիւնից չըստացած, Արծրունու բնակարանում լինում էին նախապատրաստական ժողովներ: Այդ ժողովներին ներկայ էին Թիֆլիզում եղող այն ժամանակվայ համարեա բոլոր նշանաւոր երիտասարդները: «Մշակի» հրատարակութեան թոյլտուութիւնը ստացվեց, և այդ ժողովները աւելի ձևակերպվեցին, աւելի կազմակերպվեցին: Տողերիս գրողը ներկայ չէ եղել այդ ժողովներին, բայց դրանց մասին շատ բան է լսել: Ժողովի հոգին, ի հարկէ ինքը Արծրունին էր: Այդտեղ լինում էին Գարբիէլ Սունդուկեան, մեր այժմեան նշանաւոր զբամասուրգը, Պօղոս Իզմայիլեան, Թիֆլիզի քաղաքագլխի այժմեան փոխանորգը, հանդուցեալ Բարսեղ Շահվերդեան, փաստաբան Սեննքերիմ Արծրունի, Աբգար Յովհաննիսեան, փաստաբան Գէորգ Եւանգուլեան, Բաֆֆի, հանդուցեալ Մարտիրոս Արմէօնեան, հանդուցեալ Միհրդատ Ամերիկեան, Հայոց բեմի հին գործիչ Գէորգ Չմշկեան, Երբեմն Թիֆլիզին լաւ լալտնի Գրիգոր Իգմիրեան, Պերճ Պռօշեան, հանդուցեալ Ստեփաննոս Պալասանեան, Ալէքսանդր Քիչմիշեան և ուրիշները: Կարճ միջո-

ցում «Մշակի» խմբագրատան ժողովները յայտնի դարձան Թիֆլիզի հայ հասարակութեան ընդ որ շրջաններում և ամենքը ուշադրութեամբ հետևում էին և հետաքրքրվում, թէ քնչ է խօսվում այնտեղ, քնչ մտքեր և զաղափարներ են արծարծվում հայոց ինտելիգենտ ոյժերի այդ կենտրոնում: Հետաքրքրութիւնը այնքան մեծ էր, որ վերջումը նոյն իսկ պատանի, ոգևորված ուսանողներ գալիս և ներկայ էին լինում այդ ժողովներին. վերջումը այդ ուսանողներից շատերը, ինչպէս Սողոմոն Եղիազարեան—այժմ պրօֆեսօր, Նիկողայոս Լալայեան և այլք սկսեցին մասնակցել «Մշակին»: Մինչև անգամ գաւառներից Թիֆլիզ եկող փոքր ի շատէ ինտելիգենտ երիտասարդները՝ բազմ էին համարում և մի և նոյն ժամանակ պարտաւորութիւն՝ ներկայ լինել այդ ժողովներին, լսել թէ քնչ են խօսում, քնչ են ասում, որպէս զի իրանց հետ մի նորութիւն տանեն դէպի իրանց քաղաքը... Խմբագրական այդ ժողովներին, որը սկսվել էր 71 թւին, յաջորդ տարիներում սկսեցին մասնակցել նոր գրողներ, Թիֆլիզ եկող նոր համալսարանականներ: Մի խօսքով Թիֆլիզում եղող փոքրը ի շատէ նշանաւոր մասնագէտները, գրողները, մանկավարժները և առհասարակ հասարակական և զբաղմունք գործերով հետաքրքրվելու շնորք ունեցող անձինք քաշվեցան դէպի այդ ժողովները:

Գրիգոր Արծրունին, մանաւանդ երիտասարդական այն հասակում, երբ, ինչպէս ասում են, «արիւնը երակներին մէջ եռում էր», երբ նա իր մտքերի համար պատրաստ էր մինչև «վերջին կաթիլը» կուռել, հէնց առաջին քալափոխից այնպիսի հարցեր դրեց և դրած հարցերն էլ այնպիսի կտրական ձևով, որ volens nolens, պիտի որոշվէր, թէ ո՞վ ինչ խելքի մարդ է, քնչ կարծիքի տէր և քնչ գոյնի արարած...

Եւ լիրաւի. շուտով խմբագրական ժողովների մէջ երկպառակումներ ընկան: Համալսարանական և իրանց դիպլոմով պարծնցողները ամենքից անընդունակ հանդիսացան հաշտվե-

լու այն նորութիւնների և ուղղութիւնների հետ, որ պաշտպանում էր Գրիգոր Արծրունին:

— Եղբայր, այդքան չի կարելի յարձակվել, ասում էին համալսարանականներից ոմանք:

— Այդ նորութիւնները վտանգի մէջ կը գցեն մեր ժողովրդի գոյութիւնը, ասում էին միւսները:

— Այս քնչ է, ամեն բան տակն ու վրա են ուղում անել, փոփոխում էին անկիւններում վախկոտները:

— Ինչպէս կարելի է յարձակվել վաճառականների վրա— գոռում էր մի ուրիշը— զբանք են մեր ազգութեան հիմքը:

— Վերջապէս կատարեալ ազգակործան բան է, այդքան օգտվել եւրոպական քաղաքակրթութեամբ, աղաղակում էին արդէն եղած-մեռած լրագիրների ներկայացուցիչները:

— Օհօ, հոգեւորականութեան դէմ խօսել— այդ անտանելի է, դա կը նշանակէ սպանել հայութիւնը, ասում էին շատերը:

— Այս քնչ լեզու է՝ առանց զբաքառ բառերի, և վերջապէս այս քնչ եւրոպական բառեր են, գոռում էին հայկաբանները...

— Եղբայր, ծածկել, ծածկել պէտք է ազգի պակասութիւնները, պնդում էին կեղծ-ազգասէրները...

Ահա այս տեսակ կարծիքներ և մտքեր էին յայտնվում այդ ժողովներում, որտեղ խմբված էին Թիֆլիզի ամենալաւինտելիգենտ ոյժերը:

Մտքերի ընդհարումները շատ շուտով առաջ բերեցին պառակտում ժողովների մէջ, և դեռ 1872-ի սկզբներին համալսարանականների մի մասը հեռացան և վճռեցին զիմադրել վտանգաւոր ուղղութեան: Գիմադրելու համար նրանք որոշեցին վերականգնել «Մեղու Հայաստանին», և 1872 թւի մարտ ամսին այդ հերձուածողների ձեռքով վերականգնվեց «Մեղու» լրագիրը, զիմադրելու «Մշակի» մտքերին, ազատելու խեղճ հայոց ազգը «Մշակի» ձեռքից: Այն օրից սկսած մօտ 20 տա-

րի տւեց այդ կռիւը, մինչև որ «Մեղուն» բոլորովին լաղթ-վեց և ընկաւ...

Գրիգոր Արծրունու հետ համալսարանականներից աւելի համերաշխ գտնվեցան ո՛չ-գիպլոմաւորները, զիստաւրապէս մի փոքրիկ խումբ, որ այդ ժողովներում կազմում էին այսպէս ասած ձ ա խ ա կ ո ղ մ ե ա ն կուսակցութիւն և որոնց թւումն էին Պետերբուրգի համալսարանից եկած Պօղոս Իզմայիլեան, Բ. Շահվերդեան և Բաֆֆի:

— Պէտք է համերաշխութիւն պահպանել հայերի և վրացիների մէջ, ասում էր ձախակողմեան կուսակցութիւնը:

— Մենք ինչ գործ ունենք վրացիների հետ, պատասխանում էին «Կռուակի» մնացած ներկայացուցիչները—մեր նըպատակը հայերն են:

— Պէտք է արծարծել փոխատու-խնայողական արկղներ հիմնելու միտքը—ասում էր ձախակողմեան կուսակցութիւնը:

— Ինչ օտարամուտութիւն է այդ—գոռում էին աջակողմեանները:

Եւ ահա այդպիսի, ներկայումս պարզված խնդիրների համար, սրանից քսան տարի առաջ «Մշակի» խմբագրատան ժողովներում, ահագին կռիւներ, ընդհարումներ էին լինում և մարդիկ կռւում, բաժանվում էին...

Տեսնելով այդ ժողովների տաք վիճարանութիւնները, անվերջանալի կռիւները և հիմնական անհամերաշխութիւնը, աւելի անտարբերները լուսահատվելով ասում էին՝ «ոչինչ չի լինի, լրագիրը շարունակել չէ կարելի. զուր են բոլոր աղմուկները»:

Ահա թէ ինչպէս է նկարագրում այդ ժողովները իր «Հայ երիտասարդութեան» մէջ մեր տաղանգաւոր գրող՝ հանգուցեալ Բաֆֆին:

«Եւրաքանչիւր սերունդի համար թանգ է ժամանակի մի որոշ շրջանը: Ես երբէք մտածեալ չեմ կարող 72 թւականը՝ երբ սկսվեցաւ հրատարակվել «Մշակ» լրագիրը: Ինչ կեանք էր



տիրում այն ժամանակ թիֆլիզում. ինչ դրութեան մէջ էր գաւառների վիճակը—Ամեն տեղ տիրում էր մի տեսակ անշարժութիւն, մի տեսակ թմբութիւն, մի տեսակ մեռելութիւն. Յանկարծ, կարծես մի դիւթական գաւազանի հարուածից, զարթեցաւ կեանքը. Այս օր չէր հաւատում, թէ այդպէս կարող էր լինել. Հաւատում էր միայն երկտասարդների մի փոքրիկ խումբ. Եւ լիջում քիմ այն գեղեցիկ տարիները, այն հրաշալի գիշերները, երբ այդ խումբը հաւաքուած խմբազբատան մէջ, կարդում էին, ծխում էին և վիճում էին. Մեզանից շատերը հազներին շապիկ չունէին, մտնում էին այնտեղ բոլորովին պատառոտած կոշիկներով. այսուամենայնիւ, մենք ամենքս էլ Փատալիտի լուսով հաւատում էինք, թէ կը տիրապետենք մի մեծ ապագայի:

Սկզբում այս լրագրի շուրջը խմբիցաւ համալսարանական դիպլոմալ ու ռեկտոր երեսասարգութիւնը. Բայց նրանք շուտով ցրուեցան. կարծես թէ գործը խորթ թւեցաւ իրանց, նրանք չը հաւատացին այս լրագրի ճակատագրին. Մնացին դիպլոմից զուրկ ինքնուսուցիչները,—ինքնակրթութեամբ զարգացած մանկատին,—անազոզութիւնների տակ ճնշված, ամեն տեղից հալածված, բայց դարձեալ իր վեհութիւնը պահպանած մանկատին. Ահա այդ ուժերը իրանց ուսերի վրա բարձրացրին «Մշակի» դրօշակը:

Համալսարանականները հեռանալով «Մշակից», ասպարէզը մնաց ինքնուսուցիչներ. Այդ լրագրի խմբագրերը խիստ ճիշտ համեմատութիւն արեց, թէ նա թողեց գպիրներին և փարիսեցիներին և իրան շրջապատեց հասարակ ձկնորսներով,—ժողովրդի չը փչացած գաւակներով:

Եւ երբէք չեմ կարող մոռանալ այն աղմկալի ժողովները, որ կազմվում էին այդ լրագրի խմբագրատան մէջ մի քանի տարի առաջ. Եթէ ես ունեցել եմ իմ կեանքում մի քանի ոսկի ըտպէներ—դրանք պատկանում են այն ժամանակին. ժողովների մէջ ոգևորված և բորբոքված վիճարանութիւնները տեսում էին շատ անգամ մինչև գիշերվայ ժամը երկուսը. Փոքրիկ, բոլոր նիւթական միջոցներից զուրկ, բայց բարոյապէս հարուստ խումբը ծրագրում էր հսկայական սրօքքտներ. Այդ դօճ-քիչօտութիւնը, երևակայութեան այդ տենդային բորբոքումը, թէև մասամբ ծիծաղելի էր, բայց գեղեցիկ էր, որպէս մանուկի ժպտ-



տը, որ արտայայտութիւն է նոր սկզբող կեանքի Բզէաների խորին արեցութեան մէջ, ամեն մի երկասարգ մտանում էր իր վիճակի բաժանութիւնը, և մտածում էր, վիճում էր հասարակաց բարօրութեան մասին: Աէս գիշերից յետոյ նիստը վերջանում էր: Խումբը ցրել էր գալիս բուլվարներէ վրա, երբ բոլոր հիւրանոցները փակուած էին լինում: Բայց դարձեալ խուլ և անապատացած փողոցների մէջ շարունակվում էր ընդհատված վիճարանութիւնը: Այն ժամին, երբ բախտաւոր Թիֆլիսեցին հանգստանում էր իր փառաւոր քնարանի մէջ, մեր կիսամերկ շրջողիկները, Գօլովինսկի Պրօսպեկտի սալերը դղողելով, քննադատում էին մի նշանաւոր հասարակական հարց: Զիւնը, անձրևը, սառը քամին չէր քշում նրանց դէպի իրանց ողորմելի քնակարոնները, այլ աւելի զովացնում էր և աւելի կազդուրում էր տաքացած գլուխները: Նորանք բաժանվում էին միմեանցից, երբ զարկում էր տռուօտեան զանգակը. այն ժամանակ զնում էին հանգստանալու, որ միւս օրը նոր ուժով սկսեն աշխատել:»

Թուլացած համալսարանականները հեռացան, տիրացուները լետ կանգնեցին, յուսահատվողները իրանց «գլուխը պահելու» գնացին և հրապարակի վրա մնաց Արծրունին, իրան գաղափարակից մի փոքրիկ, բայց անձնուէր, համոզված մարդիկներից բաղկացած խմբով, և այդպէս էլ շարունակեց սկըսած գործը...

Մենք այս ժողովների վրա այսքան երկար կանգ առանք գլխաւորապէս այն պատճառով, որ դրանք նեղ խմբագրական ժողովներ չէին միայն, այլ այնպիսի ժողովներ, որտեղ հաւաքվում էին բոլոր այն ժամանակվայ գործող և գործելու ցանկութիւն ունեցող ուժերը և որտեղ լայնված մտքերը և հայեացքները ամենից լաւ կարող են պարզել մեզ, լետնորդներիս, թէ ինչպէս էր մտածում հայոց ինտելիգենցիան և երիտասարդութիւնը՝ սրանից մօտ քսան տարի առաջ...

Մեր առաջ բերած գծերից, պարզ երևում է, որ նա շատ վատ էր մտածում...

«Մշակի» լոյս տեսնելուց մի քանի ամիս առաջ Գրիգոր Արծրունին հրատարակեց մի յայտարարութիւն, որի մէջ, ի միջի այլոց, խօսում է այն մասին, թէ ինչ մտքով լրագիրը կոչվում է «Մշակ», և թէ ինչ պիտի անի «Մշակը»: Այդտեղ առաջ է բերում Էդմոնդ Աբուի խօսքերը, որ դեռ 1868 թւին Հելդլբերգից գրել էր «Հայկական Աշխարհին».— «Մեզանից չեն պահանջում հրաշքներ գործել, այլ որ և իցէ լաւութիւն թողնել: Եւ այն մարդիկներին, որոնք իրանցից չետոյ որ և իցէ աշխատանք կամ լաւութիւն են թողել, մենք անուանում ենք առաջագիմութեան մշակներ... Բարի գործը չի կորչի, աշխատենք...»

Մեզ հիացնում է այն համեստութիւնը, որ արտափայլում է Գրիգոր Արծրունու հրատարակած այդ յայտարարութեան մէջ: Նա ոչինչ շանթեր չէ արձակում դէպի իրանից առաջ եղածները, նա ոչինչ ճռճռան խոստումներ չէ անում և ապագայի մասին. նա միայն ասում է. «պէտք է մշակել, պէտք է աշխատել, աշխատենք»:

Վերջապէս լոյս տեսաւ «Մշակի» առաջին համարը յունվարի 1-ին, որին անհամբեր սպասում էին Թիֆլիսի բոլոր շրջաններում: Տեսնելով հայոց մի լրագիր, արտաքին այնպիսի տեսքով և այնպիսի բովանդակութեամբ, ինչպիսին էր «Մշակը», ամենքը զարմացած միմեանց վրա էին նայում: Իսկ «Մշակը» այն ժամանակ, թէ արտաքին կողմից, և թէ բովանդակութեան դասաւորութեան կողմից այժմեանին մեծ նմանութիւն ունէր,— առաջնորդող, ներքին տեսութիւն, ներքին լուրեր, թղթակցութիւններ, արտաքին տեսութիւն, խառն լուրեր, բանասիրական, ֆելիէտօն: Նոյն իսկ բովանդակութիւնը նորութիւն էր: Ընթերցողը փոխանակ անհասկանալի բառախաղութիւնների և քարոզների, նրա մէջ գտաւ սեփական կեանքին վերաբերեալ լուրջ, ազդու լոգոսածներ, իրական կեանքից վերցրած պատկերներ, և վէպիկներ, ֆիլիե-

տօններ, թղթակցութիւններ նորնպէս սեփական կեանքից, և վերջնապէս եւրօպական քաղաքական և սօցիալական խնդիրների լուրջ և խելացի քննութիւն և ուսումնասիրութիւն:

Անթերցողը, որ հայերէն լեզուով հրատարակող լրագիրներից համարեա զգուել էր՝ նրանց անհասկանալի լեզուի և անհամ բովանդակութեան պատճառով, միանգամից զարմացաւ, տեսնելով, որ հայոց լրագրի մէջ էլ կարելի է գրել կենդանի հասկանալի ու լեզուով, որ հայոց լրագիրն էլ կարող է գրել իրական կեանքից, կենդանի խնդիրների մասին...

Ահա զբանումն է գաղտնիքը, որ սկսելով 50 բաժանորդով, «Մշակը» տարվա վերջը ունեցաւ 500 բաժանորդ: Նորն իսկ այն մարդիկ, որոնք ասում էին. «հայոց գաղէթն էլ կը կարգան», և որոնք երբէք սովորութիւն չունէին հայերէն տառերով տպած լրագրի երեսը տեսնել, ստիպվեցան առնել լրագիրը, կարգալ, մտածել, ուրախանալ կամ բարկանալ: Մէջտեղից վերացաւ անտարբերութիւնը: Եւ ահա կարճ միջոցում ինտելիգենտ շրջաններում կազմվեցաւ երկու որոշ խումբ, երկու որոշ կուսակցութիւն՝ մշակականներ և հակամշակականներ: Այդ հակամշակականներն էին, որ վերջումը մկրտվեցան մեղուականներ անունով...

Լրագիրը իր առաջին հետաքրքրական համարներից լետոյ, ոչ թէ չը թուլացաւ, ոչ թէ չը սկսեց ընթերցողներին տալ զանազան ճառեր և թարգմանութիւններ, ինչպէս կարծում էին թերահաւատները, այլ քանի զնաց աւելի ոգևորվեց, աւելի հարստացաւ, և աւելի շարժում առաջ բերեց: Լրագրի հէնց առաջին համարներից երևացին Չաբուճի (Ամերիկեան) սրամիտ ֆելիետոնները, Բաֆֆիի Պարսկաստանի հետաքրքրական նամակները, որոնց տակ նա ստորագրում էր Ալէքսանդր Բաֆֆի, Շահվերդեանի՝ ներքին կեանքին վերաբերեալ տեսութիւնները, Պահլաւունու (Պերճ Պաօշեանի) Երևանեան թղթակցութիւններ, Իզմայիլեանի՝ արտաքին տե-

սովետական գեղեցիկ յօդուածները, իրական կեանքից վերցրած՝  
Զմշկեանի գրած սլաակերները, Ալեքսանդր Քիշմիշեանի վե-  
պիկները, Համալի (Սունդուկեանի) Ֆելիետոնները, «Համալի  
մասլահաթ», վերնագրով, Ստեփաննոս Պալասանեանի գրական և  
մատենախօսական յօդուածները, Անդրէաս Արծրունու արտա-  
սահմանեան թղթակցութիւնները և այլն: Իսկ առաջնորդող-  
ները մէկը միւսից աւելի աղմկալուրդ, մէկը միւսից աւելի ազ-  
գու էին: Եւ այդ բոլորը միասին այնպիսի մեծ ներգործու-  
թիւն ունեցաւ քնաթաթախ Հայ Հասարակութեան վրա, որ  
ամեն տեղ միանգամից աղմուկներ սկսվեցին նոր լրագրի սլատ-  
ճառով, ճիշտ անպէս, ինչպէս որ թնդանօթի որոտը աղմուկ  
է զցում խոր քնի մէջ ընկղմած բանակի մէջ...

Մարդու սիրտը միթիթարվում է, և մարդ մի ներքին ու-  
րախութիւն է զգում տեսնելով թէ ինչ սրբազան ոգևորու-  
թեամբ էր ներշնչված «Մշակը» հէնց իր գոյութեան առաջին  
օրից: Թերթելով բոլոր համարները մէկը միւսի լետեւից, տես-  
նում էք, որ գործողը՝ ներշնչված է մի անխուսափելի հաւա-  
տով, որ հաւատում է, թէ յաղթ ու թիւնը իր կողմը պիտի  
մնայ, և համոզված է թէ իր սկսածը սուրբ գործ է:  
Արծրունին գաղափարի կռիւ է սկսում և նրա առաջնորդող-  
ները սկսվում են այս խօսքերով՝ «Դուք և մենք», և շատ  
անգամ վերջանում են այսպիսի խօսքերով. «մենք գիտենք  
թէ ով ենք մենք. գիտէք արդեօք ով էք դուք», կամ թէ  
այսպիսի խօսքերով. «մենք կը ստիպենք ձեզ կամ լռել, կամ  
ենթարկվել մեզ, և կամ՝ անցեալը ձերն էր, ապագան մերը  
կը լինի. ապագայում մենք կը տիրապետենք...» Եւ այդ խօս-  
քերը ուղղված էին ոչ թէ իսկապէս մի կամ մի քանի մարդ-  
կանց, այլ ամբողջ հին սերունդին, հնացած կեանքին և հը-  
նացած գաղափարներին...

Հետաքրքրական է թէ ինչ է ասում Արծրունին «Մը-  
շակի» առաջին համարի առաջին առաջնորդում, որի



վերնագիրն է Ներէկ, այսօր և էգուց: Առաջ ենք բերում մի քանի կէտեր:

Ասր ժամանակ երբ մենք Հայերս բառականացնում էինք մեր ազգային փառասիրութեան զգացմունքը, լիջելով մեր փառաւոր անցեալը, մեր առասպելական աւանդութիւնները . . . Մեր ազգի վերարեւելւ ուսումնասիրութեամբ լրումն էինք տալիս ժամանակ առ ժամանակ կարգալով կամ լծերլծելով մեր հին կեանքի մասին պատմական հետազոտութիւններ:

Հասարակութեան բարձր դասին պատկանող անձից (մարդ թէ կին) այսքան էլ չէր պահանջվում . . . Նորանից պահանջվում էր միայն մեր հին պատմութիւնից քանի մի նշանուոր անուններ գիտենալ, որ նա ժամանակ առ ժամանակ ուրիշներէ առաջ անգիր էր ասում. պահանջվում էր որ նա՝ գուցէ լեզուն էլ չմտնալով, տարվայ այս ինչ ասներին եկեղեցի գնար. . . Նա պարծենում էր իր ազգի պատմութեամբ, բայց աշխատում էր իր երեխաների հետ երբէք մայրենի լեզուով չխօսել: Նա հպարտ էր իր հայրենիքի անցեալը լիջելով, բայց յանցանք էր համարում ժամանակակից հայրենակիցներին մտաւոր կամ նիւթական որ և է օգնութիւն հասցնելու. . . Նա ասում էր իր հայրենակիցները, նոցա մէջ մեծ պակասութիւններ զրանելով, և իրան բարոյապէս իր հայրենակիցներէրց բարձր գաւրով, չէր կամենում մտածել նոցա այդ պակասութիւններէրց բժշկելու միջոցներն վրա:

Ժողովուրդը սգէա և մոլեռանդ էր. նա հայերէն չգիտէր, բայց եկեղեցի յաճախելով ջերմեռանդ ազօթում էր: Նա հայ էր ասում իրան, բայց կոպէկը անգամ խնայում էր իր երեխայի համար հայերէն մի գիրք առնելու:

Նա ոչինչ չէր արդիւնարեւում հայութեան համար, չէր հոգում հայութեան մասին, բայց վրդոված հալածում էր այն երիտասարդին, որը հեռանում էր հայութեան աւանդութիւններէրց . . . Նա ախ քաշելով ամեն օր գանգատում էր իր հայրենակիցներն պակասութիւններն վրա, բայց միևնոյն ժամանակ անզգոյշ և վնասակար անձ էր համարում նորան, ով օրագրական կամ բեմական գրվածքում այդ պակասութիւնները ներկայացնում էր . . . Նա անգոհ էր իր զրութեամբ, բայց անձնական լծնամի էր համարում նոցա, որոնք վերանորոգութիւն էին առաջարկում:



Նրեկվայ օրը անցաւ:

Այսօր ամեն տեղ սխուժ են փոքր ի շատէ հայերէն սովորել: Հիմնվում են տարրական ուսումնարաններ, ժողովուրդը իր երեխաները ուսումնարան է ուղարկում, բարձր դասը ուղարկում է իր որդիները համալսարան . . . Գրաբարը և հնութեան լիշատակները երկրորդական դեր են խաղում,—այսօր մենք ունենք կենդանի լեզուով գրած օրագիրներ և զբքեր: Ամեն մի հայ երեւում է իրր ազգասիրական ոգով վառված:

Մի կողմից երեւեցան ազգասիրական բանաստեղծութիւններ, միւս կողմից հայրենական պատմութիւնից առած բեմական գրվածքներ: Բարձր ուսում առած երիտասարդները շախազանց բազմացան . . . Ազգասիրական ոգով վառված, նոքա այնպիսի ուսման ճիւղ են ընտրում իրանց համար, որ առանց ծանր աշխատանքի կարողանաին ապահովել իրանց ապրուստը . . .

Բայց էգուցվայ օրը մօտենում է:

Այն երիտասարդները, որոնք բարձր ուսում ստանալուց լետոյ վերադարձան իրանց հայրենիքը, որոնք մեր հնացած հասարակութեան մէջ լուսաւորութեան ներկայացուցիչներն են համարվում,—կատարեցին արդեօք իրանց պարտաւորութիւնը:

Նոցա գրօշակի վրա գրած է լ ու ս աւ ո ռ ու թ իւ ն խօօքը, բայց դժբաղդասովս մենք պէտք է խոստովանենք, որ նոցա սակաս է լուսաւորութեան առաքելութեան համար ամենանշանաւոր գործիչը,—այն է ա շ խ ա տ ա ն ք . . .

XIX դարի լուսաւորութեան գլխաւոր գործիչը ա շ խ ա տ ա ն քն է: Այդ գաղափարը ժողովուրդը չէ ըմբռնում, իսկ լուսաւորութեան ներկայացուցիչները, մեզ մօտ, օգուտ քաղելով նորա տգիտութիւնից հաւատացնում են նորան, որ լուսաւորութիւնը նոցա համար անմատչելի, անըմբռնելի գաղափար է . . . որ իր էութեամբ նա վերացական գաղափարէ, իսկ արտաքին կեանքումը նա արտայայտվումէ գեղեցիկ հագուստով և թղթի վրա գրված վկայագրով . . . Այ. ստումիւս ես ժողովրդին, լուսաւորութիւնը ուրիշ բան չէ, եթէ ոչ աշխատանք, և նոքա որոնք լուսաւորութիւն են քարոզում քեզ, բայց իրանք չեն ընտելացել աշխատանքին, մեղաւոր են իրանց խղճմտանքի առաջ . . .

Ազայ ժամանակ, երբ նոքա, որոնք պարտաւորութիւններ

ու նին, բայց չեն կատարել այդ պարտաւորութիւնները, կեն-  
թարկիլին ապագայ սերունդի հասարակական դատաստանին:

Էգուցլայ օրը պահանջումէ՛ փոքր սերունդի համար տար-  
րական ուսում, ժողովրդի համար ժողովրդական գիտութիւն, ու-  
սում առաձների համար ճիշդ գիտութեան ծանօթութիւն,  
հասարակութեան համար ճիշդ գիտութիւնների վրա հիմնած  
մտախորհութան եղանակ,—ամենի համար աշխատանք:

Էգուցլայ օրը պահանջումէ՛ բարձր ուսում ստացածներից  
ոչ թէ միայն ժողովրդի ամեն գասերի կենսական երեւոյթների  
խորը քննադատութիւն, այլ և իրանց սեփական անձի խրճ-  
մտարար, անխոնջ անձնաքննութիւնը:

Յրեկ մենք կտակարանական ազգ էինք,

Այօր մենք ազգասէրներ ենք,

Էգուց մենք պէտքէ՛ աշխատողներ դառնանք:

## VI.

### ՆՈՐ ՄԵԹՕԳԻ ԵՒ ՆՈՐ ՈՒՂՂՈՒԹԻՒՆ

Մինչև «Մշակը» հայոց համարեա բոլոր գրողները քաղաքի շնեք էին. գրականութեան և մամուլի մէջ տիրում էր խրատական և քաղաքական մեթօդ: Ամեն մի գրող, ամեն մի հրատարակագիր այսպէս էր գրում. «Մեր ազգը ուսում չունի. մեր սիրելի ազգի բարոյական կեանքը պակասաւոր կողմեր ունի: Հարկաւոր է որ հայոց ազգը լուսաւորվի. ախ, երբ կը լուսաւորվի մեր սիրելի ազգը»: Հետեւելով այդ քաղաքական սխալ մեթօդին, կրկնելով այն ժառանգական գանդատը թէ՛ «մեր խեղճ ազգը ուսում չունի, ախ նա երբ պիտի լուսաւորվի», մամուլը, բացի նրանից՝ որ այդ տեսակ գանդատներով չէր կարողանում ազգը լուսաւորել, այլ միևնոյն ժամանակ մի մեծ լանցանք էլ էր գործում, — այդ այն է, որ երբէք չէր ձգտում ուսումնասիրելու ժողովրդի իրական կեանքը, երբէք չէր աշխատում փաստեր հաւաքել այդ կեանքի մասին, որոնց վրա և միայն կարելի էր հիմնել այս կամ այն կարծիքը:

Այդ քաղաքական, խրատական մեթօդին հետևող մեր բոլոր գրողները՝ միևնոյն ժամանակ մի սխալ հասկացողութիւն էին կազմել իրանց մասին: Նոքա երևակայում էին, և զոցս մնացորդները այժմ էլ այն կարծիքի են, թէ շատ լաւ են ճանաչում հալ ժողովրդին, և շատ լաւ են ուսումնասիրել նրա պիտոյքները և կեանքը: Գոքա ասում էին. «Մենք գիտենք հայոց պատմութիւնը. լաւ ենք ուսումնասիրել՝ Ազգութանգե-

դասը, Խորենացին, Բիւզանդը, մենք քաջ ծանօթ ենք գրարար լեզուին, և այդտեղից հետեւեցնում էին, որ ժողովրդի կեանքը իրանց լաւ ծանօթ է: Պոցա համար հայի անցեալը ամեն բան էր. ներկան նոցա համար երկրորդական նշանակութիւն ունէր. իսկ ապագայի մասին նոքա երբէք չէին էլ մտածում...

Մի ժողովրդի լաւ ճանաչելու համար անկասկած պէտք է ուսումնասիրել և նրա անցեալը: Բայց, հետաքրքրական է իմանալ, ինչ է ապիս մեզ հայոց անցեալի պատմութիւնը—հայոց պատմութիւնը:—Մի քանի թագաւորների և նախարարների փոխադարձ կռիւների և պատերազմների ցանկ,—և ուրիշ ոչինչ: Անյարգեօք հայոց պատմութեան էջերում ժողովուրդերու է արդեօք այդ էջերից, թէ ինչպէս էր մտածում հայ ժողովուրդը քրիստոնէութիւնից առաջ, կամ քրիստոնէութեան ընդունած ժամանակ. սրն էր նրա ուրախութիւնը, և ինչը նրա տրամոլութիւնը: Այ. այդ բանը չը կայ և չի երևում...

Հիմնովելով այն սխալ հայեցակէտի վրա, թէ իմանալով հայոց պատմութիւնը, լաւ տեղեակ լինելով հայոց զբաբար լեզուին և կարգացած լինելով վանքի պատերում փակված և կրօնական ոգով ներշնչված հայ մատենագիրներին՝ կարելի է ուսումնասիրել հայ ժողովրդի կեանքը,—հայ զբողները այնտեղ հասան, որ միանգամայն սկսեցին անտես առնել ժողովրդի ներկայ կեանքը, նրա առօրեայ ցաւերը, նրա ժամանակակից պահանջները: Սրա հետեւանքը եղաւ այն, որ ոչ մի զբող, ոչ մի հրատարակագիր չէր ուզում մտնել ժողովրդի ներկայ կեանքի մէջ և իմանալ, թէ ինչպէս է ապրում հայ գիւղացին, ինչ է նրա տնտեսական կեանքը, ինչ է նրա բարոյական աշխարհայեցողութիւնը, ինչպէս է նա ինքը նայում իր սեփական կեանքի վրա... Հայոց լրագիրը ամօթ էր համարում զրել, գիցօք, արհեստաւորի համայնական սովորութիւնների մասին. ամօթ էր համարում զրել, թէ ինչպէս է գիւղացու հունձը, ինչքան հոգ ունի նա, ինչ գրութեան մէջ է

երկրի գիւղատնտեսութիւնը, ինչպէս է ապրում երկրագործը, ինչպէս է հագնւում հայ կինը, մի խօսքով այն, ինչ որ կազմում է ժողովրդի իրական կեանքը...

Եւ ահա այդ պատճառով նոյն իսկ այն մարդիկ, որոնք կարծում էին թէ լաւ են ճանաչում ժողովրդին, որոնք կարծում էին, թէ որովհետեւ իրանք մանկութեան ժամանակ «տօյմա և փլաւ» են կերել, ուստի և «ժողովրդի սրտիցն են խօսում», — իսկապէս երբէք էլ չը ճանաչեցին այդ ժողովրդին, և այդ պատճառով անընդունակ եղան արծարծելու այնպիսի խնդիրներ, որոնք բղխում են այդ ժողովրդի իրական կեանքից...

Գրիգոր Արծրունին հրատարակ գալով հէնց առաջին քալափոխից թշնամի հանդիսացաւ այդ սխալ մեթօդին և ուղղութեան, և իր բոլոր եզրակացութիւնները և մտքերը հիմնեց իրական կեանքի ուսումնասիրութեան վրա: Մանկութիւնից հալերէն չիմանալով, ապրելով հայոց կեանքից դուրս, և երիտասարդական հասակում միայն սկսելով ուսումնասիրել հայոց լեզուն և գրականութիւնը, Արծրունին ի հարկէ չէր կարող ծանօթ լինել հայ ժողովրդի կեանքին:

Այդ կողմից Արծրունին սկզբում միանգամայն նման էր միւս հայ գրողներին... Բայց սկսելով գործել, նոյն Արծրունին, ամէնից առաջ նպատակ է դնում հետազօտել, ուսումնասիրել կեանքը: Նա դարձնում է «Մշակը» ոչ թէ քարոզիչ, այլ հետազօտիչ: Այդ ընթացքը բռնելով նա կարճ ժամանակից լետոյ ապացուցեց, որ աւելի ճիշտ է ըմբռնել և հասկացնել հայ ժողովրդին՝ իր բոլոր պահանջներով, քան թէ այն բոլոր մարդիկ, որոնք իրանց համարում էին և համարում են հայոց կեանքին տեղեակ:

Հետեւելով այդ հետազօտիչ՝ գիտութիւնների ճիշտ մեթօդին, ուսումնասիրելով կեանքի բոլոր երևոյթները, Արծրունին նախ պատկերացնում է կեանքը և ապա նոյն



այդ իրական կեանքի վրա հիմնում է իր եզրակացութիւնն երբ:

Իբրև գրող նստած իր կարինետում, Արծրունին վարվել է այնպէս, ինչպէս իր կարինետում նստած բնագէտը: Բնագէտը խոշորացուցով սկսում է ուսումնասիրել իր առաջ գրած կենդանուն. բազմաթիւ փորձեր է անում. գիտում է, քննում է, և երբ արդէն հարիւրաւոր փորձերը և դիտողութիւնները ցոյց են տալիս, որ միևնոյն երևոյթը կրկնվում է բոլոր դէպքերում.—նա, այդ գիտնական-բնագէտը, հիմնվելով այդ հարիւրաւոր փորձերի ու դիտողութիւնների վրա,—դուրս է բերում եզրակացութիւն, և ապա այդ եզրակացութեան վրա հիմնվելով՝ աւետում է աշխարհին մի նոր գիտնական օրէնք: Այդպիսի օրէնքը սխալ լինել չի կարող, որովհետև նա հիմնված է իրականութեան բարեխիղճ ուսումնասիրութեան վրա: Գրիգոր Արծրունին իբրև գրող, իբրև մտածող՝ հետևել է բնագիտական այդ ճիշտ մեթոդին: Նա նախ ուսումնասիրել է և ապա դուրս բերել եզրակացութիւններ՝ որոնք հիմնված են եղել այդ ուսումնասիրութեան և մարդկային զարգացման համար ընդհանուր տեսութիւնների վրա:

Իս է եղել Գրիգոր Արծրունու գրական գործունէութեան մեթոդը:

Այդ մեթոդին նա միացրել է այն ուղղութիւնը, որ նա անուանել է քննադատական, բացասական ուղղութիւն:

Մի կողմից ցոյց տալով կեանքի այս կամ այն տգեղ, քայքայված, հնացած կողմը, ցոյց տալով այդ կեանքի ավանդակութիւնները, և միևս կողմից բացատրելով այդ կեանքը վերանորոգելու ճանապարհները, Գրիգոր Արծրունին, ամբողջ Մշակի՝ հետ միասին, մերկացրել և հարուածել է այն բոլոր հիմնարկութիւնները և տարրերը, որոնք կամ չեն ուզում վերանորոգվել կամ արգելում են ժողովրդի վերածնութեանը և նրա կեանքի վերանորոգմանը... Ահա այդ պատճառով ս.ւ.ս.ում-

ն ա ս ի ր ու լ թ ե տ ն և հ ե տ ա զ օ տ ու լ թ ե տ ն գործի հետ  
«Մշակի» մէջ միշտ կապված է եղել քննադատական, բա-  
ցասանական ուղղութիւնը: Բացասական ուղղութեան հիմքը  
ժամանակակից դրութիւնից դժգոհ լինելն է. իսկ առանց  
դժգոհութեան—չը կայ առաջադիմութիւն... «Մշակի» գոյու-  
թեան նախորդ տարիները տարբերվում են վերջին տարիներից  
ներանով, որ սկզբում նրա մէջ տիրապետում էր հ ե տ ա զ օ-  
տ ու լ թ իւ լ ն ը և ու ս ու լ մ ն ա ս ի ր ու լ թ իւ լ ն ը, իսկ լետով,  
վերջին տարիները, կեանքի հետազոտութեան և ուսումնասի-  
րութեան գործին երկրորդական տեղ տրվեցաւ, և դրա փո-  
խարէն սկսեց տիրապետել բուն բացասական, յարձակողական  
ուղղութիւնը: Նրա պատճառը պարզ է: Արդէն ուսումնասի-  
րած և հետազոտած լինելով ընտանեկան, հասարակական կամ  
սօցեալական այս կամ այն երևոյթը, և այդ ուսումնասիրու-  
թիւնից գուրս բերած լինելով որոշ եզրակացութիւններ, Քրի-  
զոր Արծրունին իր գործունէութեան վերջին տարիները սկսեց  
հոգալ զլիսաւորապէս նոցա գործադրութեան մասին, անխնայ  
յարձակվելով այն բոլորի վրա, որոնք արգելք են հանդիսա-  
նում այդ գործադրութեանը...

Արծրունին ունի իր՝ հասարակութեանը արդէն լայտնի  
գաղափարները և ձգտումները: Նա համոզված է որ անհրա-  
ժեշտ է այդ գաղափարները և ձգտումները իրականացնել: Եւ  
ահա այդ վերջին հանգամանքի վրա է դարձրել նա իր բոլոր  
ուշագրութիւնը, անդադար կրկնելով միևնույն ճշմարտութիւ-  
նը, անդադար լիշեցնելով իր գաղափարները, անդադար հա-  
լածելով հակառակորդներին, անդադար քննադատելով վերա-  
նորոգութեան արգելք հանդիսացող հիմնարկութիւնները...

Եւ անկասկած նա այդպէս էլ կը վարվի և այդ ուղղու-  
թեամբ կը շարունակի ասպագալումն էլ, մինչև որ կը իրա-  
գործվեն իր ձգտումները...

## VII.

ԸՆԴՀԱՆՈՒՐ ՀԱՅԵԱՅԶ ԳՐԻԳՈՐ ԱՐԺՐՈՒՆՈՒ ԳՈՐԾՈՒՆԷՆՈՒԹԵԱՆ ՎՐԱ

Գրիգոր Արժրունու 25 տարվայ գործունէութիւնը քննադատելու և զնահատելու համար հարկաւոր է հատորներ գրել: Այդ գործունէութիւնը այնքան մեծ և այնքան նըշանաւոր է, որ նրան լիակատար կերպով ներկայացնելու համար, հարկաւոր է հայոց կեանքի մօտ 25 տարվայ պատմութիւնը գրել, որովհետև այդ ժամանակամիջոցում հայոց կեանքի մէջ ոչ մի նշանաւոր երևոյթ չէ տեղի ունեցել, որը այսպէս թէ այնպէս կապված չը լինէր Արժրունու կամ «Մշակի» հետ: Բայց այդ բանը ներկայումս անել անկարելի է յայտնի պատճառներով... Ուստի մեզ մնում է մի ընդհանուր, շատ կարճ հայեացք գցել Գրիգոր Արժրունու գործունէութեան վրա:

Արժրունու, իբրև պուրլիցիստ-գրողի, գործունէութիւնը կարելի է երկու մասի բաժանել.

Ա. ա ջ ի ն՝ Գրիգոր Արժրունին—իբրև վերանորոգիչ:

Երկրորդ՝ Գրիգոր Արժրունին—իբրև խմբագիր:

Իբրև վերանորոգիչ այդ մարդը հայոց կեանքի մէջ ներկայացնում է իրանից մի հսկայ: Վերանորոգիչ լինելու համար անկասկած տաղանդ է հարկաւոր, որ ունի Արժրունին: Նրա այդ բնածին տաղանդը համակրելի ուղղութիւն ստացաւ շքնորհիւ այն բանի, որ 60-ական թւականներին լինելով Մօսկվայում և Պետերբուրգում, ընկաւ ուստաց ամենալաւ գրող-

ների ազդեցութեան ներքոյ և ապա արտասահման գնալով իր այդ տաղանդին և առաջադէմ ուզողութեանը աւելացրեց զիտնական մեծ պաշար: Լինելով վերին աստիճանի ընդունակ, ունենալով խոր զիտողականութիւն և եռանդ, Արծրունին հիմնաւոր ուսում ստացաւ, ձեռք բերեց մեծ հմտութիւններ: Նա բացի հայերէնից, լաւ գիտէ ռուսերէն, գերմաներէն և ֆրանսերէն և մի փոքր էլ անգլիական և իտալական լեզուները.— անհրաժեշտ գէնքեր՝ նրա—իբրև պուրլիցիստի համար:

Ուսումնասիրելով Արծրունու գործունէութիւնը, մարդ այն եզրակացութեան է գալիս, որ նա հրապարակ եկաւ որոշ ծրագրով և որոշ ձգտումներով—վերանորոգել Հայոց մտաւոր կեանքը: Բայց որտեղից պէտք էր սկսել այդ վերանորոգութիւնը, որպէս զի նա լինէր հիմնաւոր և հետևողական:

Հիմնվելով իր ընդունած մեթոդի վրա, որի մասին մենք խօսեցինք նախորդ գլխում, Արծրունին պէտք է սկսէր, այսպէս ասած, արմատից:

Հայոց կեանքի այդ արմատը համարվում է ընտանիքը: Ինչ է ընտանիքը.—Մի քանի մարդոց միութիւն: Մի քանի մարդիկ միանալով կազմում են ընտանիք. ընտանիքները միանալով կազմում են համայնք կամ հասարակութիւն. հասարակութիւնները միասին կազմում են մի ամբողջ ազգ, կամ պետութիւն, իսկ ազգերի կամ պետութիւնների միացումից դուրս է գալիս ամբողջ մարդկութիւնը:

Արդ՝ ինչպէս որ, եթէ մի որ և է օրգանի զմի բողկացուցիչ մասերը հիւանդ են, հիւանդ կը լինի և ամբողջ օրգանիզմը, այնպէս էլ, եթէ ընտանիք կազմող մասերը բարոյապէս հիւանդ են, հիւանդ կը լինի և ինքը ընտանիքը. եթէ բարոյապէս հիւանդ կը լինեն ընտանիքները, հիւանդ կը լինի՝ այդ ընտանիքներից կազմված ամբողջութիւնը՝ հասարակութիւնը. եթէ հասարակութիւններն էլ բարոյապէս առողջ չեն, հիւանդ կը լինի ամբողջ ազգը կամ պետու-

Թիւնը, իսկ հիւանդ ազգերի կամ պետութիւնների միացումից հիւանդ կը լինի և ամբողջ օրգանիզմը—մարդկութիւնը:

Այդտեղից հետեւում է այն ճշմարտութիւնը, որ եթէ ուզում էք առողջ լինի մարդկութիւնը, պէտք է առողջացնէք նրա մասերը՝ պետութիւնները և ազգերը. եթէ ուզում էք որ այդ ազգերը հիւանդոտ չը լինեն, պէտք է առողջացնէք զրանց կազմող հասարակութիւնները. իսկ այս և այն հասարակութիւնը բժշկելու համար պէտք է նախ բժշկէք ընտանիքը. իսկ ընտանիքը առողջացնելու համար՝ պէտք է առողջացնէք նրա բաղկացուցիչ մասերը.—ընտանիքի անդամները:

Հիմնվելով այդ տեսակէտի վրա՝ սկսելով ընտանիքի և նրա կազմող անդամների վերանորոգութիւնից, գործողը, ի հարկէ, ունենում է աւելի լայն նպատակ, այն է՝ վերանորոգել մի ամբողջ համայնք կամ հասարակութիւն. հասարակութիւնների վերանորոգութեան մասին աշխատելիս՝ նա իսկապէս մտածում է ամբողջ ժողովրդի կամ ազգի կեանքի վերանորոգելու մասին, իսկ այդ բանը անելով, գործողը հասնում է իր ամենամեծ և վերջնական նպատակին,—այն է՝ ամբողջ մարդկութեան վերանորոգութեան և բարօրութեան: Մենք այդ համարում ենք վերջնական նպատակ. որովհետեւ եթէ ամբողջ մարդկութիւնը բարօրութեան մէջ է, կը նշանակէ բարօրութեան մէջ են և նրա բաղկացուցիչ ամենափոքր միութիւնները:

Այդ տեսակէտը հիմք դարձնելով, վերանորոգիչ գործողը անկասկած ընտանիքի՝ իբրև մի ամբողջութեան շահերը աւելի կը գերադասի, քան թէ նրա բաղկացուցիչ մասերի՝ անդամների շահերը. ամբողջ հասարակութեան շահերը աւելի կը գերադասի ընտանիքի շահերից, ամբողջ ազգի շահերը՝ հասարակութեան կամ համայնքի շահերից, իսկ ընդհանուր մարդկութեան շահերը—ազգի շահերից: Այդ մի կողմից, Իսկ միւս կողմից գերադասելով ընտանիքի շահերը նրա ամեն մի անդամի շահերից, աշխատելով ներդաշնակութիւն գցել ընտա-



նիքի մասերի մէջ, մի և նոյն ժամանակ պէտք է չը դիպչել ամեն մի անդամի ինքնուրոյնութեանը, չը պէտք է մի անանգամը զոհ բերել միւս անդամին, սպա թէ ոչ կը խախտվի նոյն իսկ ամբողջ ընտանիքի հասարակչութիւնը: Գերադասելով ամբողջ հասարակութեան շահերը ընտանիքի շահերից, պէտք է ոտնակոխ չանել վերջինի շահերը. գերադասելով ամբողջ ազգի շահերը այս և այն հասարակութեան շահերից՝ նոյն իսկ ազգի շահերի տեսակէտից՝ պէտք է որոշ աստիճանի ինքնուրոյնութեան մէջ պահել հասարակութիւնը. և վերջապէս ամենից բարձր համարելով ընդհանուր մարդկութեան շահերը՝ հարկաւոր է չը սահմանափակել մի ժողովրդի՝ իբրև բազկացուցիչ մասի, այսպէս ասած, անհատական իրաւունքները, որովհետև, կրկնում ենք, ամբողջութիւնը առողջ կը լինի միայն այն ժամանակ, երբ առողջ են նրա բազկացուցիչ մասերը. իսկ այդ մասերը առողջ կը լինեն միայն այն դէպքում, երբ ներգաշնակութիւն գցելով նրանց մէջ՝ մէկ մասը միւսին զոհ չի բերվիլ: Այդ պրինցիպի, այդ հայեցակէտի նպատակն է պահպանել անհատականութիւն հասարակականութեան մէջ, և հասարակականութիւն անհատականութեան մէջ:

Նրկար կանգ առնելով այդ հիմնական հայեցակէտի վրա, մեր նպատակն էր պարզել Գրիգոր Արծրունու գործունէութեան ներքին խորհուրդը և նպատակը, որովհետև մեր դիտողութիւններից այն եզրակացութեան ենք հասել, որ Արծրունին այդ հայեցակէտով է միշտ ղեկավարվել: Այժմ արդէն ընթացողի համար գծուար չէ ըմբռնել թէ թնչը պէտք է լինէր Արծրունու ձգտումների գլխաւոր նպատակը, և թէ այդ նպատակին հասնելու համար՝ որտեղից պիտի սկսէր իր վերանորոգութիւնը...

Աւրեմն առաջ անցնենք:

Նախ քան մի որ և է միտք լայնելը, հարկաւոր էր այս հարցը պարզել, — թէ ինչ լեզուով պէտք է խօսել ժողո-

վրդի հետ, որ նա հասկանալու Այդ հարցը իրան տուեց Գրիգոր Արծրունին իր գործունէութեան սկզբում, և հէնց առաջին քալափոխից յարուցեց՝

*Լեզուի խնդիր:* Լեզուի խնդիրը Արծրունու համար չէ եղել լեզուաբանական խնդիր: Նա դատեց այսպէս. «Ժողովրդի համար եմ գրում, ուրեմն պէտք է գրեմ այնպէս, որ հասկանան»: Լեզուի արտաքին գեղեցկութիւնը նրա համար երրորդական նշանակութիւն ստացաւ, նրան զբաղեցնողը միայն միտքը և զաղափարն էր, իսկ լեզուն միայն մի միջոց, այդ միտքը և զաղափարը յայտնելու համար: Այդ պատճառով Արծրունին հէնց սկզբից կռիւ յայտնեց ճարտասանական ձեւերին և գրաբարին: Գրաբարը հայաձեւով նա ճանապարհ բաց արեց նոր, կենդանի լեզուի բարբառների համար: Արծրունին լեզու չը մշակեց, բայց ջարդեց գրաբարի տիրապետութիւնը, վերջնականապէս սպանեց այն կուսակցութիւնը, որի իդէալն էր գրաբարը վերականգնեցնել, ստիպեց մարդոց գրել սլարգ, հասկանալի լեզուով, բարձրացրեց աշխարհիկ կենդանի լեզուի նշանակութիւնը, և այդպիսով հիմք դրեց աշխարհիկ այն տեսակ լեզուի կազմակերպութեանը, — որի նըսպատակն է հասկանալի լինել, և որը այդ ուղղութեամբ զարգանալով՝ կը մշակվի և կը կանոնաւորվի, գրաբարի շղթաներից միշտ ազատ մնալով: Հալիւրանները սղմուկ, ճիչ բարձրացրին Արծրունու պաշտպանած պարզութեան, կամ ինչպէս իրանք էին ասում, *առաջնական ու թեան գէմ*. գրաբարեանները բողոք յարուցին Արծրունու ձեռքով ներմուծվող եւրոպական բառերի գէմ, ծաղրեցին «Մշակի» լեզուն, բայց վերջը յաղթվեցան, և աշխարհաբարը շարունակեց ընթանալ իր նախագծած ճանապարհով՝ աշխատելով պարզ լինել և հարստանալ թէ ժողովրդական և թէ օտար՝ ընդհանուր եւրոպական բառերով: Եւ ահա այդ նոյն աշխարհաբար լեզուով այսօր հայ գրողը կարողանում է գրել բանաստեղծութիւն, վէպ, այդ նոյն լեզուով այժմ գրվում են քա-

դաքական, Ֆինանսական յօդուածներ, այդ նոյն լեզուով կարելի է գրել նկարչութեան, գեղարուեստի մասին,—մի խօսքով այդ լեզուն ընդունակ դարձաւ արտայայտելու ժամանակակից հայկական միտքը՝ և անկասկած քանի զնայ աւելի կը զարգանայ...

Աշխարհիկ լեզուի զարգացման հիմնական խնդիրներում «Մշակը» յաղթանակը տարաւ, իսկ մայրենի լեզուի ուսուցման պաշտպանութիւնը նրա հիմնական գաղափարներից մինը դարձաւ:

Իր գործունէութիւնը սկսելով Արծրունին գիմեց հայոց հասարակութեան այն մասին, որ կարող էր և պարտաւոր էր մտածել ժողովրդի առաջադիմութեան համար, և զբա հետեւանքը այն եղաւ, որ նա հրապարակ դուրս բերեց՝

Ինտելիգենցիայի գործունէութեան ինդիրը: «Մշակի» հէնց առաջին համարներից հայոց ինտելիգենտ երիտասարդութիւնը դառնում է ուսումնասիրութեան նիւթ: Գա մի տարր էր, որ կարող էր գործել, բայց որը անգործութեան մէջ ժամգոտում էր իր ոյժերը: Արծրունու յարձակմունքները ինտելիգենցիայի վրա անխնայ են եղել: Նա ասում էր. «Իուք դիմակաւորվում էք գիտութեան և ուսման գիմակով. դուք ձեզ ժողովրդի առաջնորդ էք համարում, սպա ուրեմն ինչու ոչինչ չէք շինում»: Երկար տարիներ Պրիզոր Արծրունին մտրակեց ինտելիգենցիայի անտարբերութիւնը. պատուեց ժամանակաւոր ի դէալիստներին գիմակը, հալածեց նոցա, որոնք իրանց բարձր համարելով, խորշում էին ժողովրդից, մայրենի լեզուից և հասարակական գործունէութիւնից. վատերին անխնայ հալածեց, արժանաւորներին սիրտ տուեց, և չը նալած, որ դրանով իր դէմ յարուցեց համարեա ամբողջ հայոց ինտելիգենցիային, բայց վերջ ի վերջոյ հակառակորդները խոնարհվեցին և յաղթութիւնը մնաց «Մշակի» կողմը, և այսօր ամբողջ հայոց մամուլը կրկնում է ինտելիգենցիայի վերաբերմամբ այն բառացի մտքերը, որոնց համար մի ժամանակ Արծ-

բունուն քիչ էր մնում խաչ հանէին հարց լուսաւորված  
ուսումնականները...

Ընտանիքի վերանորոգութան խնդիրը Արծրունու գրք-  
չին և ուղեղին մեծ հոգսեր է պատճառել երկար տարիների  
ընթացքում: Նա պաշտպան հանդիսացաւ ընտանիքի բոլոր  
անդամների՝ ծնողների և որդոց, կնոջ և մարդու՝ անհատական  
իրաւունքների՝ և այդ իրաւունքների հաւասարութեան, պաշտ-  
պանելով այն սկզբունքը, որ ամբողջ ընտանիքի երջանկու-  
թիւնը անդամների փոխադարձ համբարշխութեան մէջ է, և  
ոչ թէ մէկի տիրապետութեան և միւսի բռնութեան մէջ:  
Բողոք բայանվեց հին սերունդի՝ ծնողների բռնութեան դէմ,  
նոր սերունդի՝ որդոց արհամարված իրաւունքները պաշտպա-  
նելով: Նա նպատակ դրեց ջախջախել այն հայեցակէտը, որ  
ունէին ծնողները դէպի որդին. «որովհետեւ դու իմ որդին ես,  
ուրեմն ինձանից լիմար ես, և ինձ պիտի հպատակվես»: Պաշտ-  
պանելով հայ ընտանիքի մէջ ամենից մոռոցված, ամենից ոտ-  
նակախ եղած և ամենից թող անգամին՝ կնոջը, Գրիգոր Արծ-  
րունին հանդէս բերեց մի այլ հարց, այն է՝

Կանանց հարցը: Կինը Արևելքում ճնշված և արհա-  
մարված է: Կինը Արևելքում իր ամուսնու հաւասար ընկերը  
չէ. աղջիկը՝ արևելեան հասկացողութեամբ՝ ծնողների համար  
նոյնպիսի զաւակ չէ, ինչպէս է տղայ-զաւակը: Եւ ահա այդ  
սխալ և զգուելի հայեցակէտի շնորհով՝ հայ կինը ենթարկված  
է մի տեսակ տնային բանտարկութեան, դառնալով սեփական  
կամքից, սեփական ցանկութիւններից զուրկ մի արարած, մի  
ստրուկ, որին մարդու տեղ դնող չը կար, որի կրթութեան  
մասին մտածող և իրաւունքների պաշտպանող չը կար: Վեր-  
ջին 25 տարվայ ընթացքում հայ կինը մեծ քայլեր է արել դէ-  
պի առաջ: Կանանց այդ առաջագիմութեան մէջ Գրիգոր Արծ-  
րունին կատարել է առաջին դերը: Նա դեռ ուսանող  
ժամանակ սկսեց գրել կանանց իրաւունքների և հայ կնոջ  
բարձրագոյն ուսում տալու մասին, իսկ Մշակը՝ հիմնելով



իր ուշագրութեան գլխաւոր առարկաներից մինը շինեց՝ հայ կնոջ առաջադիմութեան խնդիրը: Կնոջ հարցը հայերի մէջ Արծրունին հիմնաւոր կերպով դրեց: Որպէս զի կինը կարողանայ ազատ լինել տղամարդի լուծից, որպէս զի կինը կարողանայ անկախ դիրք բռնել, հարկաւոր է որ նա ինքը ընդունակ լինի աշխատելու, հարկաւոր է որ կնոջը աշխատանքի միջոց տրվի, որովհետեւ միայն անկախ աշխատանքը կարող է միջոց տալ կնոջը իր սեփական ոտների վրա կանգնել, և տղամարդու հովանաւորութիւնից ազատ լինել: Հիմնը վելով այդ տեսակետի վրա Արծրունին մի կողմից ջերմ սպաշտական հանդիսացաւ կանանց կրթութեան. նա ճանապարհ ցոյց տուեց հայ կնոջը դէպի բարձրագոյն կրթութեան գիմելու, իսկ միւս կողմից հրաւիրեց հայ օրիորդին, հայ ինտելիգենտ կնոջը ձեռնարկելու մի որ և է անկախ աշխատանքի, լինի նա բեմի վրա, մանկավարժական ասպարէզում, թէ մի այլ շրջանում: Կանանց հարցի այդ համարձակ պրօպագանդան կատաղեցրեց հնասպաշտ հայերին, սարսափեցրեց պառաւներին, ոտի կանգնեցրեց այն բոլոր մարդոց, որոնց կարծիքով կնոջ ասպարէզը «ննջարանը և խոհանոցն» է,—բայց այդ բոլոր ազմուկները ոչինչ հետեւանք չունեցան... Անցան տարիներ, և ահա այսօր մենք տեսնում ենք, որ հայ աղջիկը ոչ թէ միայն համարձակ դպրոց է գնում գիւղերում անգամ, այլ հայ օրիորդը նոյն իսկ Շվեյցարիա, Ֆրանսիա, Պետերբուրգ և Վոսկիլա է գնում՝ բարձրագոյն ուսում առնելու, որ հայ կինը սկսում է սեփական աշխատանքով ապրել, լինելով վարժուհի, դերասանուհի, հաշւապահ, գրագարանապետ: Հայ կինը մինչև անգամ սկսեց դրել, նա սկսեց հասարակական գործունէութեան մէջ խառնվել, սկսեց հետաքրքրվել այն խնդիրներով, որոնք զբաղեցնում են ժամանակակից հայ երիտասարդութեան,—և այսպիսով փշրեց այն շղթաները, որոնք նրան դարերից ի վեր կաշկանդում էին, որոնք զրկում էին նրան անկախ լինելու, անկախ մտածելու և անհատական



իրաւունքներ ունենալու... Կանանց իրաւունքների հաւասարութեան, կանանց կրթութեան և անկախ աշխատանքի բազմաթիւ հակառակորդները՝ և դրա հետ միասին ամբողջ հին սերունդը լողթվեցան, և Գրիգոր Արծրունին այդ հարցումն էլ լողթանակը տարաւ...

Կանանց իրաւունքների հաւասարութեան հարցը պաշտպանելով, Գրիգոր Արծրունին ի հարկէ չէր կարող անտես առնել այն մի քանի քաղաքացիական-իրաւարանական հանգամանքները, որոնց շնորհով կինը միշտ իր ամուսնու կամայականութեանն է ենթարկված, և ահա այդ հանգամանքները աչքի առաջ ունենալով նա հրապարակ բերեց՝

Ապահարզանի խնդիրը: Ապահարզանի նպատակը շատ պարզ և համակերելի է,—ազատել կնոջը մարդու սանձարձակ կամայականութիւններից և շնորհել նրան քաղաքացիական մի քանի իրաւունքներ: Այդ խնդիրը սկզբում ահագին սարսափ գցեց. հակառակորդները հազարաւորներ էին: Բայց Արծրունին չը վհատվեց. համոզված լինելով որ սկզբունքը արդար է, նա քաջութեամբ պաշտպանեց խնդիրը և տարիներ անցնելուց յետոյ այդ խնդրի հակառակորդների թիւը աւելի ու աւելի սահմանափակվեց և հարցը սկսեց համակրութեան արժանանալ: Այժմ հասարակութիւնը ոչ թէ չի զայրանում կարգալով Մշակի, գրածները ապահարզանի մասին, այլ մինչև իսկ շատ էլ համակրանքով է վերաբերվում: Սկզբունքը արդէն համակրութեան է արժանացել, նա արդէն հայոց վիպագրութեան և թատերագրութեան նիւթ էլ է դարձել, և հարցը լուծված կը լինի՝ եթէ տեղի ունենան մի քանի իրաւարանական-եկեղեցական ձևակերպութիւններ: Այդ էլ եթէ այսօր չի լինում, վաղը անպատճառ կը լինի...

Զգտելով ժողովրդի հասկացողութիւնների և կեանքի վերանորոգութեան գործին, անկարելի էր ի հարկէ ուշադրութիւն չը դարձնել այն հասարակական հիմնարկութիւնների վրա,

որոնց նշանակութիւնը մեծ է ժողովորդի ընդհանուր կրթութեան գործում: Եւ ահա Գրիգոր Արծրունին կանգ առաւ այդ տեսակ հիմնարկութիւններից ամենազխաւորի վրա, որ է՝

*Դպրոցական խնդիրը:* 70-ական թւականներին հայոց գոյութիւն ունեցող դպրոցների մէջ դեռ ևս տիրում էր խալիֆան, և շատ տեղ նոյն իսկ փալախկան: Սաղմոսը և քերականութիւնը ուսման գլխաւոր առարկաներն էին: Օրիորդական դպրոցները միայն մի քանի քաղաքների սեփականութիւն էին: Դպրոցների մէջ դեռ մուտք չէին գործել աշխարհաբար լեզուն և բնական գիտութիւնները: Հայերի մէջ դեռ չէր կազմակերպվել ժողովրդական վարժապետի տիպը. իսկ վարժաւհիներին ճրագով պէտք էր փնտրել:—Արծրունին իր գործունէութեան սկզբից արդէն պատերազմ սկսեց հին դպրոցի դէմ, սկսեց հայաձեւ հին դպրոցի ներկայացուցիչներին՝ խալիֆայութիւնը ու այդ խալիֆայութեան տիրապետութեան գալիսօնը՝ ճիւղտը, և զրա հետ միասին գրաբար լեզուն՝ իր բոլոր սաղմոսներով, նարեկներով և հոյովներով ու խոնարհումներով: Նոր դպրոցը սկսեց կազմակերպվել... Եւ դեռ «Մշակի» գոյութեան առաջին տարին հաղորդելով մի որ և է նոր դպրոցի բացվելը՝ Արծրունին յափշտակված կերպով բացականչում էր՝ «հայերի մէջ այժմ ամեն մի դպրոցի բացվելը մի յաղթութիւն է խաւարի դէմ...»: «Մշակը» սլաշապան հանդիսացաւ եւրոպական ամենայայտնի մանկավարժների սխառմների և ուղղութեան, սլաշապանեց բնական գիտութիւնները գասատութեան առարկայ դարձնելը և դպրոցների մէջ անպաման աշխարհաբարը մտցնելը. անընդհատ արծարծեց օրիորդական դպրոցներ հիմնելու խնդիրը, և վերջապէս իր հովանաւորութեան ներքոյ առաւ ժողովրդական դպրոցի վարժապետների, սլաշապանելով նոցա զանազան կամայականութիւնների դէմ, և միջոց տալով նոցա հրատարակ դուրս բերել իրանց ցաւերը: Ազաները սանձահարկեցան, և ժողովրդի իրաւունք-

ները դպրոցների վրա սկսեցին մեծանալ... Հարկաւոր Համարելով ունենալ ժողովրդական լաւ ուսուցիչներ՝ Մշակը, պաշտպանել է վարժապետանոցներ հիմնելու միտքը, անդադար քնննադատելով հայոց վարժապետանոցի՝ Ներսիսեան դպրոցի միակողմանի ուղղութիւնը և մինչև այժմ էլ անուղղելի պակասութիւնները... ժողովրդական նոր դպրոցների այդ ջերմ պաշտպանութիւնը մի կողմից, իսկ միւս կողմից հին դպրոցների դէմ անխնայ յարձակմունքները, նպաստեցին այն բանին, որ մօտ 10 տարվայ ընթացքում հայոց հին դպրոցի աւերակների վրա իր դրօշակը պարզեց նոր դպրոցը ոչ թէ միայն քաղաքներում, այլ և գիւղերում: Տարիներից ի վեր Գրիգոր Արծրունին արձարձում է և տղաների ու աղջիկների համար արհեստագիտական դպրոցներ հիմնելու միտքը, որպէս զի՝ մանաւանդ չքաւոր դասակարգի զաւակները այդպիսի դպրոցներում՝ բացի զբազիտութիւնը՝ ուսանելին նույնպէս և մի յարմար արհեստ, մի ձեռագործ... Այդ մտքի դէմ էլ շատերը ապստամբեցան, բայց, ինչպէս երևում է, տաղանդաւոր պուրլիցիստի՝ միտքը մօտիկ ապագայում աջողութիւն կը գանի, քանի որ այդ տեսակ դպրոցների տիպը արդէն կազմակերպւում է թէ եւրօպական զանազան երկրներում և թէ նոյն իսկ Ռուսաստանում, և մինչև իսկ վերջին ժամանակներս, ինչպէս ցոյց են տալիս տեղեկութիւնները, մեր ժողովուրդը սկսել է մտածել արհեստագիտական դպրոցների հիմնարկութեան մասին:

*Եկեղեցու խնդիրը* Մշակի, բնաւորիչ հարցերից մէկն է եղել նրա գոյութեան սկզբից: Համարելով եկեղեցին և հոգևորականութիւնը մի պահանջ տգէտ ժողովրդի համար, Գրիգոր Արծրունին, հէնց այն տեսակէտից, որ եկեղեցին կարողանայ ազդել ժողովրդի բարոյական կեանքի վրա, պահանջել է այդ հիմնարկութիւնը դարձնել համապատասխան ժամանակակից պահանջներին, պահանջել է վերանորոգել հայոց եկեղեցին՝ մտցնելով եկեղեցու մէջ քրիստոնէական պարզու-

Թիւն, պատրաստելով կրթված հոգևորականութիւն, լայնացնելով ժողովրդի իրաւունքները եկեղեցական ընտրողական գործերում, գրաբարի փոխարէն աշխարհաբարը ընդունելով եկեղեցու մէջ, և այլ այդպիսի վերանորոգութիւններ: Աւետարանի իմաստը ժողովրդին ըմբռնելի դարձնելու համար, Արծրունին պահանջել է թարգմանել Աւետարանը աշխարհաբար. հոգևորականութիւնը իր կոչման արժանի դարձնելու համար՝ պահանջել է պատրաստել ժողովրդի պէտքերը հասկացող քահանաներ, թուլացնել կուսակրօն հոգևորականութիւնը, պարզաբանելով այն սկզբունքը, որ հոգևորականութիւնը եկեղեցու սպասաւորն է, — իսկ եկեղեցին ինքը ժողովուրդը: Աերջին քսան տարվայ ընթացքում մեր ժողովրդի հայեացքները դէպի եկեղեցին և հոգևորականութիւնը զգալի կերպով փոխվեցին և այդ փոփոխութեան ցանկալի պտուղները անկասկած մօտիկ ապագայում կը երևան...

Առանց դաւանութեան խտրութեան խօսքը հայոց գրականութեան մէջ անմիջապէս կապված է Արծրունու անուան հետ: Արծրունին եղաւ այլակրօն հայերին հալածելու ամենագորեղ հակառակորդը, քարոզելով այն գաղափարը, որ ազգայնական պրինցիպի առաջ պէտք է խոնարհվի կրօնական համոզմունքների տարբերութեան խնդիրը: Լուսաւորչական, կաթողիկ և բողոքական հայերի մէջ համերաշխութիւն գեցելու համար Արծրունին և «Մշակը» շատ դառն բռնկներ են տեսել... Երբ առաջին անգամ, այն միտքը յայտնեց Արծրունին, որ կան կաթողիկ հայեր և բողոքական հայեր, և նոյն իսկ մահմետական հայեր, շատերը համարում էին այդ մտքի հեղինակին, առ նուազն՝ խելացնոր:—Նըրան ծաղրեցին, հայհուցեցին, նրա դէմ ինտրիգաներ լարեցին: Բայց այժմ արդէն յաղթութիւնը տարված է, քանի որ նոյն իսկ նոքա, որոնք չէին էլ ուզում լսել թէ կաթողիկ դաւանութեան պատկանող հայն էլ հայ է, որոնք ծաղրում էին թէ կան մահմետական հայեր, այժմ խոնարհվել են այդ մտքի ա-



ուաջ, և ալլադաւան հայերը արդէն միմեանց հաշտութեան ձեռք են կարկառում, խոնարհվելով աւելի մեծ գաղափարների առաջ, քան թէ կրօնական խնդիրն է... Երբ ապագայ սերունդը կը թերթի մեր պատմութիւնը, անկասկած կը սարսափի, տեսնելով որ XIX դարու վերջերին կար հայոց մէջ մի մամուլ, որը չէր հասկանում խղճի ազատութեան գաղափարը. ապագայ սերունդը կը ուզենայ թքել այդ տեսակ մամուլի ներկայացուցիչների երեսին, բայց այդ ողորմելիները արդէն փտած կը լինեն գերեզմանների խորքերում...

Յանուն ազգայնութեան պրինցիպի կրօնական համերաշխութիւն քարոզելով, Գրիգոր Արծրունին՝ յանուն աւելի բարձր պրինցիպների՝ եռանդուն կերպով արծարծեց մի աւելի մեծ խնդիր, այն է՝

Ազգերի համերաշխութեան խնդիրը: Հայ ժողովրդի հետ խառն ապրում են զանազան ազգեր՝ վրացիք, թուրքեր, պարսիկներ և այլն: Այդ բոլոր ազգերը միմեանց հետ անբաժան կապված են տնտեսական, քաղաքական և ալլահաբար: Մինչև «Մշակը» հայոց մամուլը չէր էլ ուզում լսել հայերի և հարևան ազգերի համերաշխութեան մասին: Ազգային նեղ հայեցակէտը թող չէր տալիս մարդոց մի քիչ աւելի հեռու տեսնել Արծրունին հարցը ուրիշ կերպ դրեց: Հայի կեանքի հետ միասին «Մշակը» սկսեց ուսումնասիրել և վրացու, և թուրքի, և պարսկի կեանքը: Հիմնվելով այն ճշմարիտ հայեացքի վրա, որ հայը չի կարող ապահով լինել, եթէ իր հարևան թուրքը աւագակ է, որ հայը չի կարող քաղաքակրթվել, եթէ նրա անբաժան դրացի վրացին կը մնայ տգիտութեան մէջ, որ երկիրը չի կարող առաջագիծել, եթէ երկրի մէջ ապրող այս և այն ազգերը կը մնան կրօնական Փանատիկոսութեան և տգիտութեան մէջ խորատուզված, Արծրունին ոչ թէ միայն քարոզել է որ հայի հետ միասին պէտք է քաղաքակրթվի և թուրքը, և պարսիկը, և վրացին, ալլ մինչև անգամ պահանջել է, որ հայոց զայրոցը իր դռները բաց պահի և թուրք, և պարսիկ երեխայի հա-



մար, որ Հայոց ինտելիգենտ երիտասարդութիւնը իր գործու-  
ծունէութիւնը տարածի և զոցա վրա:

Վայր պէտք է աշխատի որ իր դրացին խաւար մնայ, որ-  
պէս զի ինքը աւելի զօրեղ լինի:—ասում էր տարիներ առաջ  
Հայոց մամուլի տիրացուական կուսակցութիւնը, բայց այդ ան-  
միտ Հայեացքը այժմ արդէն ջախջախված է, և ներկայումս  
ոչ ոք չի յանգզնի մի ծպտուն անգամ Հանել այն գաղափարի  
դէմ, որի անունն է ազգերի համերաշխութիւն...

Զգտելով վերանորոգել Հայ ժողովրդի բարոյական կեանքը  
և նրա դարևոր բնտանեկան, հասարակական և կրօնական  
հասկացողութիւնները, Գրիգոր Արծրունին ի հարկէ չէր կա-  
րող անտես առնել մի շատ մեծ խնդիր, որ վճռական նշա-  
նակութիւն ունի ամբողջ ժողովրդի համար, այն է՝

*Տնտեսական խնդիրը:* Հայոց գրականութեան և մամուլի  
մէջ տնտեսական բնգհանուր խնդիրների յարուցանողը եղել է  
Մշակը: Մինչև այդ լրագիրը Հայոց մամուլի համար չը կար  
տնտեսական խնդիր, ժողովրդի տնտեսական կեանք: Ականջ  
դնելով մեր գրողներին, կը կարծէիք թէ Հայ մարդը ոչ հաց  
է ուտում, ոչ հարկ է վճարում, ոչ հող է ցանում, և ոչ էլ  
մի որ և իցէ աշխատանք է կատարում, այլ նրա գործը մի-  
այն եկեղեցի գնալ, տէրտէրին աջհամբոյր տալ ու աղօթելն  
է... Գրիգոր Արծրունին տնտեսական խնդիրը բնգհանրապէս  
և Հայ ժողովրդի տնտեսական կեանքը մասնաւորապէս հրապարա-  
կի վրա դրեց, հետևելով իր ուղղութեան մէջ քաղաքատնտե-  
սական ամենանոր գաղափարներին—Արծրունին պաշտպա-  
նեց համայնական հողատիրութիւնը և մանր արդիւ-  
նաբերութեան սխտեմը: Նա ջերմ կերպով արծարծեց այն  
հարցը, որ պէտք է մշակել երկրի բնական հարստութիւննե-  
րը: Նա պաշտպան հանդիսացաւ մշակ՝ բանող գոսին: Նա  
սիրտ առեց աղքատ գիւղացուն և արհեստաւորին վաշ-  
խառուի դէմ: Արծարծեց փոխառու արկղներ, գիւղական  
բանկեր, գիւղական շտեմարաններ, և էփանագին կրեղիտ

հաստատելու հարցերը, և այդ բոլոր հարցերն էլ, որոնք մի ժամանակ ցնորք էին համարվում, այժմ արդէն սկսել են իրականանալ և մի քանիսը տնտեսական խնդիրների մէջ հերթական հարց են դարձել: Իսկ ամբողջ հայոց մամուլը և գրականութիւնը, որ մի ժամանակ հեղնութեամբ էր նալում տընտեսական խնդիրների վրա, այժմ արդէն ստիպված է առաջնակարգ նշանակութիւն տալ նրան... Տնտեսական հարցերի շարքի մէջ պ ա ն դ ի ս տ ու թ ե ա ն և գ ա ղ թ ա կ ա ն ու թ ե ա ն հարցերը «Մշակի» էջերում ուսումնասիրութեան նիւթ են դարձել՝ ստիպելով նոյն իսկ հայոց վիպագրութեանը զբաղվել այդ կենսական հարցերով, — ցոյց տալու համար որ թէ գաղթականութիւնը և թէ պանդխտութիւնը ժողովրդի զարգացման գործը խախտում են:

Սկսելով ընտանեկան շրջանից, ապա անցնելով հասարակական խնդիրներին, Գրիգոր Արծրունին փոքր առ փոքր լայնացրեց իր ձեռք առած հարցերի շրջանը, և գլխաւորապէս 1876 թւականից «Մշակի» և իր ոյթերի մեծ մասը նուիրեց մի երկրի, որ մոռացութեան էր տուած, այն է՝

*Թիւրքաց Հայաստանը:* Թիւրքահայերի դուրսութեան ուսումնասիրութիւնը «Մշակի» հոգսերի գլխաւոր առարկան է եղել տարիներից ի վեր: Այդ հարցով զբաղվել է Գրիգոր Արծրունին «Մշակի» էջերից դուրս էլ: Այդ հարցին նուիրվել են Գրիգոր Արծրունու հետ միասին՝ «Մշակի» էջերում թէ Բաֆֆին և թէ «Մշակի» աշխատակիցներից շատերը: Մինչև «Մշակը» թիւրքաց Հայաստանը և նոյն իսկ Պարսկա-Հայաստանը terra incognita էր ռուսահայոց մամուլի համար: Այժմ չք գիտէր թէ ինչ է կատարվում այդ երկրներում: Իսկ այժմ հայ հասարակութեանը բաւական ծանօթ է թիւրքաց Հայաստանը, մեզ համար այժմ վարագոյրով չէ ծածկված թիւրքալի հայը. հայ երիտասարդութիւնը այժմ իր համար որոշ գաղափար ունի կազմած թիւրքաց Հայաստանի մասին: Դա «Մշակի» և Գրիգոր Արծրունու մեծ գործերից մէկն է, որի համար, թէ նը-

րան և թէ այդ հարցում նրան աջակցող հանգուցեալ Բաֆֆիին երկար ժամանակ անշարժութեան հերոսները՝ հալածում, ծաղրում և հայհոյում էին: Բայց լաղթութիւնը էլի Մշակի՝ կողմը մնաց, և այն ինչ, որ երեկ երազ էր համարվում, վաղը անկասկած կիրազորովի...

Զբաղվելով թիւրքաց Հայաստանով Գրիգոր Արծրունին անխնայ քննադատութեան ենթարկեց Կ.-Պօլսի ինտելիգենցիային, Կ.-Պօլսի հայոց գրականութիւնը և Ազգային ժողովը, որոնք իրանց կոչված են համարում գործելու թիւրքահայերի համար: Գրիգոր Արծրունին առաջինն էր, որ ցոյց տուեց, թէ Պօլսի մամուլը և գրականութիւնը միանգամայն սխալ ընթացք են բռնել, և փոխանակ բուն հայրենիքով զբաղվելու, իրանց ամբողջ ուշ ու միտքը տուել են Ֆրանսիական «գրական խոհանոցի» արտադրութիւններին: Նա առաջինն էր՝ որ կատաղի կերպով հալածական արաւ Պօլսի ֆրազեօր ինտելիգենցիային՝ նրա վերացական ուղղութեան համար. առաջինն էր, որ սկսեց ցոյց տալ թէ՛ Կ.-Պօլսի մի ֆրազա է, իսկ իրողութիւնը Հայաստանը, թէ ազգային ժողովը ինքնախաբէութեամբ է զբաղված. պահանջեց, որ այդ ազգային ժողովը պէտք է տեղափոխվի բուն Հայաստանի քաղաքներից մէկը, եթէ ուզում է գործել ժողովրդի համար: Այդ մտքի գէժ մի ժանանակ անասելի ազմուկ հանեցին, բայց վերջը ենթարկվեցին, և այսօր այդ մտքերը այնքան տարրացել են, որ ամեն մի տեղից վերկացող ծաղրում է Կ.-Պօլսի ինտելիգենցիան, գրականութեան և մամուլի ուղղութիւնը, և չի էլ հաւատում, որ ազգային ժողովը այժմեան ընթացքով մի առանձին բան կարողանալ շինել:

Գրիգոր Արծրունին կատարեալ իրաւունք ունի պարծենալու իր տարած լաղթութեամբ և այդ հարցում:

Շօշափելով մինչև այժմ լիշատակած այս հիմնական խնդիրները, ինչպէս են՝ լեզուի, ընտանիքի, կանանց, դպրոցական, եկեղեցու վերանորոգութեան, կրօնական, ազգայնութեան, տնտեսական խնդիրները և թիւրքաց Հայաստանի հարցը՝ շատ

անգամ կատաղի կռիւ մղելով իր մտքերի համար, և առաջ բերելով ահագին աղմուկներ զանազան շրջաններում, իր վերանորոգչական փշոտ շաւղի վրա Գրիգոր Արծրունին ոգեւորվել է մի այլ համոզմունքով: Գա Արծրունու փայփայած այն համոզմունքն է, որ հայ ժողովուրդը և հայոց լեզուն մեծ դեր ունին կատարելու Փոքր-Ասիայում, զանախով եւրոպական քաղաքակրթութեան և առաջադէմ գաղափարների տարածողներ մահմետական ազգերի մէջ, լինելով միջնորդ: Եւրոպական կուլտուրան Ասիայում տարածելու համար: Մենք, հայոց ինտելիգենտ երիտասարդութեան հետ միասին հաւատում ենք այդ մեծ գաղափարին...

Խօսելով Գրիգոր Արծրունու վրա՝ իբրև վերանորոգողի վրա, այժմ էլ մի հարևանցի ակնարկ գցենք նրա վրա, իբրև հրապարակախօս - խմբագրի վրա:

Գրիգոր Արծրունին իբրև հրապարակախօս և խմբագիր ստեղծեց հայոց մէջ քաղաքական մամուլը: «Մշակը», դրան ապացոյց: «Մշակից», լետոյ հայերի մէջ լոյս տեսան շատ հրատարակութիւններ, և դրանց բոլորի վրա «Մշակի» ազդեցութեան նշանները սլարգ երևում էին: Իր գոյութեան ընթացքում «Մշակը», արտացոլացրել է հայոց ամբողջ կեանքը իր լաւ և վատ կողմերով: Իբրև խմբագիր՝ Արծրունին մօտ քսան տարի է արդէն արձւի նման սառառնել է հայոց կեանքի վրա, և այսքան ժամանակամիջոցում ոչ մի ընթացիկ երևոյթ խոյս չի տուել նրա սրատես տեսողութիւնից:— «Մշակը», թափանցեց հայոց կեանքի բոլոր խաւերը:

Հետեւելով ընթացիկ կեանքին՝ Արծրունին անդադար նորանոր խնդիրներ է լարուցել, — թատրոնական հարցը, կիրակնօրեայ դպրոցների հարցը, Կովկասում համալսարան հիմնելու, ժողովրդական դասախօսութիւնների և գրագարանների հարցը, գաւառական լրագիրներ հրատարակելու, կլասիքական և ընթաց



լական ուսման հարցը, քաղաքային ինքնավարութեան, ընկերութիւնների հարցը, ժողովրդի կեանքի ուսումնասիրութեան, դիւղական բժիշկների, ժողովրդական գրականութեան, ընտրողական իրաւունքների և այլ այդպիսի տասնաւոր հարցեր գրադեցրել են թէ Արժրունուն և թէ ամբողջ «Մշակին»: Եւ այդ բոլոր հարցերի վրա «Մշակը» նայել է ազատամիտ, առաջադիմական շիջույնի տեսակէտից: Հայոց հասարակութեան լաւ լայտնի է, թէ այդ բոլոր հարցերում «Մշակը» ինչ դիրք է բռնել:

Աչքից բաց չը թողնելով հայոց՝ և հայերի հետ միասին ապրող ժողովրդի կեանքի ընթացիկ, առօրեայ հարցերը, Արժրունին մի և նոյն ժամանակ «Մշակի» հետ միասին՝ հետեւել է Ռուսաստանի և եւրոպական գրականութեան և հասարակական-քաղաքական կեանքի մէջ տեղի ունեցող նշանաւոր երևոյթներին, հաղորդելով հայ ժողովրդին այդ երևոյթները, և սարգաբանելով դրանց: Այդպիսով «Մշակը» իբրև մի քաղաքական-գրական լրագիր, իր գոյութեան ընթացքում միշտ կարողացել է հայ ժողովրդի աչքը յառած պահել գէպի եւրոպական լաւ գաղափարները, և ընդհանրապէս գէպի եւրոպական քաղաքակրթութիւնը, որի առաջ նա հայոց կեանքում հարթել է մի լայն ճանապարհ:

Մեր բոլոր գրողների մէջ՝ Գրիգոր Արժրունին անպայման առաջին տեղն է բռնում՝ իբրև եւրոպական կուլտուրայի տարածող:

«Մշակը» կարելի է համարել հայիական մտքի արտայայտիչ, հայոց մտաւոր կեանքի շտեմարան: Իր գոյութեան օրից սկսած՝ այդ լրագիրը գէպի ինքը գրաւեց այն բոլոր մարդկանց, որոնք կարող էին գրել: Ամեն մարդ, թէ փոքրի շատէ նշանաւոր գրող, և թէ նոյն իսկ շատ այնպիսիները, որոնք հազիւ էին կարողանում հայերէն գրել, իրանց համար բազմ էին համարում գէթ մի անգամ մի բան գրել «Մշակի» մէջ:

Եւ ով ասէք, որ չի գրել «Մշակի» էջերում: Հայոց հա-



մարեա բոլոր՝ թէ մեծ և թէ փոքր զբողները, նախ «Մշակի» միջով են անցել:

«Մշակի» աշխատակիցներից շատերը հաւատարիմ մնացին նրան մինչև այժմ էլ. շատերն էլ հեռացան լրագրից, և զրանց մէջ եղան նոյն իսկ այնպիսիները, որոնք անցան հակառակ բանակները: Ոմանք էլ, «Մշակից» հեռանալով անյայտութեան մէջ ընկան և ոչինչ մտաւոր բան չարդիւնարեցին:

Հէնց այժմ էլ հայոց մամուլի և զրականութեան մէջ զործողները մեծ մասամբ սկզբում գործել են «Մշակի» մէջ: Այժմեան հայոց հրատարակութիւններից շատերի նոյն իսկ խմբագիրները «Մշակի» աշխատակիցներից են. — Արփիար Արփիարեան, որ այժմ խմբագրում է «Արևելք» և «Մասիս» օրագիրները՝ «Մշակի» աշխատակիցն է. Մկրտիչ Փօրթուղալեան, որ հիմնել է առանձին օրգան, «Մշակի» աշխատակիցն է եղել. Աւետիք Արասխանեան, որ խմբագրում է „Մուրճ“ ամսագիրը՝ նոյնպէս „Մշակի“ աշխատակիցն է եղել. „Աղբիւրի“ խմբագիր Տ. Նազարեան՝ առաջին անգամ «Մշակի» մէջ է սկսել գրել. նախկին Առողջապահական թերթի, խմբագիր Լևոն Տիգրանեան ևս «Մշակի» աշխատակից էր: «Մշակի» մէջ են սկսել իրանց զրական գործունէութիւնը և Արզար Յովհաննիսեան, և Թիֆլիզի ուրիշ լրագիրների խմբագիրները և շատ աշխատակիցները:

Մասնակցել տալով իր մէջ հայոց համարեա ամբողջ մըտաւոր ոյժերը, և մի և նոյն ժամանակ կապվելով ժողովրդի համար կենսական խնդիրների հետ, «Մշակը» կարողացաւ տարիների ընթացքում կազմել իր համար մի զօրեղ կուսակցութիւն, որը հիմնված է ոչ թէ անձնական շահերի և ծանօթութեան վրա, այլ այն գաղափարների վրա, որոնք կազմում են «Մշակի» ոյժը:

«Մշակի» կուսակցութիւնը գաղափարի կուսակցութիւն է, և այդ կուսակցութեան անգամներին միմեանց միացնողը գաղափարը և մտքերի համերաշխութիւնն է:

### VIII.

#### Մի ԲԱՆԻ ԳԾԵՐ ԱՐԾՐՈՒՆՈՒ ԿԵԱՆՔԻՑ

Գրիգոր Արծրունին սկզբունքի մարդ է: Նա ունի որոշ սկզբունքներ, և իր՝ թէ հասարակական և թէ գրական կեանքի և թէ նոյն իսկ մասնաւոր կեանքի մէջ ղեկավարվում է այդ սկզբունքներով: Ինչ որ հակառակ է այդ սկզբունքներին, հակառակ է նոյն իսկ Արծրունուն: Սկզբունքը զոհել անձնաւորութեան, Արծրունու յատկութիւնը չէ, բայց անձնաւորութիւնը զոհել սկզբունքին.— Արծրունու յատկանիշն է: Իր սկզբունքներին հաւատարիմ մնալով նա ոչինչ զիջողութիւն չէ անում, և ահա այդ է եղել պատճառ, որ շատերը «Մշակի» մէջ գրողներից և աշխատակիցներից հեռացել են նրանից և դարձել են «Մշակի» թշնամի: Եղել են դէպքեր, որ Արծրունին իր սկզբունքներին հաստատ մնալու համար զոհել է նոյն իսկ հարազարտ հօրը... Թիֆլիզում շատերին այդպիսի փաստեր յայտնի են... Դէպի իր գաղափարները, ունեցած հաւատը և հաստատակամութիւնը Արծրունու մէջ հասնում է կրքի աստիճանին: Արծրունու մասին ասում են, որ նա կրքոտ է: Նիշտ է: Բայց Արծրունու կիրքը զլիսի մէջն է և ոչ սրտի: Շատ երջանիկ կը լինէր հայոց գրականութիւնը, եթէ նրա մէջ գործողներից իւրաքանչիւրը փոխանակ իր համոզմունքները շապկի նման փոխելու, կրքի աստիճանին հասցրած հաստատամտութեամբ պաշապանէր նրանց: Կիրքը վտանգաւոր, վնասակար չէ, երբ բղխում է սկզբունքներից, և երբ գործողը ազնիւ գիտումներ ունի:

Իսկ Արծրունին անպայման ազնիւ մարդ է: Այդ խոստովանվում են նոյն իսկ նրա դադափորների թշնամիները: Նրա սիրտը, ինչպէս սուտ են, լեզուի վրա է:

Մենք շատ անգամ վկայ ենք եղել, թէ ինչպէս այդ մարդը վրդովվում և սպշում է, երբ տեսնում է, որ նոյն իսկ Հասարակական և գրական ասպարիզի վրա գործողները անգադար սուտ են խօսում Հասարակութեան առաջ, անգադար կեղծում և խաբում են...

— Ես չեմ հասկանում, թէ ինչպէս կարելի է սուտ ասել և կեղծել.— ահա այն խօսքերը, որ շատ անգամ լսել ենք Արծրունու բերանից:

Գրիգոր Արծրունին չը նայած իր արխտօկրատիական ծագման, դեմօկրատի հակումներ ունի: Առաջ կը բերենք ուշադրութեան արժանի մի դէպք:

1876 թւին, վրաց «Դրօբա» լրագրի տասնամեակի առիթով տուած ճաշի ժամանակ Գրիգոր Արծրունին դառնանով «Դրօբայի» խմբագիր Մեսիխին, ասաց հետևեալ խօսքերը, որ առաջ ենք բերում այդ լրագրից.

«Որպէս հայոց լրագրութեան ներկայացուցիչ, ես կատեմ մի քանի խօսք հայերէն լեզուով: Սերօպայում լրագրութիւնը շահաւէտ մի գործ է, իսկ մեզանում ոչ թէ միայն նիւթական կողմից մնաս տուող մի ձեռնարկութիւն է, բայց մեզանում նա կասկած է լինում անթիւ գրկանքների և արգելքների հետ: Այդ հանգամանքը յայտնի է միայն նրանց, որոնք իրանք յանձն առան այդ գործը առաջ տանելու, այդ հանգամանքը լուր յայտնի է և իմ բարեկամ Ս. Մեսիխին, որ իր լրագրի աջօգութեամբ պարտական է ոչ թէ միայն իր խելքին և բնդունակութեանը, բայց և այն հանգամանքին, որ նա լուր հասկացել է հասարակութեան բարոյական ցաւերը և տանջանքները ինքն սովորած լինելով գրկանքների և տանջվելուն: Զարմանալի է որ ունենոր մարդկանց երբէք վիճակված չէ առաջ տանել մտքի պրօպագանդայի գործը, բայց այդ վիճակված է միշտ ազքատ մարդկանց: Ես կը վերջացնեմ իմ խօսքերը մի ցանկութիւն յայտնելով, որ թէև ձեզ կերևայ գուցէ անտեղի,

բայց որ ես համարում եմ ճշմարիտ և արդար՝ ես ցանկանում եմ ձեզ, իմ բարեկամ, մի շտ տ ան ջ վ ե ի լ ու, որ մի շտ հասկանաք, ինքնեքզ զգաք հասարակութեան բարոյական ցաւերը և նրա բարոյական տանջանքները։

Մարդկանց հետ բարեկամութիւն անելիս, Արծրունին չի նայում, թէ ինչ գիրքի և սլաշտօնի մարդ է։ Նա սիրով ընդունում է իր մօտ իրան բողոքովին անյայտ մարդկանց անգամ, և սէտք է ասել, իր այդ լատկութեան շնորհիւն է, որ նա կարողացել է անյայտ մարդկանց մէջ գտնել լաւ ոյժեր, զրական տաղանդներ, որոնց և սիրտ տալով և ոգևորելով, բարձր գիրքի է հասցրել...

Վերին աստիճանի ազգող բնաւորութիւն ունի Արծրունին։ Նա այն տեսակ մարդկանցից է, որոնց համար ասում են. «Եթէ մի անգամ տեսար, էլ չես մոռանալ»։ Ինչ ընկերութեան և ինչ հասարակութեան մէջ էլ լինի, իր ազդու խօսքով կարողանում է իր վրա դարձնել ամենքի ուշադրութիւնը, կարողանում է իրան լսել տալ։ Երբ նա ոգևորված խօսում է, նրան չի կարելի չը լսել։ Նրա խօսքի մէջ արտափայլում է համոզմունք, զիտութիւն և անկեղծ հաւատ։

Գաղափարակից մարդոց հետ Արծրունին շատ է մտերմանում, բայց եթէ մէկի հետ թշնամացաւ, այլ ևս սիրել, մտերմանալ չի կարող։ Այսօր թշնամանալ, վաղը բարեկամանալ, — նրա բնաւորութիւնից գուրս է։

Արծրունու համար համարձակ կարելի է ասել. «որտեղ էլ լինի, միշտ սպառիւ կը բերի հայ անուան»։ Եւրօպական ճանապարհորդներ և թղթակիցներ Թիֆլիզ գալով՝ միշտ սպասուորութիւն են համարում տեսնվել այդ մեծանուն հայ գործողի հետ, և հեռանալով տանում են իրանց հետ ամենագեղեցիկ սպասուորութիւններ... 1889) թիւն Պարիզ գնալով, որ «զրուիւնքի կօնգրէսին» մի զեկուցում արաւ և մի ճառ կարգաց հայ մտաւոր շարժման և քաղաքակրթական ձգտումների մասին,

Գրիգոր Արծրունին կարողացաւ տեսնվել շատ նշանաւոր ան-  
ձանց հետ, և իր թողած տղաւորութեամբ արդարացրեց իր  
վրա դրած լոյսերը...

Ի դէպ. առաջ ենք բերում պ. Արծրունու՝ կօնգրէտի վեր-  
ջին նիստին ասած ճառը.

« Ես արդէն պատիւ ունեցայ, պ. նախագահ, ներկայա-  
ցնել ժողովին իմ կարճ զեկուցումս ուսասնացոց արդեան գրա-  
կանութեան մասին, որը և սովազովեց. այժմ թոյլ տուեցէք  
ինձ, ժողովի փակման քաղէին, աւելացնել այդ զեկուցմանը հե-  
տեւալ խօսքերը: Մի հայ հրապարակախօս-գրողի ներկայութիւնը  
ձեր շրջանում ապացոյց է, մի կողմից, այն համակրութեան,  
որը միշտ ունեցել են հայերը դէպի և բօսական ամեն տեսակ  
մատուռ շարժում, իսկ միւս կողմից ապացոյց է ձեր համակրու-  
թեան դէպի հայերը: Ես արդէն պատիւ ունեցայ ասել իմ կարճ  
զեկուցման մէջ, որը ներկայացրել եմ կօնգրէտի երրորդ յանձ-  
նաժողովին, որ ինչպէս չորրորդ դարում հայերը միակ արեւե-  
լեան ազգութիւնն էին, որը խելք ունեցաւ քրիստոնէութիւնն  
ընդունելու, այնպէս և տասն և իններորդ դարում դրանք միակ  
ազգութիւնն են ամբողջ Սօխայում, որը իր բազմաթիւ դպրոց-  
ներով, իր նորահաս գրականութեամբ, իր ազգային թատրոնով,  
եւրօպական նշանաւոր գրուածներէ իր բազմաթիւ թարգմանու-  
թիւններով, խելք ունեցաւ հասկանալու եւրօպական քաղաքա-  
կրթութեան չարվելու, այդ քաղաքակրթութեան մասնակցելու  
անհրաժեշտութիւնը: Այժմ կովկասեան հայերի մի մեծ խմբի  
անունից, նմանապէս հայոց մամուլի մի օրգանի անունից, որը  
ես ինքս հիմնեցի և զեկույարում եմ 17 տարի շարունակ, ես  
պատիւ ունեցայ գալ իմ հեռաւոր երկրից, որպէս զի ողջունեմ  
գրողներէ միջազգային կօնգրէտը, որը գումարված է համա-  
կրելի Պարիզում, Փրանսիայի համակրելի նախաձեռնութեամբ  
և որին նախագահում է մի հռչակաւոր մարդ, որը ոչ թէ մի-  
այն Փրանսիայում, ոչ թէ միայն միջազգային եւրօպական գրա-  
կանութեան մէջ, այլ և մեզ մօտ, հեռաւոր Ասիայում՝ կրում  
է մի փառաւոր անուն, Դուք ինձ պատիւ արեցիք, պարոններ,  
մասնակցել տալով ինձ կօնգրէտի աշխատանքներում և այժմ,  
երբ կօնգրէտը փակվելու վրա է, ես կը վերադառնամ հայրե-  
նիքս, հետս ասանելով ամենազեղեցիկ լիչողութիւններ Փրան-



սիակիսն հիւրասիրութեան մասին, հետո տանելով և այն համոզմունքը, որ դուք անուշադիր չէք գէպի հայոց գրականութիւնն ու հայերի մտաւոր շարժումը և ես թող եմ տալիս ինձ ամենազերմ տենչանքներս յայտնել, որ Ֆիւստիական հանձարը, միացած միջազգային գիտութեան և գրականութեան ամենալու ոյժերի հետ՝ մեզ միշտ ղեկավարէ, միշտ փայլէ մեզ համար որպէս մի ղեկավարող, մի լուսատու փարոս։ Խմ համակրութիւնս և զգացմունքներս յայտնելուց յետոյ, չեմ կտրող ձեզ չը յայտնել և ընկերակիցներիս, կոնգրէսի օտարազգի անդամներին կողմից նոյն համակրութեան զգացմունքները։ Կոնգրէսում ներկայ գտնվող օտարազգի անդամների անունից էլ ներկայացնում եմ ձեզ մեր բոլորիս երախտագիտութեան զգացմունքը ձեր հիւրասիրութեան համար և նրանց անունից էլ ամենազերմ ցանկութիւններ եմ յայտնում մեր սպազայ կոնգրէսների աջողութեան համար։

Իբրև գրող՝ Արծրունին վերին աստիճանի բեղմնաւոր է։ 25 տարի է այդ մարդը գրում է, բայց և այնպէս նրա գրիչը չի կորցրել արդիւնաբերելու ոյժը և ընդունակութիւնը։ Նրա արտասովոր ընդունակութեանը պէտք է վերագրել այն հանգամանքը, որ նա գործելով ամբողջ քառօրե դար գրական ասպարիզի վրա, այժմ մի մազի չափ անգամ չի շեղվել իր հիմնական այն գաղափարներից, որոնց նա դաւանում էր իր գործունէութեան սկզբում։ Նրա մէջ մտքի և գաղափարների թարմութիւնը չի կորել։ Ներկայումս, գրականութեան մէջ տիրող ընդհանուր բեակցիայի պատճառով Արծրունին նման է այն զինուորին, որ գէնքը վայր դրած սպասում է... բայց դրա հետ միասին շարունակում է պինդ գրկած պահել իր գաղափարները։ Գուցէ տարիներ անցնելուց յետոյ, երբ տաղանդաւոր վերանորոգչի ֆիզիքական ոյժերը կը սպառվին, երբ սպիտակ մազերով կը ծածկվի նրա գլուխը, այն ժամանակ հաւնականաբար նա այնքան բեղմնաւոր չի լինիլ, որքան այժմ, կամ որքան մանաւանդ առաջ էր, բայց մենք հաւատացած ենք, որ նա երբէք չի կորցնի իր գաղափարների թարմութիւնը, երբէք չի կանգնի երիտա-

սարգ հասակում դաւանած իր գաղափարներինց, երբէք առաջագէմ-մտածողից սրահայանողական-մտածող չի գառնար:

Կա կը լինի նրա տաղանդի և արտասովոր ընդունակութիւնների ամենամեծ սպացոյցը...

Մինչև այժմ էլ Արծրունին մեր գրականութեան մէջ առաջնակարգ, ամենազգու գեր է կատարում: 25 տարվալ ընթացքում հայոց մտաւոր ասպարիզի վրա դուրս չեկամի պուրլիցիստ-գրող, որ կարողանար գերազանցել «Մշակի», խմբագրին, կարողանար նսեմացնել նրա անունը: Նրա կարծիքը ղեկավարող նշանակութիւն ունի.— տեղի է ունենում, գիցուք, Կ.-Պօլսում մի դէպք, ամենքը սպասում են, թէ ինչ կասի Արծրունին. թիւքաց Հայաստանի մասին մի որ և է լուր է պտըտում,— ամենքը սպասում են, թէ ինչ կասի Արծրունին. հարարակական մի խնդիր է առաջ գալիս,— ամենքը սպասում են Արծրունու կարծիքին. գրվում է մի նոր պիէս. ամենքը ասում են՝ «տեսնենք վաղը ինչ կասի Արծրունին»: Եւ այդ նոյնը կրկնվում է շատ տեսակ խնդիրների վերաբերութեամբ:

Գրիգոր Արծրունին իր 25 տարվալ գործունէութեան ընթացքում «Մշակի» հետ միասին, շատ հալածանքներ է կրել: Նրա դէմ ինտրիգաներ են լարել, նրա դէմ հալածանք են բարուցել ոչ թէ մասնաւոր անձինք, այլ ամբողջ դասակարգեր և հիմնարկութիւններ.— բայց այդ մարդը, մի արտասովոր տոկունութեամբ դիմագրել է այդ բոլոր հալածանքներին և ինտրիգաներին. նա շատ անգամ իր հակառակորդներին մահացու հարուած է տուել. և այդ բոլորը այն բանի շնորհով, որ համոզված է եղել, թէ իր խիղճը մաքուր է, իսկ իր պաշտպանած գործը— սուրբ: Անխարդախ գործունէութիւնը միշտ նրան միջոց է տուել համարձակ լինելու:

Երևելի Պրուգօն մի անգամ դիմելով իր հակառակորդներին ասաց. «ես կը պատմեմ ձեզ իմ ամբողջ կեանքը. մի առ մի կը նկարագրեմ իմ իւրաքանչիւր քայլը, և իմ ոչ մի արար-

քի համար չեմ կարծրիլ ոչ ոքի առաջ: Բայց արդեօք կարող էք նոյնը անել և դուք...:

Այդ խօսքերը ամենայն իրաւամբ կարող է ասել Գրիգոր Արծրունին՝ դիմելով իր անցեալ և ներկայ հակառակորդներին... Եթէ պատահել է, որ Արծրունին իր գործունէութեան մէջ երբեմն-երբեմն սխալմունքներ է գործել, այդ էլ եղել է մեծ մասամբ անկեղծ ոգևորութեան արդիւնք միայն...

Պէտք է խոստովանել, որ հայոց կեանքի մէջ Գրիգոր Արծրունին մի առանձին բազում ունի: Նա կռիւ է յայտնել շատ անգամ այնպիսի մտքերի և հաստատութիւնների գէմ, որոնք խաւար ժողովրդի համար սրբութեան կշիռ էին ստացել,—բայց և այնպէս նրան այսօր սիրում է ժողովուրդը, և նա մեծ ժողովրդականութիւն ունի բուն ժողովրդի մէջ: Բուն ժողովուրդը սիրում է Արծրունուն, որովհետև այդ ժողովուրդըն է, որ իր կաշուի վրա փորձում է այժմեան կարգերի ամբողջ ծանրութիւնը. նոյն Արծրունուն գործունէութեան միշտ համակրող է եղել հայոց երիտասարդութիւնը՝ իբրև անարատ և առաջադէմ մի տարր: Արծրունու և «Մշակի» հակառակորդները եղել են՝ զրականութեան մէջ—զրական բուրժուազեան և խաւարի գաւակները, իսկ ժողովրդի մէջ—ժողովրդի աշխատանքով ապրողները...

Երջանիկ է Արծրունին, որ իր թշնամիները դռքա են. որովհետև դա ամենից մեծ ապացոյց է, թէ իր ուղղութիւնը համակրելի է, իսկ գաղափարները—օգտակար:

## IX.

## ՄԱՌԱՋԱԳԻՄՄԱԿԱՆ ՇԱՐԺՈՒՄՆԵՐ

Մեր գրուածքը սկսեցինք այս խօսքերով. «Հայ ժողովրդի պատմութիւնը լիսունական թւականներից սկսած մի նոր շրջանի մէջ է մտնում»:

Այդ շրջանը, որ կոչվում է վերածնունդի թեան շրջան, մի բնաւորիչ լատկութիւն ունի.— այդ այն կռիւն է, որ նոր, առաջադիմական գաղափարները մղում են ամբողջ հին կեանքի դէմ, աշխատելով ոչնչացնել միջնադարեան կարգերը՝ նոցա տեղը նոր մտքեր, նոր վարդապետութիւններ հաստատելու համար: Եւ ահա հայոց մտաւոր կեանքում կազմակերպվեցան երկու որոշ կուսակցութիւն—պահպանողական և առաջադիմական:

Սկզբում այդ կռի երկու կողմերը միմեանց միանգամայն անհաւասար ոյժեր էին ներկայացնում. կռուողների մի կողմը ինքը կեանքն էր, իր ամբողջ կազմակերպութեամբ, իսկ հակառակ կողմը վերանորոգութեան մի քանի կարապետներ:

Հանդէս եկաւ «Հիւսիսափայլը», Նազարեանցով և Նալբանդեանցով՝ իրբև վերանորոգութեան կարապետ: Բայց հին կեանքը և պահպանողական կուսակցութիւնը լաղթող հանդիսացաւ, և «Հիւսիսափայլը» ընկաւ՝ իրբև գաղափարի առաջին զոհ հայոց մամուլի պատմութեան մէջ:

Անցան տարիներ և առաջադիմական նոր և աւելի զօրեղ բանակ կազմեց Գրիգոր Արծրունին. «Մշակը»—այդ բա-

նակն էր, Գրիգոր Արծրունին այդ բանակի ղեկավարը, իսկ Բաֆֆին բանակի աջ թևը: Պահպանողական կուսակցութիւնը ամփոփվեց «Մեղու Հայաստանի», լրագրում, և ահա սկսվեց մի կատաղի կռիւ «Մեղուի» և «Մշակի» մէջ, որը տևեց մօտ քսան տարի... Սակայն այս անգամ յաղթութիւնը կատարելապէս առաջադիմական կուսակցութեան կողմը մնաց, — «Մեղուն», ջախջախվեց և դրա հետ միասին ամբողջ հին կուսակցութիւնը ասպարիզից անհետացաւ:

Դա ոչ թէ մի լրագրական յաղթութիւն էր, որ տարաւ «Մշակ» լրագիրը «Մեղու», լրագրի դէմ, այլ մի մեծ յաղթութիւն մեր ամբողջ կեանքի առաջադիմութեան համար, մի մեծ յաղթութիւն հին կեանքի, հին մտքերի դէմ: Այլ ևս հայոց մտաւոր կեանքի մէջ չի կարող գոյութիւն ունենալ ոչ մի «Մեղու», որովհետև ժողովրդի այն վերքերը, որոնցից նա իր համար սնունդ էր ստանում, արդէն առողջանում են... «Մեղուի» լաջորդները, լինի դա Նոր-Գար թէ Հին-Գար, որոնք իրանց գոյութիւնը պահպանում են՝ ծծելով ժողովրդի առողջացող վերքերից հոսող ժահրը, — այլ ևս համարձակութիւն չունեն բացարձակօրէն կրկնելու իրանց նախորդի մտքերը, և իրանց ոգորմնի կեանքը շարունակելու համար, ստիպված են «հարկաւոր ժամանակը ազատամիտ լինել, հարկաւոր ժամանակը խաւարամիտ», և գրական բարձրութիւնից փողոցը իջնել...

Մենք բոլորովին տրամադրված չենք կարծելու, որ հայոց կեանքը այնքան առաջադիմել է, որ այլ ևս նրա մէջ չեն սպրիլ խաւարի որդիքը, որ այլ ևս չեն կարող առաջ գալ մեր առաջադիմութեան ամօթ բերող երևոյթներ. — ոչ մենք այդքան էլ օպտիմիստ չենք: Բայց և այնպէս, լոյսի նման պարզ է, որ մեր մտաւոր կեանքը մեծ առաջադիմութիւն է արել, և այդ առաջադիմութեան զօրեղ ապացոյցներից մէկը թող համարվի «Մշակի» և Գրիգոր Արծրունու գործունէութիւնը և գործունէութեան յաղթանակը...



«Մշակը» ինքը Հայ ժողովուրդը չէ, բայց այդ ժողովրդի ցաւերի և առաջագիմութեան արտայայտութիւնը: Գրիգոր Արծրունին երկնքից իջած մի հրաշք չէ, այլ նոյն այդ ժողովրդի առաջագիմութեան համար գործող հսկաներից մինը, որին ծնել է ինքը ժողովուրդը:

Քանի չեն սպառված ժողովրդի կենսական ոյժերը, քանի ժողովուրդը գեռ և ս վերջնական անկման չէ ենթարկված, այլ առաջագիմութեան շաւղի վրա է, միշտ առաջ կը գան նալբանդեաններ, Բաֆֆիններ, Արծրունիներ, և մի ժողովրդի մէջ այդպիսի մարդոց ծնվել և գործելը արդէն նշան է, որ այդ ժողովուրդն ընդունակ է թօթափելու իրանից հնութեան փոշին և մասնակից լինելու նոր քաղաքակրթութեան...

«Մշակը» և Գրիգոր Արծրունին Հայ ժողովրդի առաջագիմութեան կենդանի ներկայացուցիչներն են: Այս առաջագիմութիւն, կը լինի և «Մշակ», երևան կը գան և նոր Մշակներ. կալ առաջագիմութեան ոյժ, կը լինի և Գրիգոր Արծրունի, երևան կը գան և նոր Գրիգոր Արծրունիներ...

Եթէ Հայ ժողովուրդը ուզում է հանգիստ քնի մէջ մըրափել, եթէ նա չի ուզում որ նոր քաղաքրթութիւնը խանգարի իր դարևոր քունը և ալեկոծէ այն ճահիճը, որի մէջ բորբոսնել է դարերից ի վեր Հայ կեանքը,—այն ժամանակ նա, այդ ժողովուրդը, պէտք է ամենից առաջ իրան շրջապատի չի ն ա կ ա ն պ ա Ր ո ս պ ո վ, պէտք է թոյլ չը տայ, որ եւրոպական քաղաքակրթութեան ճառագայթները թափանցեն իր խաւար կեանքի մէջ, պէտք է թոյլ չտայ, որ իր կիսավայրենի նախահայրերի ձորերի մէջ լսվի երկաթուղու շվշվոցը, պէտք է վերջապէս խ ա Ր ո ս յ կ ի վրա այրի այն մարդոց, որոնք յանդգում են եւրոպական ազատ մտքեր մտցնել մեր կեանքի մէջ: Բայց մեր ժողովուրդը այդ չի կարող անել. փոքրիկ ազգերը քաղաքակրթութեան ստրուկներ են: Ամբողջ աշխարհը խոնարհվում է այդ զաղափարների առաջ. դոցա դիմադրելը մեր ժողովրդի ոյժից բարձր է:

Նոր գաղափարները, նոր մտքերը փոքր առ փոքր կը մտնեն կեանքի բոլոր անկիւնները, ինչպէս կենդանաբար ջուրը կաթիլ կաթիլ թափանցում է ամենապինդ հողի մէջ... Իսկ երբ մի ժողովուրդ սովորում է յարգել իր կեանքը վերանորոգողներին,—կը նշանակէ այդ ժողովուրդը արդէն յարել է քաղաքակրթութեան գործին: Երբ մի ժողովուրդ ընդունակ է դառնում դեռ կենդանութեան ժամանակ գնահատել իր կեանքի մէջ երևացող՝ նոր մտքերի և նոր ձգտումների ներկայացուցիչներին,—այդպիսի ժողովուրդը կը նշանակէ իր մէջ առաջադիմելու մեծ ոյժ ունի:

Ահա այդ տեսակէտից նայելով հարցի վրա, շատ ուրախալի և նշանաւոր է այն երևոյթը, որ հայոց հասարակութիւնը անկեղծօրէն գլուխ է խոնարհեցնում Ներսէս Արժապետեանի, Նալբանդեանի, Նազարեանի և Բաֆֆիի յիշատակի առաջ, և ոգևորութեամբ համակրութիւն է յայտնում Խրիմեանի, Պատկանեանի և Գրիգոր Արծրունու յօբելեանների առիթով...

Այդ մարդիկ որոշ ձգտումների և որոշ գաղափարների ներկայացուցիչ են. յարգել և սիրել դոցա, կը նշանակէ յարգել և սիրել դոցա գաղափարները. իսկ յարգել և սիրել այդ գաղափարները, կը նշանակէ վերանորոգվել, անդադար ձգտել դէպի յառաջ...

Ուրեմն տօնել մի այնպիսի մարդու գործունէութեան 25-ամեակը, ինչպիսին է Գրիգոր Արծրունին, կը նշանակէ իսկապէս տօնել Հայոց կեանքի մտաւոր վերածնութիւնը և առաջադիմութիւնը...

